

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



2018

Сагал дусличил, гьалмагъуни!

1/2018

январь - февраль



**КЪАСУМ БЕК - Дагъиста халкъла поэт ветаъниличил
мубаракирулри!**



Гьалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬ - БЕКИ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЬАЛОВА

РЕДАКЦИЯЛА КОЛЛЕГИЯ
XI. Къурбанов (журналла редактор)
Къ. Мигърабов
Т.Сягидов

ЖАМИГИЯТЛА СОВЕТ
А. Гябдулманапова
И. Ибрагъимов
Ш. МяхIяммадов
Х. ХIябибова
Х. Юсупов
И. МяхIяммадов

1
2018
январь - февраль

КIел бази гъачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ПРОЗА

Къасум-Бег МИГЪРАБОВ. Шахли дигубти къар.....	3
Ибрагъим ИБРАГЪИМОВ. Цализиб ва хилизиб.....	19

ПОЭЗИЯ

Хизри ЮСУПОВ. Авал тугъла назмурти.....	30
Тавсултан СЯГИДОВ. Хала нешла пенсия.....	33

ПРОЗА

МяхИяммад КЪУРБАНОВ. Яргали дирар къугъни.....	44
Хадижат ХИЯБИБОВА. Дигай – гIяжаибси цIакъ.....	56

ЖУРНАЛИСТЛА БЕЛКIАНИ

ПатИмат ВЯХИДОВА. Сабурбирес хьуммартид.....	67
--	----

ПОЭЗИЯ

ШапигI МЯХИЯММАДОВ. Дарган девлис деза.....	74
---	----

ПРОЗА

БяхИяммад ХИЯЖИЕВ. ГьархIебизурси архIя.....	79
--	----

ПОЭЗИЯ

Имин МЯХИЯММАДОВ. Усан рурсила гьунар.....	93
ХIябиб КЪУРБАНОВ. Гьалаб ва гьанна.....	94

ФОЛЬКЛОР

ШяхI МЯХИЯММАДСЯГИДОВ. Даргала буралаби.....	96
--	----

Регистрационный номер ПИ №ТУ05-00369 от 23. 12. 2016 г.
Выданный управлением Роскомнадзора по Республике Дагестан.

Типография: Издательский дом “Дагестан”.
Адрес типографии: 367018, РД, г. Махачкала, пр. Насрутдинова, 61

ГЪАЛМАГЪДЕШ №1 2018 г.

На даргинском языке

Выход в свет 13.03. 2018 г. Тираж 337 экз.
Заказ № 0207 Цена свободная.
Печать офсетная. Бумага офсетная.
Формат 70x108 ¹/₁₆.
Усл. печ. л. 8,4.
Усл. изд. л. 8,7.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:
litdag@mail.ru

Проза

Къасум-Бег
МИГЪРАБОВ



ШАХЛИ ДИГУБТИ КЪАР

Баинатли ишбархИира хІянчиличи къанхІерис дигули, укол къалабали бариб. Дудеш, къакъ изесбяхІили, хъулив сайри, ца жумягІлис тухтуртани дармунти дужахъес ва уколти дирахъес хъарбарили. Машина бикес право агарли, Баинат рулличи кариес рирули ахІенри. «Чуйна ира хІези, карерхи автошколализи или!» – ишбархІира гъанбушиб АсхІябли, манзил-манзил сягІятличира хІерилзули, хъулир рет-сад рашу-рашукад, се биалра устІулличибад хапбарили, чІямбируси рурсиличи хІерикІули. – ХІу карерхи, ручІес хІерашадлира, гІямал бетарар. ХІуни къалли машина бикес нуничиб гІяхІил балуси саби. Нуни школала директор валуси сай.

– Ге, ге, – бизахъур илини, дудешличи хІерван или. – гІягІнили саби...

– Маршрутникуни хебалу пунтбиубли? Се сабив илдас дигуси? – АсхІябли къамасличибад газета касиб.

– СекІун, дудеш, пассажиртазибад сайсуси багъа имцІабарни тІалаббинули саби илдани. Гъанна хІябал бархІи цалра маршрутка дурабухъи ахІен шагърлизи. КъанхІейубли хІянчиличи ваес вирули ахІен.

– Такси жибара гъатІи?

– Илра заманаличиб хІякъян. БакІаллира, иша баили, шишнала гъимиртала заводла шулгІибад дунъяла гъуни алаббарили, ваайчира халал замана аркъули саби. Чедивадли – Калинина къакъализивадлира – ца бархИдеш саби. Илабси машинтала хІуреба каберхайчира къанирули сай... цадехІ авара сари, се барадлира. Гъугу, се биалра бирис. – Ил, гъакІбарили хъулиб кавлутас някъ, дурарухъун.

Мер-мерличиб бурхІубси гъуникад ахъти къячІубачилти дабрачир рашес къияннири, илди кІантІиси гІянжилизи духІнадулхъулри, гІинидарили гумли дурасилихъалли, цархІил кацІибси ганзличилра ил аги тикрарбирулри. ЦабехІли гъунила дублабси хандакълизирад шин кес ругерти дарили, цабехІли, хъайс хибти далгалис ва гІянжи-къаркъалис гІергъи калунти гІела-гъаладухълуми урхІесили датурли, гъуни палакатлири. Ца гІяхІдеш, гъуни гІеркъасиялра хІебиъни. Мегъла гъунила шулгІи дуравхълри, къарла гъуни сабри. Разагарли, чуйнарил хъутуррухъи, ил къирличи дурарухъун, гъунила кІелра шайчи хІерризул. ЧІянкІли кункти машинти сари, сарира ар-

цурхИеливан дашули, автобусунала къел-хИерзилра аги. Гърахъли ахИи че-биуси гумила шулГир таксиби чедиулри, иларадли таксиличир аркъяс или, ганз бара гъалакбарили-хИебарили лерли, цIудара «Жип» мякълаб тIашбизур ва илала гъаларти унза гъаргдиуб.

– Башуста, Баинат АсхИябовна, – чехиб илала бухИнабадли тIама. – Кари... нура центрлизивяхИ сайра...

Баинатли машиналичибяхИ ганз кацIиб ва рухИнаряхИ хИерризур. Рулличив Хасай сайри. Ил, алгъай някъли руль буцили, балуй – Баинатлизи кариахъес жибикIахъули, гъинчIкяхълри. Баинат, ил чеили, гъала-гъала урКIрухъун, гIур, селис илцадра васвасрулхъусира ну или, ганз гIелабахИ кацIиб.

– Баркалла, – бизахъурли, илини сумка итил някъличи чергъур. – Ну къанрирули ахIенра...

– Ну къанирули, хIу сен хIерирусири? – ил, ухIнавад дуравхъи, илала мякъла гъамиуб. – Кари, нукIун къацIвашуси ахIенра... Кари... Урух-макIуд...

– Чи сая урухIуси? – иб илини ва кункли рухИна ретацIиб. Кондиционерли бяргIяхъибси салоннизиб бизиси мискIла тIемра пухIбухъун. Сунечиб, Хасайличиб, налогунала полицияла цIяба-хъанцIа хасси форма сабри.

– Гъу, сен сари, Баинат? – иб илини, лебси мерличибад, къябдурхъахъи хIулруми машина къалабали дуцIбириули. – Аргъира больницализир или, гинекологли...

– Сарра, – иб Баинатли. – Иларра поликлиникализирра.. ХIу сен сайри?.. – Ил суал илини ца ити, гIядат барили, чеблалиур хIеруэсван хъарбаиб. ТIама Хасайлисра гIяхИебизур.

– Ну, гъм... налогунала полицияла управлениелизив сайра, гъанна хIябал дусра-сера иша шурватурли виублира. Тамаша, амма къакъализирад аркъулиялра чехIераири... Ха-а – атир»... лукIули ургар.

– Сай. Ил ца хIянчи илала

– Ца секIал аргъес вирули ахIенра, – иб илини, гумила шулГи ваибмад, тIашаили машина, кайцIули. Камси замана дикибмад ил гурда гIябла вавнала халаличил чарухъун.

– Каса, АсхИябовна, – иб илини, гъинчIизурли, – ишди хIед сари.

– Наб?! Се-се... багъандан. Юх... юх... Ил секIал дугIли барри хIуни. Селис? Се багъандан? Се иша хIянчилициб? – Ил мар-марли рачарархилри.

– Ягъари, Баинат, нуни ца секIал аргъес вирули ахIенра къалли... Пикрирухъен хIу... ХIу илцад гъимрукIес, се саби нуни барибси? – Машина, «Тимир-химир» тукейс шалгIеббухъи, хIярхIбиуб, гъалаб гъярцIа къакъакад аркъуси къулала хIенкъван барси хIуреба сабри. – Нушала ургабси хъалладиэс бигъунси вягIда чили сабри буунси? ХIуни. ГIур, сейкIулихъалли ну гъамхIерибси, хIятта багъесалра, дила хатIа, хIу сарри... Нуни хIечила вайси хIебурра, я бархIебарра, амма хIу цаагили гъимрукIири. Нушала биалли лебилра адамти мяштIбикIути хъалицIа детари. Дила жигарчевдешра хIела жагадешра адаб-хIяра. – илини буруси къицIбариб. – детхIерив? Гъа?..

– Се биру? Аллагъла къадар бурги...

– Черрерхи, хъарбиули или... гъачам гъатIи... черрерхи... Дила хIечи хъулани гъаннара лерал хIедиши. Эгер... гъм, эгер нуни хIези жиасри, гъм... тьфу... се саби гъари нуни буруси, набчи чаррухъахъес тиладибарасри, хIуни се биради?..

– Се?.. Се сари хІуни дурути? – Баинат, лергІер рачарархили, кариибси мерличир жункъуррухъун. – Нуни аргъес рирули ахІенра.

– Се леба ишаб хІергъеси? Ну хІу дигахъули левалра... ХІу разирикадри, пикрилра хІевхъи хІечи лявкъяси...

– ХІела хъалибарг?

– Ил хъалибарг саби... ва нуни вайтІа хІебалтира, амма хІу севан дигахъадил наб.

– Наб дила мурул вигахъула.

– АхІенри... Илкъяйда биалри, хІуша дарх дирутири. ХІуша биалли... Дунъя, бикІуливан, къакъяси саби...

– ДугІла гъай сари... Адамта хІебуруси лебси ахІен... Ишаб тІашаа, ну карицІус, ишабадди ихабяхІ машинтас гъуни гІекІили саби, – иб илини, унзала гІедирхъла тІели бурцули.

Хасай – бекІ къухІбуцили шайчивяхІ хІеризур ва Советский районна РОВД-лис гъамли, ила аркъуси гъуни урхІла машинтас гъабарес кадихъибти халати блокунала мякълаб тІашаиб.

– ХІу къалабамарикІуд жаваб чарбарес, – иб илини, ил карацІибхІели. – Вавнира каса...

– ГІягІнити ахІен ишди авара, Хасай. Нуша-ургаб селра биэс хІебирарну. Баркалла иша раахънилис...

– Вавни, Баинат...

Баинатли вавнала хала дуклабуциб ва къалабали катхІел ратрихъиб. ДяхІ-дяхІли лябкъутачи чуйнарил чегиб, ганз бирхули, чуйнарил къардрухъун, амма тІашхІеризурли, хІятта ганзра хІярхІра хІебарили, ратрихъиб. Лац гъабасибси ца мерличирад больницала чІябарличи рухІнарухъун ва сунела отделениелизиряхІ ратрихъиб. Ил рухІнарухъунхІели, Саят Иминовна, чегъурли дяхІиван цІуба халат, серил лукІули устІулла гІела кариилри. Вавнала халаси хала чебаили, ил уркірухъун:

– Чили?

– Ца дила шай, – иб илини хала акъуси устІулличи кабирхъули ва халат чегъес итил кабинетлизи ретицІули. Ил дурарухъунхІели, вавни банкала духІнар сарри. Манзил-манзил сунечи лапІбалтули хІерра бара багъарси гъинчІра чедаили, Баинатли иб:

– Саят Иминовна, хІу хатІариркулри, иш хала Хатирлизибад ахІен. – Саятла гъинчІ бусягІят кІунбацІиб. – ну бегІ гъалар ураркъибси левригу, нуни хІези иличила бурра гъачам, Хасай бикІар илис, иш хала илини гибси саби... Илини раахъира хІянчиличира. Гъунчи тІашризурли лерли, итав вагъариуб. Хъумартурра чинавад лявкъусирив ил хъарбаэсра... гъм, рахъ рачарархили. Белики, дача асили ургар ишаб... чила агара гъанна ил?..

– Асубирар... Асубирар хІесили виэсра...

– Се?..

– Белики ил, къас-къасли, хІу кес багъандан хІерли урги, – Саят, бекІалра ахъІебуцили, гъайрикІулри. – Илини аргъили ургар хІушала ургала бижгнителича... ГІур, автобусунира дашули ахІен... Сабаб ахІену гъатІи ил, «хабарра агарли» къаршиикес! Гъа?..

Иш гъакІлис уркірухъунси Баинат сарри, сенахІенну Саят Иминовнала шакдешуни мурталра хІякъикъатлизир гъардилзути диъни илис якъинсири, ва гъачамцун ахІенри илини сари пикриухъахъунси.

– Валлагъ, Иминовна, се риклусиралра хлебалас?.. Пикриухъалли, вирххлееси аги ахлен. Хаслира, илала ихтилатла гъайра гъандикахъили. Гъар секлал илкъяйда сари – хабарагарли – мурад сархеси къасличил...

– Ахирра-ахир, сен илцадра рачарархири ху? Гъар секлал хлезирад ахлену дигахъути? Хела къисматла бекл къалли ху сарри!.. Яра хуни, ихтилат-диклухъели, илизиб умут аклахъубрив? Яра бишунрив?

– Хебалас... Се барилралра хлебалас... – кабинетлизи арацибхъели илала буриси къябаиб, сасили карточка Саят Иминовнази бедиб ва иличил цархил кабинетлизи арациб.

* * *

Транспортла инспекцияла начальник пенсияличи арукъяйчи, сунела мер-личили илини заманалис къуллукъуни дузахъес заместительли узуси Алимуртаз катурхлейчирад клел базра-сера дикилри, амма Хатирлара Набисатлара ургар, пенсияличи аркъуси юристла хлекълизир, ил мер цархиллис бикесгу или ташмишдешра аклублирину, гъар бархли, цацахъели нургъбачил тамандирути, ихтилатуни детарулри. Арзхерзибти, арзес гягинити лергер мягиничерти масулти лерни балули, Хатир дугъайзес урузкулри, амма жалананира, нургъбанира, уркъубяхъунанира асар барибси ил савличивад илала кабинетлизив вагъариахъуб. Тамай къуллукъуначив ил тасдикъварайчи илис ташизес дигули, амма Набисатла далилти дахъ асарчертири ва вирхарахъутири.

«Иш хлянчиличиб биркуси хлекъ гъунилис кабурули саби дила. Пакъиртазибаддира язихътазибаддира секъяйда багъа тлааббирусилра балули ахленра. Илди чебаибхъели, дила биса чяхлудлхъули сари... Гъар базли бухгалтериялизи чебси хлекъ луген, ордертас луген, ижаралис буцибси хъайс луген... Пур рукесра гягинили саби.

– Гъар секлал гяхил дирар, чянкли хуни сабурбара...

– Азирна бурра хези, илкъяйда майклуд или. Гъар секлал ункъли диэс дирути ахлен, селра хебирули виаркайалли... Ну ишкъяйда руэс херирус. Дигули виадли, беклил херузус, хуни ралхра ралхаба регра рараба... Илди секлал хуни хъунуйс дирулригу, хуни ири ну дигахъула ва хъунуйс гелар чехериулри. Или биалли, дила магъар агарси мурул, хела дигай мардара.

– Хезиб сабур лебсив агарсив?

– Лебси ахлен. Набзир гъанна лерти, хапли черсаргъибти хялани сари. гямрулизир тянишли ахенти, гъанналаурти, ху вагъайчи дерклибти гямрулизир, тянишли ахенти хяйкатуни дила чархли дагъур, уркили, гямруличили иштяхл аллахъути, гъуцл хялани чекасиб. Ну гяшикълира, сенахленну ну дигуси адам левни балулану. Илбагъандан, дила ахерси, азгъинмайруд. Ит къалли хела гъамси юлдаш сай, илини хела мурад биру. Яра хед ну гурра шилизи чаррухъахъес дигулрив?

– Дигули ахленра, дила къакъба. Дила мургъила къакъба...

– Хебиалли укъен.. Тиладибирула хези, гелайзи армахидну, жягял укъен. Херейс хезибадди гяхла хабар аргъес дигула.

– Гяхси...

Кабинетлизи ацахъес секретаръли ихтияр барибхъелира, сенахленну гъамадсив гъатли вегла пикри-къас итилличи чедихъес, илала илди сегъунти сарил хебалухъели. Илала дурабадра, пенсияла дусмачи ваили виалра,

юрист узули левалри. Илизи арукъен виклесра гьамадли ахӀенри, хӀятта илаб бузути лебтанилра балули биалра, урегцӀали дус биубхӀели, камли ахӀи вягӀда сагахӀебирни пачалихъла даражала къуллукъчибачил.

– Ассаламу гӀялайкум! – иб илини, устӀулла гӀелав хӀекъли вархӀибси илини ручка кабирхъули хӀясиббарили. Ил секӀал барес сунесра хӀейгахъу къалли, лукӀуси таманбарра или гъанбикибхӀелира ил кахӀебирхъули виар, иличибли ручкалис хӀейгӀибилзусиван.

– Ва гӀялайкум ассалам! – иб илини, устӀулла гӀелавад алзули. – Ваши, кайи иша. – Илини бакӀибти кабалтуси, халаси устӀулла гъалабси биштӀаси ва ца бара иличиб гӀяшси устӀулла шайчибси ута чебиахъули. ВягӀчили сайра кайиб. – Гъу, сен сайри, се хабурти лера литературала дунъялизир?

– Се буриша? ЦабехӀ лукӀули, цабехӀ булкӀули, цабехӀли биалли – гӀердирули... Илдазивад цалра варгес хӀейруд, сай агарли литература бекӀили саби или пикрихӀейкӀуси. Игъбарла вегӀ, чӀянкӀли, литератураличи гъамли виэс багъандан, литератортачивадли гъаряхъли кали узес вируси сай.

– ГӀядатли ахӀенси пикри саби, амма хӀу вархъли виэс асубирар, сенахӀенну ил дунъя бегӀла тамашала, бургъуси, паргъатагарси дунъя бургар.

Чула къанунтачилси... цархӀил шали касахӀелли, художниклис гӀяхӀти замунти ахӀен гъанна, азаддеш лебли, хъархӀерагардеш сецад гӀячихъли биалра, илала бузери къиматлахӀебируси манзил бакӀили саби.

ХӀу ацӀес гъалар дурарухъунси ца жагъил хъунул адам хӀисабхӀериубу хӀед? Ил икӀди жузи асахъес ракӀилри... СейкӀуси, жузала тукенти далли агара диалли...

Гъугу, хӀу сен сайри? Селизив узулри?

– Ца повесть таманбарра, Монголиялизи вякъунхӀели, ца хабар аргъира. Ил калун бахъхӀи уркӀилизиб... БахъхӀи бихули калун, ва ахирра ил кагъарлизи гечбиуб дила аргъайзибадли...

Ит дунъя декӀарси саби. ЛебгӀеб декӀарси. Монголти гӀабигӀятла вегӀбекӀуни ахӀен. Илис буйрухъбикӀути ахӀен, илизиб хӀербӀэс багъандан бузути саби. Нуша диштӀахӀейчирад бегӀтани, школали, гӀярмияли, гъайла къантӀа, пачалихъли, дургъанти диахъес, мягӀничебси мурадлис, партияли касибси чеаслалис къуллукъчиби диубли дузахъес руркъулра. Илди черяхӀти абадунас аманатдирулра нуша, нушала гъаббашантани, нуша руркъутани.

Итар гъар секӀал ургӀерли сари: ишди нуни гъандушибти масъулти наслубас аманатдирули сари.

Ишдала хӀер давлаличи, арцличи, цархӀилти яшавла даражала ишаратуначи тамай декӀарси саби... – ил бара сунела юлдаш арӀзурси уталичивяхӀ ласяхъяб. – ДурабухъунхӀели, замана бикалли бучӀад... Гъм... Се хабурти лера? Ит нуни гъанбушибси масъала бетхӀерулив арзес?..

– Бетарар, сен бетхӀеруси? Ишавси аркъусиличил ца бархӀи ихтилат барраа, гъар секӀал далули сай. Документуни хӀядурдарая, гӀур жумягӀлизир хӀянчиличи дурарухъесли бирехӀе... ил айзур, гӀелабси, бамсриихъуси тавхайзи айцӀуси унза абхъили, иб:

– Ваши, гӀяхӀси коньяк леб, камси хӀерикунра къацӀбирехӀе. Нура уки ахӀенра. Бурсира леб хӀези...

Ил биштӀаси ца улкъайличилси тавхана сабри, камси чӀябарличи хӀерхӀели, гӀягӀнитицун секӀал кадихъили, хӀеръибсилис гӀяхӀрабизеси. Илар лерри холодильник, ахъси шишнала унзурбачилси шкаф, улкъайла гъалаб

кІантІиси, хІябал адам кабіэси диван, шайчи чумал ута кадихьибси устІул.

Хатир уталічи кайиб ва, сунела хасият бирули, шкафла чедирти къасур-бачи кадихьибти жузи хІердиресвяхІиб.

ГІялимуртузли устІуличи деркестира держестира кадихьиб. Илала дяхІли бурулри ил пикрумазив виъни ва чичил саял жалікІни.

– Бара гъалабван, бархъли буралли цачумал дус гъалаб, гъанбиркуру улкализибси аги? Сегъуна цІакъличил, сегъуна гъмиличил багъла-багълали гъар бархІи ца къаркъа, ца гІябул убкайсугли пашихъулрил улка? – Муртузли истакунази коньяк картІиб, гІур, шикалатла къяжа бячи, ца кесек тІулбази буциб. – Гъанбикеслири икІди, аричибани, улкала гъаларти экономикала, бекІахъудила ва культурала масъулти арзес диргалабулхъуси улкала цадеш саби ва илбагъандан ил гъятІаэс пикрибарили саби или. Ахъли хІебурулихъалли, илдани чула уркІбазиб Прудонна ва Бакунинна пикри-къасани кадуцили сари или, чусра, зурба улка гъятІаили, хъулчиличи бикайчи, гІур ил хъулчиличиб цархІил, халаси улка тІашбатес дигуси. Балагъ чебакІеси дазурбачи бетикиб къалли улка. Илди кІелрайчив урехила сайри ит арякъунси Цегъа вяхІра, сенахІенну илала уркІи изули ахІенри я халкъличи я улкаличи... Ца гІяхІдеш, ил урехила хъябагъри шулумаира... Гъари, дерхъаб!

Илдани, къутІдарили, пигълуми держиб.

– Ну, дила къиланас, гІямрула мягІничерти масъулти ирзнила бетуцла хІекълизирти пикрумас къянаируси ахІенра. Коммунист сайри, ишбархІира сайра, амма ил пашакъуртачил итхІелира къабулли ахІенри, ишбархІира – ахІенра. Партия калунси биалри – улкара бири. Гъайгъайра дарседешуни гІягІнилири, амма илди дарес, Дамкънарли гІебасиб... – Илинири бекІлизи къутІбахъиб. Камси замана ил лехІахъиб, гІур биалли, левгІев сакІубсиван виубли, иб:

– Амма барскабируси селра агара или гъанбиркули саби. Гъм... хІед се гъанбиркули, даг ца чихъси къуллукъличивсили зангъдирхъули сай, гъав-вакІахъес сунечи. БархІехъ хІянчи таманбіэс ца сагІят лебалли, вякъунра. УркІила бухІнабси тІамали балулри ил ихтилатли дила гъав булъни. Дила ил тІама камли хатІабиркули бирар. Илкъяйда бетаур гъаннара.

– Нуни хІела хІурматбируси саби ГІялимуртуз Билалович, – вехІирхъули сай ил гъарахъливад. – Илбагъандан хІези, (ил секІал нуни барни багъалли, хІунира балулри, дила бекІличибад илдани хъат хІяршхІебирни) ил секІал хабарагардешли хІед хІебиахъес багъандан, бурулра: чедир гъай кІер, ита, хІела мерличи, цархІил адам вархъес дигниличила... ихцад лугІила къадарлизир арцра дузабличи дурайули сари илини... Гъайгъайра, хІуни балулри, гъай къурушмачила хІедиъни...

– Чи сая ил, саялра! – Хатирла чархкадли аргъибсила тІягІямагарси рамч аязберхахъурли...

– ХІуни хІелад ил... Органтазив узули калунси ца лев... АнцІбукъ илизибра ахІен къалли, калтнилизиб-алтнилизиб... – Илала хъяйхъубала чІямикІлала гІемсни руржесдииб, хІулби бара цІивдизур. – Наб тамашабилзути илди, адамтачи, саби, узуси адамла мерличи, хъулбулхъути, саби агарли дунъара хІебузар или пикрибикІули хІебиалли илди.

... Гъм... Низам кабизахъес, бузутала шуртІри ункъдарес бара вехІихъили-хІейхъили левалли, иштяхІ бекІахъиб. Мурт агардирутил хІебалас илди

«нуни – хЕед, хЛуни – наб» бикЛути ва ил тяхІяр кьанунна даражаличи ахь-
бурцути мурт паргъатбирутил...

– Се бируси? Се пикрибарилри? – Хатирли сунесра хабар агарли пигьлу-
ми дициб ва, селра хЕеили, бержиб. – Ил хабарли дебали вачавархахъира,
уртахъ, ну...

– Министрличи зангъдяхъира нуни, ил викІар, паргъатли уэн.

– Ил масъала ишала, министрла, ихтиярла хІерудилиубси ахІену?

– Саби, гъайгъайра, амма...

– Се амма?..

– Ишавси халал паргъатли уар викІулрив хІу арцла ил лугІиличила гъай
– марти диалли?..

– Халал кьалли илди дибГІянти аварализи хІейхъур.

– Ваталли, гъайгъайра, мякълабтани хІетур. Илди масъулти ахьдурцу-
тира илдани кьалли – кьуллукъ дигутани... Эгъ-гъ-гъ! – ХІяртбарили някъ
илини пигъала касиб, кІунтІбачицун гъамбарили, хІебержили кабихъиб. –
хІердикІехІе... ХІуни бержа, набчи хІермайкІуд, наб гІурра рулличи кайэс
гІягІнили саби... ХІу укен, каса ишди чуду-хинкІи... Ишар делхъунти сари.

– Нуни держибтира диур. Дарести хер сецад-дигара... Чарулхъас. Савли-
ра кам-гъамси чІямбарра, беркунра. ХІу укен..

– ГІяхІси. Итни бархІи документуни хили дакІирая... Бура илизи руцни-
лизи халбарану, гІяхІла хабар.

– Баркалла, гІяхІли кален...

* * *

ГІяхІси хабарличил иличи ваэс сецад кьалабали виалра, хІянчиличи
вакІибхІели, унзала гІякьлизиб илини белкІличилси кагъарла кІапІи баргиб.
Илизи белкІири: «Хатир Саримович, университетлизирад хІечи зангъдяхъ-
иб профессор ВяхІидуллаевли. Ил хІечи хІерли сай:

Замана хІереличи гъамбикІулри. Ил, кІелра барх вокзала шулГІибси ба-
зарличи бякъунхІели асибси сягІятличи, хІеризур. Илала гІякьрабти, гъарил
сунеласун: ца – лебгІеб багълали хІятта шишбулхънира хІясибхІебиэсли;
итил – бара чебаэсли, цІивизурли, иличи аГІахъи хІер хІеризадли; хІябъэсил
– кьалабали, мугълат агарли...

УстІулличирти белкІани, кІапІри сари лертиван датур, секретаръла кагъ-
арра устІулличичи кабихъиб ва кабинетлизивад дуравхъун.

Профессорла кабинет филологияла ва дурала улкнала мезанала факуль-
тетуни мерладиубси юртла цаибил дерхІличиб сабри. Профессор кабинет-
лизив леври, вецІал студентлис даргала литературала ишбархІила чебкядси
лекция белчІи гІергъи, илдачил ихтилатикІули. Хатир ацІибхІели, ил сягІят-
личи хІеризур, лекция таманбиайчи калунси заманаличи разили хІейиши,
илини удибси кІентІ пушбизахъур, гІур, някъ буцили Хатирла, ца ута су-
нела мякъла кабихъиб.

– ХІечи савлиличирад хІерлири нуша, Хатир Саримович, сепайда хІян-
чиличив кьаршихІейкири. Камси-биалра замана лебал, бархъли буралли,
вецІну шура минут студентуни иштяхІличил лехІихъи хІела «Дяви таман-
бируси ахІен» жузличила пикрумачи. Нушала тема саби: Социализмала ва
социализмалис гІергъити дусмазиб улкала адамтала бекІахъуди».

– Гъайгъайра, ил жузличила чебетаахъили ГІябид ВяхІидуллаевичли бу-

рес вири хІушази, сенахІенну произведениела анализ бирнилизив ишичи абикибти бахъал-декІар гІялимти агарану, – вехІихъиб ил. – Амма, ну живарили гІергъи, ва хІербируси темала чебкад нуни се биалра бурес гІягІнили балан.

Суалти-жавабтала тяхІяр пайдалабарили гъайдикІахІелли, гъайгъайра, наб гъамадли бири ил жузличила ихтилатдикІес. Нуцун гъайикІули дигадалли, илкъяйдара бирехІе. Ну кършили ахІенра.

Ил белчІунсили, гъайгъайра, хІебагъес хІейрар повестълизир хІябал наслула къисматуни хІердарили ва сипатдарили сари. Эгер нуни хІябъибил бяхІла глаголти дузахъули или уркІмадулхъадая. Наб илкъяйда гъайикІес гъамадли бирар...

Ил жузличи критикалира пикри бяхІчиаили саби или нуни аргъира. – ЛехІахъибти цаличи ца хІербизур, аргъибсиличи тамашабиубли бииши. Ил секІал хІясиббиубси Хатир даимиуб. – Дила пикриличи хІуша тамашадиънилизиб селра тамашаси агара. Нуни гърли-марли илди делчІунти ахІен. Амма ил секІал барибси критикунала пикруми мучлахІедирухІели ахІенрану, замана агархІели сайра. Ил цаибил. КІиибилгъунара, наб авара агара илдани се белкІи биалра... илдани барсбируси агара.

Нуни пикрибарра хала дудешла, илала уршила ва уршила уршила гІямру чедаахъес, селра чеимцІахІебарили, сари лертиван. Ва секъяйда илди дархдасил, секъяйда асарбирулил цадехІличи цадехІли ургаб верхІцІали-гІехІцІали дусла декІардеш лебли биалра.

Цаибил бяхІличибад ахирличи бикайчи бекІси пикри пачалихълара гІядатла адамталара ургаб алкІуси бижгурдеш, жал сабри. Ил дяви ишбархІира леб. ИтхІелира лебри, гІурра бирар, сенахІенну аричибира буйрухъчибира, сабира пачалихъли, чедихІяртдеш дакІудирни багъандан, абилкъути, камбирути ахІен. Илдас биалли се заманалра хІейгахъу бархъдешлигІиб умцІути, илдани адам вялчІа, ихтиюрти керису.

Гъайгъайра, илди пикруми нуни дартаахъес, цараван бурасли хабарчис мажахІят имкан бакІиб биэс сунела мурад сархес...

Повестълизивси хала дудеш, сецад къайгъилизикили узули виалра, илхІелира сунела хъалибарг гашазиб ва дягІязиб биалра, хІябцІали-авцІали ибти дусмала хІякимтани ил гІяйиблаварести даргиб ва туснакълизи катур.

Халкъла душма-мугъурличилси дудешла гІямрули хІябцІали дус дикили гІергъи, урегцІали ибти дусмазиб «чейгахъули» саби, сунела дудешла ура умубарес или дуги-хІери хІеили, вамсни хІебалули узули виалра. СенахІенну хІу хІейгути сеннира дакІубулхъан, хІебухъес гІямал агара.

Илдада «бунагъуни» багъандан Афгайзи урхъули сай, хІябъибил наслула вакилра.

Социализм имцІали къяркъсири ва адамла гІямру селизилра хІедири илини эс дигули ахІенра наб. ИшбархІила пачалихъли се гІямру лушулилра хІебалулрану...

Наб бурес дигуси ца секІал саби; гІядатла адамла уркІи паргъатагарли лебалли, ил бархъдешлигІив умцІуцадхІи ва «сен?» «се багъандан?» ибти суалти хърдиули левалли, ил дяви хІебубкІниличила саби.

– Ишгъуна секІайчила хърбаэс дигахъира: гъарилра-сера произведениелизиб лебли хІебиалра, имцІатигъунтазиб сеннира дигайла, гъанна бикІуливан, хІябмуз писательтани чебиахъули саби. ил бекІ герой, итира зугІлу-

мазив виалра хъалибаргла урgab бархбас бургахъули сай писательли. Сен? УчIусила иштяI акIахъес? Яра цархIил мурад сархесу?

Хатир профессорличи хIеризур, иш суал набчилагу, хIуни-мага бурилрив викIусиван. ВяхIидуллани, илдигъунти къалли, уртахъ, гъаннала студентуни, набзибадди се дигулри викIусиван, хъуцIруми зинкIдухъахъун.

– Суал лебгIеб тамашала саби, литератураличи хассира саби, ил дунъ-ялизибад, амма литература чIянкIли дяхIимцIала саби, гъм... нушала гIям-рула.

Наб гъанбиркули саби, адамли се бирули виалра, сунес гъамадбиахъес саби бируси, зугIлумази вархни багъандан. Ил бархбасли гъатIира гIядабдеш алкIахъни илини заманалис гъалаб балули виалри, мажахIят ил секIал бариши. ХIятта уркIила_ хIяланала масъулти сегъунтилра къанунтас мутIигIли хIедиалра. Се секIалра сай ункъиэс, гIяхIси ветаэс ва чевяхIиэс вализни саби, хIятта гъаза биэсра асубирар. Адам мурталра умцIуси сай берцудилигIив, сенахIенну балули сай, илди зугIлумичиб къяркъси ва урехила, паргъатдешра, бекIахъудира, чедибдешунирацун ахIи, гъар секIал керисуси – бекIа. Ил саби адамла гъуни шалабируси ва къелгIеббикуси чирагъ. Ит мешубуц, мурхъли пикриухъалли, бахъ урхIмешуахIенси ва вирххIеэси саби или гъанбикес асубирар, амма, дирхаирая набчи, иличила хъумуртусили хайрила дахъал баркъудлуми дирниличира ну вирхули ахIенра...

– Хатир Саримович, переменара харжхIебирехIе, хIуни хIергъилихъалли, зангъдяхъилара шел минут дикили сари. Ишдала биалли гIурра лекцияби лералти сари. Гъари, дила юлдашуни, даширая Хатир Саримовичлис баркалла балахъехIе.

Студентунани илис хъатдяхъиб, илди дурабухъунхIели, профессорли унза гIекIиб.

– Убяхъесил цалра пикри хIебурри, амма критика белчIес замана агара ва иличи пикри бяхIчиуси ахIенра викIниличил гъабуликес хIейрус, – иб ВяхIидулагъли, жявлил хIядурдарили, шкафла духIна кадихъибти деркес-держести дурайсули ва устIулличичи кадирхъули.

– Сен?

– СенахIенну хIуни дурибти пикруми, лерилра хIейкIаслира, имцIатигъунти нуни делкIи кадяхъибти сари.

– ХIу набчи, ВяхIидулла ГIябидович, вирххIеэс асубирар, амма белчIунси ахIен. Хъя баресра вирус...

– ГIягIнили ахIен.

– Амма бучIас. Замана баргили, бучIас.

– Наб биалли дигулра хIези ца секIайчила бурес. ХIу уркIмалхъад, илцад урехила анцIбукъличила ахIен гъай, амма нуни дила чеблализи халбирулра хIези багъахъес гIягIнили биъни. КартIа гъатIи, сен тIашсири?.. Набчи, хIела ца ралусила шан лев вашули, ил нуни вахъхIи валуси сай, хIера илини набзи даг гъанбушиб ца илала шай хIечи гъимибуцили сай или ва, сеннира хIу витхIейтили ватес асухIебирар или чи сабил махбирули леври. Гъу, дерхъаб! Башаб гIяхIси бархIи! Дерхъаб хъу!

– Дерхъаб!

– Нушала шан хъунул адамличил вашахъули ил сен дуутира викIули уили сай ил. Гъайгъайра, ил илала мехIурдеш саби, сенахIенну хIушала урgabси бархбас кIелра разили, ургар хIялани, диги лерхIели акIубси сабину,

ва ил иличи, сунечи хІуни гужбирулрину, ратахъаба или дугъахІеризур.

МезикІни дила тІабигІятла хасият ахІен, амма хІу дила юлдаш сайри, илбагъандан хІези иличила бурес нуни чараагарсилизи халбирулра.

– ИшбархІи нушала ашханализир лергІер бизити катлетуни дарили сари. ЧІямбара... Гъари, каса пигъала, наб бержес дигулра нушала хъунул адамтала талихІлис... Дерхъаб! Аллагъли акІахъубти бегІла жагати жан саби илди... Илдала, талихІлис!..

– Дерхъаб, ГІябидович!

Гъачам цали, гІур итилли, илдани хІябал шиша «гІянддакІиб», заманара икІраллайчибад шулумбухъун. Профессорли, «улкІули» чеахъес хІейгулра или, сай гъунивватахъес тиладибариб. Ак-Гель шарала дублабси кафелизиб ца гъатІи бацІбариб, иш гъакІлис чІишликІуначил. Ахирра илдани чяйла чяйник хахъиб ва, ихтилат даимбарили, илра бацІбариб. Илабадли дурабухъунхІели, илди бекІлил хІебержибхІеливанри, илбагъандан ВяхІидуллагъли ил, сецад жалвахъили виалра, хъулира живариб...

Илавад, гІяхІла хабарличи ил бархІи ахъайчи хІерли кариибси Набисатличи хІевкъунну, сунела хъули вакІиб.

Хъулив ил, гІянайчи бекІ гІяшбарибмад, паргъатли ускаул.

ХІери баайчи илини судла ца заседаниеличир бутІакъяндеш дариб ца балугълахІеибси дурхІяли, чумал гъатІи сунела юлдашличил, хъули абацІили, палтар-къяш, телевизор ва цархІилти ваяхІ дурасили, «барахолкаличир» дургІе-хъяшли дицилри. Илдазивад цала, сунени ралуси ца ялгъузси хъунул адамла уршила, илала дудеш адвокат сайри. Гъайгъайра, балугъхІеъни багъандан, илис цалра статья хІясибли такъсирчила чебкадси дело чебигъи гІяйиблаирули ахІенри, амма биографиялизиб, бикІуливан, «цІябси дамгъа» кавлулри.

Абзур дуги хІядурикІули, илини, судьяла уркІи кІантІибарести гІяхІцад баянти хІядурдарилри, дудешли хъали бархъбатни: хІябал дурхІя абикъес илала нешлис лебгІеб къиянни биъни; имцІаливан къакъурбазивси иличи иларти гІямрули асар барни; школали бяркъла шайчиб дурабуркІуси хІянчи хІярхІбарни ва балугъхІебаибтачил бируси хІянчи илар рузуси инспекторли гІягІниси даражаличиб хІебузахъни.

Судличир лерси инспекторлис адвокатла уркъубяхъуни гІяхІхІедизур, илбагъандан, сунези гъай хІегибкъи, сабур хІебарили, иличи черухъун, амма председателъли илизи сунела мер чебаахъиб...

Судли илала далилти прокурорлайчир вирхестили чедаибу, яра сай судья уркІецІичевси увухъун, илхІелира сунелара чумал дурхІя лебси, ил танбихІла дурав ватур, амма илала хатІаличила чІумали багъахъурли, пикрихІевхъалли, гъамли гІяйиблизи виркниличила багъахъур.

Илдигъунти чумра «чедибдеш» сархибси ил разили хъули чаррухъун. Гъайгъайра, илав гІяхІси хабарличил сунечи Хатирра хІерли ургар или. Амма илини ил илав варгХІергиб. ХІекІиб ил хІеригІергъира. Илбагъандан, сабур каберхурси ил, илала хІянчиличи ракІиб. Сепайда, Хатир хІянчилавра угаги. Иларадли ил, гъанна къалли чарухъун ургар или, хъули ракІиб, амма хъали илис гІурра бацІли гъунибаиб.

Пикрибарибси секІал чараагарли бетурхахъес дигуси ил рачарархилицун ахІенри, лергІер гъимрукІилри. Илгъуна агиличирхІели ил, сунес хабарра агарли, се някълиу бикалра, хІятта илала бизидешла тІагІям кахІейсули ри-

алра,букули рирар. Иш гъакІлисра илини чуйнарил холодильник абхъиб, илабад дурасили шампиньонтала банка, рукес рехІрихъиб. Телевизорличи хІеррикІулихъалли илини иргъуси аги. Чумал канал дузесаиб, амма уркІили цалра передача къабулхІебариб.

ЖаняхІлизир ганзиличир гунзрала аргъалри хъали ганзилис гъамлири, ил шипІриргІулри, хІятга, лявкъуси Хатир ургар ва, гъанна илини унзализи къутІдирхъу или, ил гъамриури, амма гунзри гъарахъдиркулри.

– ХІу каршури нуни! – пикрирухъун ил, амма, сунесра хабарагарли, пикри ахъли буриб. – Хъули ацІибмад, каршури!.. Илцадра авара агарси вирусив гъари адам? Итиличила пикрихІелхъуси, итилла авара хІебируси! НушаникІун вягІда барра, хІери баибхІели къаршидикес. БетхІерули биалли багъахъес гІягІниси ахІену, зангъдяхъес хІейрулив?.. цадехІ гъайра хІура! «Гъар секІал гІяхІил дирар! Нуни вирусии се хІебарра нуни?..» – Хатирла гІердариб илини...

Дурути, уркІили гъандуршути кадерхур диэс, ил багъла-багълали паргъатриуб, ца чумал шайтІа къапІа лерси къямлизи хІерризурли, илини илди банкализи уряхІдушиб, хІейгібизурси секІалван, къябшдизахъурли дяхІра, банка сунечибад гъарахъбариб.

Сенрил илала ручІес иштяхІ акІуб. Ишкафлизибад Хатирла жуз касиб, чумал бяхІ садяхъили, назмурти хІерлицундяхъили, ца мерличир тІашризур.

**... Чум хІянчи лерал хъарли,
БекІдарес вирхІейрули:
ХутІлис арц хІедедилра,
Дабри сари дурдили...**

**Дабри далдирахъулра.
ХутІлис багъа архулра...
ГІяхІцадхІи хІебелкІунси
Иш назмура лукІулра.**

**...Амма уркІи бургъули
ЖибикІар набзи ахъли...
... Ге, хІейрус, уэс хІейрус,
Гъалмагъуни, гъарахъли!..**

**Чинар саррая хІуша?!
«Дерхъаб!» дикІулрав чинар?!
Гъамли нура лявкъясну,
Набра умегъ бицІая!..**

– МехІур ну! – иб илини, пІяцІасахъили жуз устІулличи бирхъули. – БусягІят сен шакхІерикирал! Гъайгъайра, кеп-чеклизив сай ил гъалмагъуначил! Ну абдал ишар, сай багъандан, се биалра биубара, чина викибара или къакъаракІилра, сай биалли, гъалмагъуначил сай!..

Буруш кахІебихъили, илини диван лебсиван батурли, ца шайчи базла гІянала пяхъ-пяхъбарили кабихъиб, сегъунтирил тІамара дурадушиб ва, телевизорла пульта касили, карихъун...

Селра пикрилизиб агарли, хаслира се биалра аргъес яра пикрилизи касес, илини пульта кнопаби хъячІдирули чуйнарил телевизорли чедиахъути программаби дакІахъиб, амма селра гІяхІхІебизур. Илис буцІарлири, вайтІари, гІядаблири... УстІулличи кабихъибси жуз илини касиб ва, муртрил илини сунези, гъамли дурабухъунси жузлизиб хІечила назмуртала халаси бутІа (илдира, лерилра дигайличила) баргес дигули, жуз касиб.

«ХІу лерли, хІу агарли» бикІуси жузлизибси бутІа баргили, ил бутІала гъалабси суратличи хІерризурли, амма сурат къабулхІебарили, илини гІяшли иб:

– Ишъуна суратли къалли агарсира чериахъули сари, лерсилесра се дигулил иргъахъули ахъен, амма ну ишдигъунти дархибти гъямру дяркъеси даражаличир ахъенра... – Илини жуз, кабихъес дигули риалра, илабси назмула бехъибхъуд гъяхъибзурли, кофтала хъапнира илгъи, иб:

– Хераягу сегъунти дугъби сарил...

**... Сагадан хъу чераэс
Игъбарла пай баалри,
Гъур вякъсукъуриасра
Наб авара хъебири.**

**Хъела тIамала бакъес
Гъачам гъатIи бикалри,**

**Гъур цахънав гъянцIиасра,
Наб авара хъебири.**

**БегI гIергъи хъела кIунтIби
Держес талихI биалри,
Гъур ил бархIи вебIасра
Наб авара хъебири...**

Илини назму белчIун, гъачам гъатIи иличи хIерризур, лаг-кат сунеласун бет-садбирхъули, гъагъра бушиб ва сегъунарил пикри бакIили жузла ахирлизирти кIапIрачи, мурт ил дурабухъунсил багъес хIерризур.

Ил назму сари рагъайчира илини белкIи биэс ибси пикриличи ракIили, амма уркIилизиб гIясидешла къызбикIуси рурцIуси пикриличил, михъирличи кабихъили жуз, русес хIейгукъи, хIулби гIекIиб.

Амма илини балулри сари русаэс хIерирни.

* * *

ЧевсаргъибхIели, бекI изулицун ахъенри, гъанбикеслири мехIе вакъала духIна кахIедурцули, лихIбазирад ва хIулбазирад кIантIдулхъан или. СягIятла гIякърабтала къутIла илини бикъулри, амма бяхIличи ахъ-ахъли кахъибси иличи хIеризес илала ахъри аги. Улкъайлабад савлила шалала цаибил гъигъ бухIнайхъулри, ил хIекъдеш тамай хIулби хIебхъилихъалли аргъиб илини, сенахIенну шяв-шявси шаршав гъалабилзули бетихъулрину.

МухIлила ахIи, къакъарла мурхъти цIумла тIама дурабушили, илини цулби къяржардухъахъун, дерубти кIунтIби баралра шинкIадирис или чуйнарил лезми илдачибад хIяршбариб, амма ил чIянкIли, гъургъаван, хъарсбухъун. Дубшала дерублири, хIятта бабза къат бетаурсиван сабри. Рамчанабиркъули, вакъала бухIнабси изала сецад цIакъбикIули биалра, илини кIухнилизи ваэс цIакъ баргиб. ДяхI ицис или пикриухъун ил, амма хIямамлизи ваэс хIейрни аргъили, кIухнилизисби кIарантI абхъили, чуйнарил мехIлизир дяхIличи шин чедяхъиб. Руржути тIулби-ургарад дахъалгъунти шин чухдулхъулри, илбагъандан илини бекI чухлиу убуциб. ТIягIямла зярхIдешли бекIла иза цIубхъла бара хIярхIдариб или гъанаур, чуйнарил къакра баргаур.

Мусисиртла къелличир гъалли-марли берхIила шалала цаибти ранг, хIунтIен-цIярли ухуси бурдисби гъагулла мер-мерличирти тIярхъубазирадли, шинкIаси дуцрубван, ванзала дяхI хIяршдирули удидяхI кIантIдикIулри.

Ахъти биризуначир ва пIялпIялагуначир цаладикибти цIудара къянби цалис ца гIелахIедулхъули вявдикIулри ва, Хатир уркIулхъахъули, илдазибад цали лебтачиб ахъли тIамадарибмад, лерилра лехIкахъиб. Илди лергIер духути диъни Хатирли балулри, амма илцадра низам бузахъути ва халалличи лехIихъути диъни бегI гъалаб чебиулри. Илис Овоотла ургубала хъула хъирхъни гъандикиб. ГъакIбирули бекI, хIенкъла гъаббашан илдази

гъайбикѹлри, лехѹахъибти, шипѹалра хѹейхъули, лехѹахъилри. Ахирра ил лехѹахъиб ва, сари ил секѹайчи хѹертиван пяхѹли къудкъудиличил умудирес, сари къудкъудиби, къялубази суркдирули, дугадирули гѹанручѹла умудешла низамлизи ахъиб. Илдачи хѹерикѹси Хатирла бекѹ бара хѹярхѹбиубсиванри, амма иза рамчани дагъарли илала аргъайзир гѹералгъулри.

«Зягѹипикибсиличил дармандарили сагъирен...» гъаман тикрардирути Вяхѹидуллагъла гъай гъандикиб илис ва, сецад хѹейгули виалра, холодильникличи ветухъун. Чуйна ил даражаличи викайчи хѹебержес гъай гибал илини, амма цайналра илис марли калес бетарули ахѹенри. Холодильникла унзала ца къасиличиб гъалабван абхъибси шиша лебри. Ил касили, илини стакайзи картѹиб, касили илра, сагали холодильникличи гъамиуб. Сяйси къямлизир колбасара нусира лерри. Касили къям ил устѹулла гѹела кайиб ва цазаманализир стакан мухѹилиличира мухѹили иличира гъамдариб, амма кѹунтѹбачи гачбикибмад ил зерзербиуб ва гѹяркъи чяхѹдухъун. «Духъадалли неш... – иб илини ва, загъру херсиван, дакъундешли рурцѹахъуси канилизи ил бацѹбариб. Иха чяхѹбухъунсиван къалабали ил гѹелабяхѹ чарбиуб ва дубшала дицѹибси ил хѹяжатханализи дуцѹухъун. Цалис гѹергъи ца чедакѹибти гѹегѹла рамчли варглабси гъими дурабакѹиб. Илгъуна гъарбизниличи хѹерли ахѹенси ил шинна чухлиура ветухъун. Изала хѹярхѹбиъни илис гѹячихъли гъанаур, гъигъ гъамадбиуб, гъав тамай декѹарси даражаличи бикиб.

Бушкили чарх ил кѹухнилизи чарухъун. Шиша, ил хѹянчи барни багъандан урузбиубсиван, майали кѹапѹбарилри. Замана-замана илала хъябличибад, дархдирхъули удирти кѹунтѹри, майала дугъ хѹусбулхъулри. Илини шиша касиб. Илала лутѹилис алав бетаурси шинна мяваличи хѹерикѹули, Хатирли сагали истакайзи, иш гъакѹлис халаси музурбарлизи, картѹиб. Кѹийна къяртѹаили илини истакан бацѹбариб, гъала-гъала сунтѹбарили, гѹур колбаса чѹямбариб. Бусягѹат гѹяркъила цѹа чархла биркѹантази гѹяйдиуб, бара гъалавван ургъути къутѹкъути шинничила, цараван, ванали пикриухъи, гѹурра шишаличи хѹеризур. Аргъайзир Баинатла, урши Саримла, дудешла, Набисатла Сабурла ва бахъал цархѹилти балутала сипатуни дагъардиуб. Илди детихъули ахѹенри, гъаладилзули гъарахъдикулри, сагали ва сагали лагдилзулри.

– Агъ, се хѹяйчир херара? – гѹяшли, сунези сунени или, гѹинчѹизур ил Набисат гъанриркахъули. – Ца гѹяхѹдеш архѹя гъаралрабизни, хѹебиалри ил чили даршурирусири?... – Ца гъатѹи бержиб илини ва нусиличил, къацѹла къидикъярира беркун. – Ну чисалра гѹягѹниси, марлира, се биалра бирасли, хъарбаркъ таманбираслирав? Ургѹебли биалли гѹягѹнили ахѹенрав? Адамван? Юлдашван? Мурулван? Ахирра-ахир, иганабаван... Масала, имкан хѹебакѹалли тилади бетаахъес, зугѹяла арзес – къабулхѹейрусив? Марлира гъар адамла уркѹилаб ил чехусан пикри лебсив, ахъли дяхѹлизи бурути бахъ камли биалра? Набисат, гъайгъайра, бурутазирад сари. Илини ибгу гъачам набзи: «Гѹяхѹдеш хѹебиралли, сейруси мурул, вегѹла чархла арира бедили, вегѹлис буйрухъра викѹахъули?...»

Хѹерагу, илди дугъбачи итхѹели нуни чекайзурли пикри бяхѹчихѹеира, амма илкъяйда иб илини. Нуни суал тикрарбарибхѹели, илини гъай цархѹилшайчи ардухиб. Ну, селра ахъес, илини хѹетурра...

Гѹе, илизиб леб илгъуна хасият. Сунес дигуси секѹайчила, гъала-гъала, ца ити бурусиван, чедихѹяртѹли буру, гѹур биалли, нуни муртрил ирагу или, иличила гъанбушеси аги сабхѹели, чѹумали, хѹекъли чекаризурли буру...

Мурад сархес балуси сари. хІяжатхІели нургъби чяхІдиру, гІурхІели нягІядаллагъ карилзан, амма сунес сархес дигусиличила хІези хъумхІертахъу.

Сери илини гъачам илини набзи ибси жузи сунела шилизир дицили хибти арц набзи гибхІели? Сери гъари? ГІе, гІе... Илини ибсири: хІу набчил калхъули-усулри, амма жузас дикибти арц сасири... «Нуни илди наб харжхІедаррагу, хІед ва нушаб сарри» ибхІели, «Наб гъанхІебикиб ил секІал бирид или хІуни» иб илини.

Сари илгъуна, леб илизиб илгъуна хасият – давла-масличи гъаргъдеш – амма чевкархулицун ахІенрану, ил ва илдигъунти цархІилти хасиятун ба лу-балули чехІедиулра. Сен? Дигахъни багъандан? Дигусила динди гягІхІедикІар бикІаргу, нура илкъяйда сайрав? Халкъла айтура лебгу: «Дигусилис хІелугуси хІебирар, хІейгусилис – хІебуруси...»

Адам сецад гъимукІили виалра, хапли цархІил даражаличи виркули ви-рар, гъайгъайра. Чили-биалра гъайличил асарбарили яра сегъуна-биалра дарман беркунхІели... гІяркъили дармай бируси барилри Хатирла хІяйчи-ра. Ил гъанна бегІла гъардизурти тугъи делкІунра къалли или хІулукІили, цацахІели къалли, марли ишди нуни делкІунрав гъари бикІули, аргъайзиб хІулкІуси гІамала ясир ветаруси агиличи гъамлири. Адам гІяхІилзнилара, ил левгІев гІяххІелзнилара ургабси дазу хІебалуси ва вайтира илди бирни-личила къалли бекІлил хъумартурси агиличи дакІилри аргъала. Андаличиб багъарбиубси майала назикси хІярза илини къакъ някъличил хІяршбариб, гІур, гъар секІайчила хъумкартурли, хІятта сунези чили сабриб жиибсиван, харчли айзурли, итил хъули ветацІиб, гъанна чумал бархІи узулихъалли ахир бакІахъес хІейруси назму белкІунси кІапИи касиб ва, дапли кайили, ута гъ-ичІбухъахъун.

«Шахли къарван адамти игухІели гІямрули...» чуйнарил белкІунри, амма гъарил белкІ къелракабарилри. Итил бяхІлизир илди тугъи бара дарсдарили, кІел гъатИи чедатурлири, амма илдире къелкадарилри.

**МутІигІиэс хІейгули
Адам сунна амрулис,
Шахли къарван игули
Къаллишди гІямрули.**

Сен къелкадарилли, гъайгъайра, илини тугъи бусягІят аргъиб, сенахІен-ну ишаб «хІейгули» ибси девла мерличиб «хІейгухІели» биэс гІягІнилири. Илизиб биалли ца биркІан имцІали саби. Муртрил шила дублаб чебаибси, гІур биалли, Селенгала дубаначир ва Гаснала удирти сагначир чедаибти су-ратунани акІахъубти пикрумани делкІахъунти тугъи сари илди, амма илини делкІунти илди авалцун ахІенри, абзурли назму лебсири, гъанна биалли аги. Яра ил акІубси гъанбикуназибрив? Аргъалали ил белкІи, рахли кІапИилизи белкІес бекІхІейубли хІейалри. Биубгу илкъяйда гъалабра чуйнара?... Жа-ликІули, лукІули. Узули каулусири, амма бацІси кІапИи иличи вякъабилзи. ХІебиалли иш гъакІлисра биубси гъавлара хІяланара ургаб акІубси гъансав саби, левгІев уцІариубсилис гъанаруси гІинизван.

КІапИри кадихъили ил айзур. Иш гъакІлис илини гІячихъли аргъиб су-нела уркІилизиб бурес агарси цІакъла гъуцІ ва карцІи Баинатличи сунела уркІилизир лерни. Сунела чедихІяртти баркъудлуми, къугънани дирахъути шадир-гъундури ил бушинрарес багъандан, къакъадешли акІахъубти илала

сахъдешлизир гъанарути хъархІерагардешла лишантазивад урухиъни багъандан. АхІенрив гъатІи? Ит, гъаларси, лергІер хамси ва хариси Баинат гъалахІеризуру гъатІи сунес, ил жалрахъибхІели? Ил агили урехила рамчани чуйна аяздерхахъура урехили буцибси чархкадли? Шайчир дургути хІязанира илбагъандан ахІену даргибти? Илдала къалли хІу гъанна хабара агарли, ясир ветаурлири. Къяшум чедихъири балу-балули...

Ит уталичи сагали гІяшиуб ва, касили ручка, гъркличиикили, лукІес вехІихъиб:

**ХІебуцибси риадри
Дунъя дила паргъатси,
Решес пикри лебхІели,
Ватури цундешлизив...**

**Гъала-гъала мошли
Алжана бяхІякъурли,
Гъанна сен ретихъурли,
Дякъ занзба убатурли.**

**Рахли набчил бируси
ХІела хІяз хІебиалли,**

**Чаррухъен дила шулгІи
Гъалар къяйда хІеб хили.**

**Чаррухъен, дила къуймур
ИтхІеливан гІядатли...
ХІулбира ухахъули,
Зумал чурмира датли.**

**ЧархІерулхъадли, катІен
Балгуг иш Таркиличи.
Дила хІябличи къяйда
Рашес рируд иличи...**

ГІергъиси замана хъунуйчила ванаси, уркІи-уркІилабадси пикри ил сабри Хатирла шайзибадди. Ишаб ил, ца ити пикрицунра ахІенри, лебгІеб мягІничесби, хатІа аргъни ва ил гъаргбарес дигнилис бикъри сабри.

Илди пикрумачил, гІяхІси гъавла асарлира гІевуцибси ил, хІулкІуси уркІиличил шагъарлизи дуравхъун.

Илгъуна агилизир дирар адамла хІерана гъар секІал декІарти ранганазир, – гъар бархІи вецІнаялра чедиули виадлира, гІядатла аги-къяйдализир гІядатли чедиути – хапли цараван гъаладилзути. Ленина уличилси парклизиб бузути лебри гъаларван удатурти галгуби шинни иркули, кІелра шайчирти къирла гъундуралара парклару ургар метрлацад ахъси лац лушули бархибти хІянчизарти. Шагъарланти башахъес паркла дайлабадди барибси гъуни гъанна ранг-рангла гІунба буцилри. Илала кІелра шайчир зумати къар дерхъилри, къарбутунала чІябургачир вавни сари. илдала къайгъни Хатирлис гІяхІдизур, уркІилизир чумал балгара дурили ил шагъарла дайлабси майдайчи дуравхъун. Илра гъанна цархІил сабри – ранг-рангла келпичуна белши – сумакличи мешубикили. Правительствола юртла гъалабадди, Дагсвязъла юртлизибадди профсоюзунала юртлизи баайчи, ахъси цІудара ширли бакибси хІяри сабри. «Селис итцадра халаси мяхІкамдешбируси, эгер халкълизибадди дигІянбируси лебли хІебиалли хІушала?.. «пикриухъун ил ва, цІуба къаркъубазибад барибси майда дублабси шел дерхІла юртличи гъамиуб ва илала гъалав гІашизур. Гъалабван илала машрикъла шайчи хІербикІуси бяхІличи баршибси мрамар къаркъала уркъуйчи хІеризур. Ил уркъули цархІилтазибадди декІарбулхъулри рангличилра, дарибти хатІличилра. Илизи белкІири:

«Иш юртлизив 198... ибил дусличивад хІерирули калун машгъурси писатель, жамигІятла ва пачалихъла хІяракатчи Абу-ГІяхІмад ГІяхІмадов». Ба-

лусигъуна балгара белчи, илала сунес ахерси сипатра гъанбикахъили, ил лагвяхи ватихъиб. Лебгеб декларси, хлебагъесли барскабарили, чила-дигара херли къабулбареси сабри Комсомола у бихуси паркра. Гергъити дусмазиб беклил агарси даимси ца ухулри. Иличи хербиклуги ургъанра дубурлан хъунул адамра-чунира гъабзадешла, мардешла ва нешдешла лишанти адамтазир мардирути – сагати палтарлабиубтиван чебиулри. Галгубала ахъти чирхъанала дайлаб, аллай-баллайла къяжаличи мешуси фонтан бузулри, илис алав мява баррили халати рамкабази дуцили Советский Союзла ва Гярасайла игитунала портретуни сарри.

Ил парк байбяхъили ил «Узидешла хлябрала дубла ваиб. Илабра уб агарси умудеш сабри.

Илкъяйда, цараван чебаили ва цараван къиматлабарили ахерси шагъар, урки-уркилабад баркалла виклуги сагали ваклибси шагъарла беклис ил лаг ватихъиб. Чумал къакъа ахъили ил дахъал дерхланарти юртани ургавад ватихъиб ва ах-ирра ца бухъанси юртла киибил дерхличив вагъариуб. Унза гъарглири сунес гягниси хъа. Ил чеили хяса-нясли бицибси цудара пакет Насибатли илала гъала лайкабаклиб, гур, шайчибад шайчи гъаклибурили бек, се адам сайри гъари хлу риклусиван, къяп-къяпдирули халати хулби шипрярглиб. «Ну, марлира, духули ахенра, – пикриухъун ил. – Урки чичила прикривклулри дила, вак чина вакилрал!.. Яра адамла уркилизир иличи лехлейхъуси, шамай хъархерагарси бирланра лебу?.. Уркилара беклар дяви хлебиалли ил? Нуникун назму Баинатлис белкунра ва иличивяхи, ил черас дигули дуравхъунра...Амма...»

– Марлира ил хлу сайрив?.. – Хатирла пикруми къябаиб илини. – ну инжитрарес дигули уилри хед...

– Ахерси. Аги-къяйда илкъяйда, наб хабара агарли, дархиб. Гъаб гергъидешличил...

Илини чедиулри гъалаксаурти, лергер саклубти илала хулби. Пакел унзала дурра кабахъили илини геклиб, гур архис риклусиван, дирцили някъби, дивайчи каибси Хатирличи гъамриуб.

– Гъу!.. – иб илини, дукелцира, къакъадешра сабургарадешра гъудурси тамаличил. – Сен лехкахъилри?..

– Сейклуси...

– Сейклуси?.. Хед ну карушес дигули виадли, цараван карушаба гъати! Хуни балулрив даг нуни сецад гъундури ахирал!.. Ху виадли, гъм... хела баркъуди сегъунти дугъбачил бурусилра балули ахенра...

– Нуни балулра хлу херли кални. Ну хечи къалабалира сайри, амма, хлу рирхаи, аги-къяйда илкъяйда детаур...

(Хъарахъуд бирар)



**Ибрагъим
ИБРАГЪИМОВ**



ЦІАЛИЗИБ ВА ХІИЛИЗИБ

(Хъарахъуд)

Дагънала гІугІула ва къулала мяла тІама-гъамали Къурайш къала чебар-гъахъиб. Шила удибси, гъалли ГІяпрахъу ургубаличи гачбикІуси, хивла зумати галгубани алавбарібси диркъбикличир хІябал чятир лерри. Илди хъуракабиубти АбулхІянапила муршидунира муридунира сабри. Илдира, гъатІира жявли чебаргъили, Къурайш къалала мижитлар гІянручІла дехІибалара дарили, балга-дугІяра делчІи, сагали гъанкІлизи мурхъбикилри.

КІелра цархІилтачіб циила ахъси чятирлизи ГъазигІяли ухІнаухъун. Илав сайри гІяскарла бекІра.

– ХІурматла АбулхІянапи, асубирару?

– Бирар, дила узи, – иб гІяскарла бекІли, гІяндан варгъи убушибси урца тахличивад харчилзули.

– ГІяхІмад чарухъи лев.

– ГІяхІси саби, ванавахъес, къацІ-къякълавахъес икъалабара.

– Ил сайцун ахІен.

– ГІур чи варх кили?

– Тяп даг бархІехъ гъунирратурси хъунул адам Сумайгъанатра иличил рарх лер.

– Секъяйда?! Рурсила бегІти кабушилив? Астагъпируллагъ, хІуни илизи къалабахІейкахъес буйрухъбарібси виадри...

ГъазигІяли камси манзиллис вас-васухъун.

– Дила вегІбекІ, ГІяхІмад чилра кавшибсиличи мешули ахІен.

– Сумайгъанатла бегІти... Рахли ил къабулрарес къаршили кабизур биалли?

– Ил секІал нуни бурес хІейрус.

– Чинава ГІяхІмад?

– Дурав хІерли хев.

– Махъикан хъунул адамра рарх кили викІули ахІенрив?

– Илра лер.

– Жибара набчи.

Камси замана дикибхѐли, гѐскарла бекѐ левси чятирлизи Гѐзигѐялира, Гѐхѐмадра, Сумайгѐанатра абаѐиб.

Гѐхѐмадра Сумайгѐанатра вегѐбекѐла гѐлаб кѐукѐмусбикиб. Абулхѐянапѐни селра хѐарбаайчи сабулхѐбаили, Гѐхѐмад гѐайухѐун:

– Чевверхи, хѐурматла Абулхѐянапи... Чевверхи...

– Се бетаурли? Гѐхѐмад-узи, сен Сумайгѐанат бегѐтала юртлизи хѐераахѐири?

– Нуни гѐар секѐал иргѐахѐис, хѐурматла вегѐбекѐ... чѐянкѐли пурбанбара чятирлизирад Сумайгѐанат дурарухѐахѐес. Наб ил нушачи лехѐихѐули хѐейгахѐира...

– Асубирар, - иб Абулхѐянапѐни, хѐунул адамлис дурарухѐахѐес пурбанбирули.

Чятирлизиб мурул адамти сабицун калунхѐели, Гѐхѐмадли уркѐигѐаргли гѐунчиб бетаурси анѐѐбукѐличила буриб. Хабар бурухѐели, ил кѐакѐвакѐни чебаѐслири: майгѐализи гѐелаикиб, урезили тѐама чебудахѐулри, маѐ-маѐ-икѐахѐулри, тѐашилзулри, камсиван лехѐахѐили, гѐурра гѐайикѐес даимирулри...

– Юх, хѐераахѐира нуни Сумайгѐанат сунела бегѐтачи... Хѐурматла Абулхѐянапи ва Гѐзигѐяли, дила динна узби! Ил умуси чехѐери рурси сари, шери рукѐнила дамгѐа чеаки биалра... Ил бегѐтани хѐурахѐерѐрни нуни аргѐира. Ил дила юртлизи хѐурарес ну хѐядурлира... ну пѐкриухѐунра... Сумайгѐанатличи дила уркѐи кабилзули саби, илини дила юртлизиб талихѐ бургу, нура талихѐчевѐирура... Нушаб, хѐурматла вегѐбекѐ, хѐела пурбан хѐяжатли саби. Цѐахѐилзули биалра, гѐелавяхѐи чарухѐни бархѐсили чебиулра. Хѐу викѐуси барес мурталра хѐядурси муршидра сайра, иличила хѐумуртули ахѐенра...

Абулхѐянапира Гѐзигѐялира гѐала-гѐала тамашабиуб: илди илгѐуна баркѐуди чидил-дѐгара муршидлизѐбад яра муридлизѐбад дурабулхѐи или кѐабулбирки, аммаки илдани Гѐхѐмадлизѐбад бирар ибси гѐанбик кѐабулбарес хѐебирулри. Кѐинайс бетаурси таманни якѐинбиубхѐели, кѐелра пишбѐахѐиб.

Вегѐбекѐунала пишбѐахѐни Гѐхѐмадлис лебгѐеб деѐѐагиб: «Илдани ну мучлахѐейрулра, пайдаагар падахѐуслизи халирулра. Мурул адамличи хасси баркѐуди буили ахѐен нуни барибси, муршидла уличира ил балбѐикили ахѐен. Нукѐун Абулхѐянапила гѐяскарлизи тѐлади-бусравтачил вакѐибсири. Илисра илини тѐинтѐирусѐи бусурман диннисра мардешла хѐя барибсири. Марли, нуни дила гѐай кѐянабирулрав? Вегѐбекѐла гѐалабра, дурхѐаси динна гѐалабра?...»

– Дила виштѐал узи Гѐхѐмад, – ахѐрра ахѐр тѐама чехѐиб Абулхѐянапила, – хѐела баркѐуди бархѐсицун ахѐен, гѐарли-марси гѐабзала баркѐудира саби. Ну хатѐахѐейкира хѐечила пѐкрумазив. Нуни гѐалабра хѐушази аргѐахѐибси саби: муршидунас, муридунас даимти цундеш чедаахѐибти ахѐен, илдас хѐялалти сари ва дурхѐати сари саби-бегѐти гѐямрура, хѐалибаргунира, минара. Хѐуни черрикѐибси рурсѐи Сумайгѐанатра талихѐличи лайикѐли сари. Цархѐил хѐебиалра, илини дазала-дехѐибала дирни, бусурман дин уркѐи-уркѐили аргѐили риѐни илала игѐбар саби. Хѐебиалли, ил кѐадарриубси гѐулухѐара игѐбарла вегѐ сай. Иш дунѐяличѐвра, даимси ахѐиратлизѐвра. Гѐхѐмад-узи, хѐед пурбанцун ахѐи, гѐахѐси сѐгѐятра булгулра, ва аммаки хѐ-

уммартид гЯмрула рархкъя заманалис черриркЈуси хЈериъниличила, иличил лерил гЯмру дарх ардухес гЯгЈнили биъниличила. ХЈу иличила пикриухъ-унрив? ХЈу хЈадурли сайрив? Къалабаикили ахЈенри къалли?

– Ну пикриухъунра, ну къалабахЈейкира, хЈурматла АбулхЈянапи.

– Сумайгъанат се рикЈули?

– Илра разили сари.

– ГЯхЈси саби, аргъира, или биалли, хЈушаб дила пурбанцун баибси ахЈен, рурсила бегЈталара хЈяжатбиркур.

– Иличила хъмуртули ахЈенра, дила пикрили, Сумайгъанатла бегЈти къаршили хЈебирар.

– Гъу, хЈуни се бурида, бекЈ муршид? – вегЈбекЈ ГъазигЈяличи хЈеризур.

– Наб ГЯхЈмадла баркъудиличил къабуликес гъамадли ахЈен.

– Сен или викЈуда?

– СенахЈенну гъазализив сайгъуна залум цалра муршид агархЈели...

Гъанна ил гЯскарлизивад аркъян, наб илкъяйда биубли хЈейгахъира.

– Дила узи ГъазигЈяли, нуни иргъулра хЈела пикри, нура уркЈила ухЈнав хЈечил къабулли сайрагу... Биалра, гЈур се биру, нушала виштЈал узи ГЯхЈмадлис сай-вегЈти гЯмру дехЈдихъес дигули сай, лайикълира сай. Илала дурабадра, нушала дягЈватунира тЈашаэс замана баили саби.

– ХЈурматла АбулхЈянапи, ГЯхЈмад хЈела пурбайчицун чарухъи ахЈен.

– ГъатЈи се леба?

– Се ахЈенну илис нушани магъар дихъахъес дигули сай.

– Ил секЈал гъамадли бариша, дила узи, шукру биаб Аллагълизи. ТЈалаб-бирехЈе Сумайгъанатла бегЈти, чедяхЈихъехЈе Къурайш къалала мижитлизи, илар магъарра дихъили, жагъилти гъуниббалтехЈе. Абикиб къуллукъ!

– ШаригЈятла тЈалаб хЈясибли, муруйзирадекЈаррикибси хъунул адамлис хЈябал баз дикайчи сагали магъар дихъес асубирусис ахЈен къалли?

ГъазигЈялала гЈергъити гъайлис гЯскарла бекЈли ришхантличил жаваб чарбариб:

– Нушаб ашкарбиъни хЈясибли, Сумайгъанат МухЈчизарла магъарла хъунул ретаурли ахЈен, илди-ургаб чурхрала бархбас хЈебиуб, хЈебиалли, илдас хЈябал баз хЈерли кабиэс гЯгЈнидешра чебиули ахЈенра. Дила пикрили, ил суал Къурайш къалала имамлира лайикъли чебиу. Ишар вас-васъала диэс хЈедирар, дила узи ГъазигЈяли?

– Хъайчикайилихъар, гЯскарлизивад арукъес дила къас агара, - иб ГЯхЈмадли, гъачам АбулхЈянапичи, гъачам ГъазигЈяличи шурирхъули.

– Баркалла биаб хЈед! ЧевяхЈисилис марси лагъ сайри хЈу, ГЯхЈмад. ГЯскарлизив калес сегъуналра хЈяжатдеш хЈебирар, сенахЈенну хЈела юлдашунни муршидунира муридунира гъамли хъали-хъайгЈи чарбулхъан, – АбулхЈянапи мякълав тЈашси ГъазигЈяличи хЈеризур: – Дигахъира хЈу Сумайгъанатла бегЈтачи ваили, нушала узи ГЯхЈмадла шайзивад вакил виубли.

– Аргъира, хЈурматла вегЈбекЈ!

АбулхЈянапила чятирлизибси савлила биштЈаси диван таманбиуб.

ГЯхЈмад гЯскарла халалла чятирлизивад дуравхъунхЈели, Сумайгъанат, урчила ургъурра някъбазиб цЈацЈабарили, хивла галгала мякълар иличи сабурагарли хЈерли сарри. Урчили ванзаличирти хивла галгала кЈари мухЈлили ита-ишадирхъулри, юх, цалра кЈапЈи бугули ахЈенри, итатЈирван авараглизир шинишли дурадулхъути кЈинякъла къарличи букъес иштхЈили сабригу, ургъурли чекабуцили ца мерличиб кавлулри.

Сунечи гъамиубси ГЯхІмадлизи Сумайнъанатли селра хъархІебаиб рилра, илала хІулбала хІерлизир азир суалра, сабурагардешра, вас-васъалара, къакъаракІнира гъамадли чедаэслири. ГЯхІмадли аргъиб рурсила хІер ва гІяшли шивкІивбариб:

– Паргъатри, Сумайнъанат, гъар секІал гъунчидикили сари...

* * *

Лябкъули! Лябкъули! Гъунибарая! – вявбяхъиб Курку бехІличи тІашизурси мангъушли.

Къямхъу диркъаличи цахІнабикибси лебилра махлукъат, уркурла гъуни гъаргбирули, кІелра шайчибяхІ хихбиуб. Авал урчи дабгибси халаси шиниша пургъум диркъала ца дублаб кІялГяван къугъали баршибси чятирла гъа-лаб тІашбизур. Илаб пургъумличи хІерли тахличи кайили Гъазагала талхъан Чамсудин, балуй шайчиб дурхъаси халГят чевси илала урши Сайдухан, рурсби ва гуявти, илдала дурхІни, сагати сукъбантира чедяхъили, ханжултира вайлиу даршили нукерти; алгъай шайчиб Гъазагала талхъандешлизи кадурхути махъурбала узданти ва илдала хъалибаргуни, узи-урши лебри. ЧІянкІли илди-ургав Халал ГІяяла вакил аги: гІяршличирад ил бархІи илда-чи ГІябдулмажидла рухІ хІердикІутиван сарри.

Къямхъу ургубала агълу Хайдакъ-Даргала Уцумила пургъумлис къяшмачи тІашли гъунибаиб. Айзурли гъуниваэс хІейруси Гъазагала талхъанцун сайри: изай таманни къяшми керасибси ил тахличи кайили калун.

Гъамбиубли нукертани пургъум алавбариб, ца нукерли пургъумла унза абхъиб. Илабад цІуба халГятра ахъси хІярила бегІ пис къапІара чевси ургарти ГІямрула мурул адамра, илис гІелавад къакъмушси, цІудара хІябсур чевси ва назикси къаркъа вегІ хІяна ухънара дурабухъун. Ухънала някъбазиб дубсила булмачилси биштІаси къанира лебри. Хайдакъла уцуми РяхІимхан аги. Ил анцІубукъ Гъазагала талхъайс циила хІейгира бизур: шадлихъличи ил гІяхІлад вакІесгу или, хІерли кайибсири. Ца шайчибад ил халахІерибсиван ва мучлахІерибсиван бетарури.

Кам-гъамти салам-каламлис гІергъи уцумила шайзибадти дурхъати гІяхІлас Чамсудинна мякъла къалтинничи удушибти назбалишуначи каби-ахъес маслиГятбариб.

Ил бархІи гъазагантла халаси шадлихъ сабри: ухънакаибси ва цІакъанани вархъватурси Чамсудинни сунела талхъандешла ургъур Сайдуханнизи аманатбарес пикрибарилри. ЖявхІейчибад гІядатлибетаурси ил хІяракат, гъай-гъайрагу, бекІ талхъан Уцумила пурбан хІясибли ахІи бетхІерусири.

Дубурлантала гІямрулизир байрумтира шадлихъунира дахъал хІедири. Ил байрамра цархІилтачи мешуси ахІенри: чили бала, гІур мурт Гъазагала талхъан виркІуси шадлихъ жамигІятла ГІямрулизиб бирарал? Илбагъандан, хала бегІтала гІядат барили, гъазагантра алавти махъурби-гІяябала адамтира Къямхъу диркъаличи савлиличибад цахІнабикилри. Къямхъу диркъа гІядатла ахІенри, бурни хІясибли, лергІер жявти замунтазибадал алавти шими-махъурбала жамигІят ил диркъаличи челукъути суалти арзес, душмандеш тІашиути, шими-ургарти къалмакъарлис ахир кабирхъути мажлисуни дурадербес, ванзурбала масъулти хІердарес ила цалабиркутири. Ил табула диркъагъуна бетаурлири, ва илаб барибси хъя чисалра буэс асубируси ахІенри.

Талхъай шадлихъ хъумхертесили бетаахъес пикрибарилри: мер-мерлар абзаначи кибти урчас, бугънас ва кигъмас хасдарили, деклар-декларли чялурби дарахъилри. Тамалидиркъути мицџираг, цџакътазирад цџакътигъунти чердикџили, абздикахъес ила кибти сарри. Чялурби-алав тџашбизурли, мицџирагла бегџира лебри.

«Ишбархџи нушала талхъан левгџев сахаватиубсигъуна сай, – бурулри чилирил. – Валлагъ, биклар, дузаб сархибси урчила вегџлис гџямузган устала ханжал бедлугуси саби, кигъа чедибикибсилис хџябал кигъа пешкешдирути сари, абзлизиб чедибикибси бугъала вегџлис биалли – ца унц. Къямхъу диркъала ца дубларти хџябал чаландарла удир цџабилкъуначи чедизурли дубсила халати верхџел къазанра лерри. Ил бархџи Гъзагала талхъа хинкџла тџем лебилра мерла адатанира дурабад бакџибти гџяхџланира багъес бирар.

Уцумила вакилтала ца, илала наиб Айдамирхџяжи сайри, итил къуллукъла хџянчи дузахъуси Хџялим сайри.

Хџера, гъапулси хџерличил Гъзагала талхъан мякъла кайибси Айдамирхџяжичи хџеризур:

– Хџу араваркъ, Айдамирхџяжи, нуша хџурматла уцуми Ряхџимханничира хџертиригу? Аллагъ разивиаб сунечи!

– Хџурматла Чамсудин, Ряхџимханнис, хџушачи сапарли дуравхъунна, тџашизес чебуркъиб: Дербент къалала вегџбекџли ил сунечи живариб.

– Гџе, халаси талхъа къуллукъунира халати дирар.

– Хџунира балуливан, нуша Уцумила вакилти сарра. Къуллукъчи Хџялимлизиб Уцумила мугъурра леб. Къакъамайкџуд, Чамсудин-ази, ишаб бетаур-кабикибси гъарил гъай булан Ряхџимханничичи биуси саби.

– Ил гџяхџси саби. Хџушара мурадли даабая!

Лехџдеш чебихъунхџели, Сайдухан дудешличичи гъамиуб ва шивкџивбариб:

– Хџу араираби, дила талхъан, шадлихъ бехџбихъахъес пурбанбириду?

– Бирулану, бехџбихъая. Гъанна набчи хџерхџейкџули, къушум хџербара.

Сайдуханни гџяхџлала ца шайчив, някъбира гџеладуцили, дадкайзурси мангъушлис някъ гъакџбариб. Илхџяйзив мангъуш майдайчи дуравхъун ва, илала шадлихъ бехџбирхъни иргъахъуси, хир-хирли бучџуси тџама ургубалаб гџеб-гџебагъур.

Къямхъу диркъа чебиргъахъули, гурдухъун дам-дяд. Демжур делхъани, далай-гъалай, ихтилатуни. Бегџлара шадлихъ бемжурси манзил тџап ил мангъушли ихтилат тџашаиб.

Уцумила вакилти кџелра цугли абизур. Къантџа муцџурра хџяршбарили, Айдамирхџяжи гъайухъун:

– Хџурматла Гъзагала жамигџят! Шадлихъ абзур бархџи даимбарес дирехџе... Биалра, гъала-гъала нуша дакџнила вазипа таманбарни лайикъли чебиула. Илбагъандан ихтиярбирехџе Ряхџимханна марси къуллукъчи Хџялимлизи гъай бурахъес.

Къакъмушси къуллукъчи ухъна Хџялим гъайличичи-деклар мяштџиубсигъуна ахџенри. Илини дубхџехъили гъанна бикайчи дуклаб хџербарибси дубсила булмар къани абхъиб. Илабад табтарла кџапџигъуна суранна кесек дура-сиб ва Айдамирхџяжис гъабуциб.

– Хџурматла наиб, нушала бекџ талхъан Уцумила мугъурличилси иш амру хџела някъбазибад вегџличичи баалли, къулайли бирар.

– Биха, хџебиалли, - иб уцумила наибли, суранна кџапџи сунези сайсули.

– Ассалату-вассалам! Хурматла динна узби! Гъзагала талхъунти мурталра гЯхЯлдеш-мардешлис бурибти сабри. Илгъуна пикри аргъахъиб, сай Аллагъли гУрра чевяхИваркъ, нушала Уцуми РяхИмханнира. Наслулизирад наслулизи дихъули, Чамсудинхъала къамли талхъандеш хИердарибти сари. Илди Хайдакъ-Даргала Уцумила амруличи чУмали чекабизуртира саби... – АйдамирхИяжи камсиван тИашизур ва, алав-гъалав хИерилзули, даимиуб. – Нуша лерилра дунъяличир заманала гЯхИли сарра, даим кавлуси мицИир жан лебси аХен... Гъанна замана баили саби Гъзагала талхъан Чамсудиннис сунела талхъандеш марзла урши Сайдуханнис аманатдарес. Илгъуна пурбан уцуми РяхИмханна шайзибад нушани хУшазира – уздантазира, цабутИаван, рягИят адамтазира – иргъахъула... Гъанна дигахъира Чамсудинна урши Сайдухан нушачи гъамиубли.

Уцумила наибла жиличи Сайдухан итира сабурагарли хИерисигъуна сайри. БекИличиб бухари къапIара балбарили, ил гЯхИлачи гъамиуб, икрамбириули бекI гЯшбуциб. Сецад сунела харидеш дигИянбарес дигули виалра, илала жаниварлагъунти хИулбазиб лямцI бумхИули биъни чебаэслири.

АйдамирхИяжи сунела мякълав гъапулси хИяйчивси Гъзагала талхъан Чамсудинничи шуряхъиб:

– Хурматла талхъан! Гъарли-марли умуси гЯкъулизив хИу разили сайрив Гъзагала талхъандеш хИела урши Сайдуханнис аманатдарес?

Чамсудинни илмадан жаваб чархИебариб. АйдамирхИяжини суал тикрарбариб:

– ХИу разилирив илгъуна хИукмуличи?

– Разилира, – гЯш-гЯшли иб талхъай. Сеннира талхъа тIамализиб илцад халаси разидешра багъесли аХенри. Гъай бурухИелира ил уршиличи хИерикIули аХенрину, Къямхъу ургубаличи вякъкадизурти, даим дяхИили кIапIкадарибти хИурхъачи ласяхъили сайри.

– Разилирив? – сагали чехиб иличи Уцумила вакилла тIама.

– Разилира, – иш гъакIлис талхъай тIама гИячихъли дурабатур.

– Гъанна хИуни се бурида? – АйдамирхИяжи сагали виркIуси талхъайчи шуряхъиб.

Сайдухан бараван гъузгъалдиубгу, сеннира илала кар-карбикIуси тIама кIайбизурти адамтачи баиб:

– Нуни чейсулра Гъзагала талхъандеш дила хала бегИтаниван умули ва хИурматличил хИердарес. Илкъяйда чейсулра Хайдакъ-Даргала хИурматла Уцуми, нушала бекI талхъан, РяхИмханна амру-насаблис марсили виэсра. ХИядурлира Гъзагала ва алавти махъурбала жамигИятлис бархъси къуллукъ гIеббуцес...

– Бихая иша Къуръа табтар! – викIар АйдамирхИяжи.

Илмадан ца нукерли Къуръан – ашкарли, илини гъалабал ил шалкIуб бихИули виешину – гъамиубли наибла някъбази баахъиб. Наибли, кIелра някъли цIацIали буцили, Къуръа табтар Сайдуханнис гъабуциб. Сайдуханни биалли, гъатИи селра имцIахИебарили, Къуръайчи балуй някъ кабихъиб ва ахъли иб:

– ЧевяхИси Аллагъла дурхъаси Къуръайчиб хъя бирулра Гъзагала талхъандеш хИурматличил хИердарес!

«Сепайда гъатИи, хИу сегъуна адам сайрил иша цалабикитгани ва Уцуми-

ла вакилтани балули биалри...» – илкъяйда пикриухъунси цалабикибтази-
вад ца адам сайри: шадлихъличи вакIибси ЦIуриша махъила уздан Амирбег.

– ХIурматла жамигIят! ИшбархIиличивад Гъзага шила ва алавити махъур-
бала талхъан Чамсудинна урши Сайдухан сай. Илгъуна саби Хайдакъ-Дар-
гала уцуми РяхIимханна амрура. Икрамбарая сагали викибси талхъайс! –
вазипа ахирличи биркахъули, тIамадариб АйдамирхIяжини.

Къямхъу диркъаличи цалабикибти махлукъат, сагали викибси талхъайс
мукIурдеш чедиахъули, къукъубачибикиб.

Къямхъу ургуба дам-дядли гIурра чебаргъахъиб. Адамти, къарлизир
цIурцIбиван важбиубли, ита-иша гезбулхъули сабемцIур. Саби-ургаб гъай-
кабухъун: камли къаршибиркути адатас дурестикIун даари лерри. Талхъан
викIнила декIар-декIарти пикрумира камли ахIенри. Юх, илдачила я уздан-
ти я рягIят адамти ахъли гъайбикIули ахIенри. Чили бала, белики, гъанбир-
кули бурги илдас гъаб-убла «МухIли буцалли, бекI уцар» ибси бурала...

Цазамана чилирил ахъли вявбяхъиб:

– ХIеръая БацIари бехIличи! Дузабличи урчи дурхъули саби!

Уркухъла шиличи бяхIчиси БацIари бехIличирад хясала гулумти ахъ-
диуб. Илабад тугъбарили урчала мурдни Къямхъу диркъаличи баэс арцур-
тиван кабухъун. Чидил гъалав, чидил гIелав сайрил гъачамлис белгибарес
гъамадли ахIенри, аммаки урчала мурдабала абзаначи гъирадухъунти са-
би-ургаб гъайлизилахъиб.

– ЦIурмигIянлан КъурбанхIяжила хIунтIена ябули дузаб сарху.

– КъалабамайкIуд, узи, Шумралла гIяжан ХIясаттала гъалабухъес асу-
бирар.

– Хурухла БайцIали цалра ябу гъалахIебиркахъу.

– Чидил Хурухла викиIури?

– Иркниша махъилизивадси Сулайба Хурухла...

– БайцIали мажахIят дузаб сархес.

– ХIуша се дикIадалра, талхъа букIун ГIялимирза чедииркур.

– ГIялимирзала ябу лебни хIебагъурра.

– Баз гъалаб, Ахъушала илхъилизибад чеббикIили, кибси саби, ДягIруч
или ура бихъили.

– ДягIван къалабаси ибси балан?

– Саби, гъайгъай.

– Дузаб, дила узи-урши, урчилизирадцун дигахъути ахIен, иличивси мур-
дала къадрира камси хIебирар.

– Бархъси саби, хIязлис ахIен къалли ябула куц мурдали лебку бикIутира.

– Бургар, аммаки гъайличиб баркъуди гъаббашахъни гIяхIси саби.

– ХIекъли дурусси пикри леб, дила узи, нура хIечил къабуллира.

– ХIердикIехIе...

Адамти жалтази ахъили лебли, Къямхъу диркъаличи бихуси ласбулхъли-
чибад лямцIван къалабали шинкъян цIудара юргъа багъарбиуб.

– ХIера, их Батир! ХIера, Батирла Къарчигъара!

– Ма, гъанна бухили дукъеная! Чис хабарри бурццакан Батирли дузаб
сарху или?

– Ге, Аллагъли гIевуцибсила бирар гъарбилзусира...

ЦархIилти ябнас даршал ганзлацад гъалабухъи, диркъаличи баибси ва
хъулухъмабиркъуси Батирла юргъа мурул адатгани алавбариб. Батир урчи-

личивад кункли ванзаличи тІяхІухъун. ИлхІелицун чебаиб адамтани Батир-ла Къарчигъа улибхъа агарли биъни.

– Серхурси мурдас улибхъа хІяжатти ахІен.

– Урчилисра дуцІбухъес гъамадли бирар.

– Итира Къарчигъа дузабла мицІираг биъни багъесли саби.

– Бурццакан Батирлис деза диаб!

Чедибдеш сархибси жагъил мурда, селрацад харидеш чехІебаахъили, гъаббуцили урчира, талхъа чятирла гъала гъамиуб. Сунечи хІерти хужаимтас ва талхъайс Батирли икрамбариб.

Итира разиси гъавлизивси Сайдуханни илмадан сунела ириличи баршибси арцла къартІалала бегІ ханжал арзиб ва, баркаллара балахъули, Батирлис гъабуциб.

Урчала дузаблис гІергъи Гъазагала жамигІят кигъми кадатурси чялили алавбарибси ибяхълаличи гъамбиуб. Жалтира абзанира илар даимдиуб. Цаличи ца чедиркути кигъмала халати ва делсунти мукукуразирад цІилцІилагунни урцутиван сарри. Гъарил кигъала вегІли сунела мицІираг хІяршбирулри, къацІла къидикълечил лявбирулри, чедибдеш сархахъес тиладибирухІеливан, иличил шивкІивулхъулри. ЦацадехІ кигъмала мукукурачи ранг-рангла гъмирти даршилри, цархІилтала хъубрачир гІапри жибжирдухъири. Илди ишаратуни, бурни хІясибли, къугъадешцун ахІенрину, хІербикІутала хІули хІегахъесра сарри.

Чялила ца дублав, мукеки буцили халаси бухъмуйла бегІ нешер кигъара сайра тІашкайзурли, ЦІуриша махъила уздан Амирбегра леври. Ил хІерлири, чІалабушни хІясибли, сунела кигъаличи ярга баайчи.

– Ириъ санакан БяхІмудла кигъа чедибикибсири. ИшбархІи чейули ахІенгу?

– Чезс вилару, ил мискин пакъирла лебси цацун кигъа баз гъалаб бецІли кабушиб биалли?

– Цала вегІла бирар мас дурзамла дублаб къаршибиркусира.

– Бирар илкъяйдара...

– Ит цІуришан Амирбегла кигъаличил абзбикеси ишбархІи чилалра хІебургар?

– Сен или викІуда?

– СеахІенну, хІеризи итичи: эмхІецад тебгу.

– Эгъ, уртахъ, къаралди гІягІниси ахІен, уркІи гІягІниси саби.

– Къугъати гъай гумайлар гІяхІти дирар. Чебиидая, се бирул илала кигъали.

– Амирбегли Баршамайлизибад кибси бургар? Илгъуна жинсла маза-мас гъар-ур илала махъилизир чехІедаира.

– Хайдакълантани чула гуяв вайтІа хІелта.

– Гуявра вилар гуявра. Амирбеггъуна ахІмакъ адам гъамси тухумличивра гъалаулхъан. Сахаватси някъла вегІ сай: чумал дус гъалаб сунес дукикъянадеш дирути хІябал букІун, гъариллис вецІ-вецІал хІясибли маза-масра дедили, рягІятдешлизибад азадбатур. Гъу, чили биру илгъуна баркъуди?

– Халал ГІяяла хужаим ГІябдулмажидлира сунела хъубзурас ванза бедибси ахІенрив?

– Сабри, сунела бунагъ-хатІа урдуц, ил гъабзала баркъудира хъумартеси ахІен.

- Илдигъунти сеннира бахъал-деклар агара...
- Агара, гъайгъай, гъар-гъар давлачевла някъбазирад масра азаддешра рьгъят адамли гъамадли дигъес хейрар.
- Сай багъудур виалра, Амирбеглара халаси талихI хIебургар?
- Сегъуна талихI викIулри?
- ДурхIя атIхIекIуб, дудешла мина мицIир-бацIли калун. ДурхIя агарси хъалибарглизиб сегъуна талихI бирара?
- ХIунира далути агара: гъалавван илис урши варкъили сай. Гъанна илала Издагай уршира сарира бегIтачир сари.
- Марлив гъари?
- Нуни, дила узи, къяна-шилтахъ далути ахIен. ЧевяхIсини илдас къанниван игъбар хъурабариб.
- Издагай бегIтачи сен рархъили?
- Нуни аргъни хIясибли, урши хъябшли сай бикIар. Белики, ил гIяхIухъ-ахъес, циила къяшмачи кайзахъес диркъала гъавали кумекбаресгу или, пикрибарили бургар.
- Бургар. Ил гIяхIла хабар саби. Шадлихъ таманбиубхIели, сеннира Амирбеглис ца-хIябал ванати дев дуресра гIягIнибиркур.
- ГIяхIси девли зарал хIебиру... Гъари, лехI! Амирбегличи кигъа бяхIяхъ-ес ярга баибсигъуна саби.

Ил манзил кигъмала абзанас халал варибси жагъил гIулухъани ЦIуриша махъилизивадси Амирбеглис някъ гъакIбариб. Амирбеглира сунела кигъа мукеки буцили чебаахъибси мерличи арбукиб. Сай ила вакIибхIейчибад илини кигъа батхIеиб, иличи гъаман хIерикIес гIягIнилири: кигъа вайбухъ-биублири, адамтачира чебулхъулри.

Амирбеглис гъанбикиб, секъяйда ца бархIи сунечи гIяхIлад вакIибси юлдашличи ил чебухъунал ва, хъурсбикули, мукукурачил ил махъила удибси авараглизи кайкахъибал. ДецIагеси анцIбукъ ахIену: вегIла хIурматбарес вакIибси адам кигъали язихъвариб, илала пикруми сегъунти дирара хъа вегIличила илгъуна анцIбукълис гIергъи? Я илис гIур илала унабурхI ахъес дигахъув? Сунени къалли илизи чевверзни тиладибариб. «Чевкархурлира» или юлдашли бурра бурибгу, хIегъ къалли уркIиличиб кавлан...

Амирбегла кигъаличи хIерли калунси ца сабри: гъазагалан Увайс МяхIяммадла халаси бекIла бегI цIудара кигъа. Илала мукукура рурсила чуриван делсунтири ва андаличирад гъаладяхI дурадикибти сарри, хъябличиб дубсила биштIаси гъайкIарира лебри.

КIелра кигъа жаллизир вецIнара-сера къячдикиб. Амирбегла кигъала къянкъубазирад хIира дархли дурадикиб, Увайс МяхIяммадла кигъала мукукуразирад хъими пухIдухъун. Чедибдеш кIилалра биес хIебири, сенахIенну цIакъси сеннира цIакъси сабливан белгибидар. Ахирра ахир, гIур жал даимбарес хIебиубли, Увайс МяхIяммадла кигъа тIашбизур, Амирбегла кигъа илала шайзи мукукура бирхъухIелира, къаршидеш хIедариб. Ил бархIи Амирбегла дурзамлизир хIябал кигъа имцIадиуб.

- Лебукули, лебукули! – вьвбяхъиб гIурра мангъушли.

Къямхъу диркъаличибти муръухъулала къадубани берхъибси къасигъуна хъучибад дурабулхъуси къяшла дякъличи хIербизур. Илавад, къянкъелизи мегъла гIумула баршибси хъула бугъара гъаббуцили, гъанна Халал ГIяя махъила ари сунези бедибси ВайсулхIяжи, Чамсудинна гуяв, дуравхъун.

Чялила духІнар, бевла агурбира каили, гьаларти кьяшмачил ванза укьути хІябдусанти-авдусанти зурбати бугъни садемцІурлири. Илдала бегІти чялила ца шайчи кьукьябарили тІашбизурлири, бугънала пишначи гьираличил хІербикІулри. ВайсулхІяжини, гІягъизра гьаргбарили, гьардуцра убкасили, сунела Хьулара чялила бухІна бархьиб.

– Ишдус кьалли ВайсулхІяжи цІакьси бугъа баргес бажардиикили сай?

– ВайсулхІяжила илгъуна бугъа лебси ахІенри.

– СирхІязибад кибси хІебиалли? Дирбагъла, ГІяшти-Къункьила хабар-дерхурти бугъни дирар.

– АхІен. ЧехІебиулраяв гьатИи? ИлкІун Халал ГІяяла уздан ГІябдулмажидла саби.

– ХІуни сели балулри?

– ХІебагъес лебу? Халал ГІяялизиб ил чуйнара чебаира, биштІаси хьула кьача сабхІелил балуси саби.

– Нунира илаб ил бугъа чебаибси саби, – гьайлизи гьудурухъун кьукьяличи гьамли тІашизурси Амирбегра.

– ВегІебшла дунъя, бунагъ-хатІа урдуц, ит пакьирла лебдешличи кункли някъ кабихъес бажардибикили кьалли?

– Пе, уртахъ, цІакьла вегІла дунъя саби иш...

– Зулмукартас Къудратла вегІли ахиратлизиб танбихІ ГІеббиахъу.

– Иш дунъяличиб лебай сен танбихІлахІебирутил?

– Тавба икІен! Аллагъла сабур халаси саби, бунагъкар адам пикриухъахъес валтули сай.

– ГІяшли бура, дила узи, лацлара лихІби лерти сари. ХІебалусира хІебу-ралли, гІяхІси саби.

– Се хІебалуси?

– Се ахІенну, хІела гьай хІясибли, талхъайчи гІяйибти диули сари... ХІякъикьатлизиб биалли ГІябдулмажидлици илгъуна мусибат бяхІчиабси муршид АбулхІянапи сайри. Илини дакІу-гьаргли Халал ГІяялизиб сунела байрахъра катІири...

– Ил хІела пикри саби: АбулхІянапи Аллагълици вирхуси муршид сай, дин багъандан жан хъябла дигъунси. Ил зулмукар ахІен.

– ХІулбани чехІебаибси дурусбирес гІягІнили ахІен. –

– Дурусбируси чи сая?

– Диур, узи-урши! ЖалдикІес сабабти агара.

– ХІеръаягу, се бирулил ил Хьулани?!

Чялила бухІнаб ца гІяжаибси кьияма сабри. Алавла бевла тІама-гьамализи гІелабушилри. Бугъни, цІакъ чебиахъули, цаличил ца тІашхІедизурли дирхІулри, гьар удибикибси, гІясидешли хІунтІендарибти хІулбира шали-гьарли вякъаили, чялила ца дублабяхІ гьаббулхъулри. Хьулани чумал халати бугъа, хапли чебиркули, geraib, цархІилтачил, дугати мукукуруира ибкъаили, сунела гъаза даимбарилри. ЦІакьти-декІар камдирару? Илдасра чедибдеш Хьулас гьамадли бедес дигули ахІенри: гьарахъра диркулри, кІинас чардиубли чера дулхъулри.

Чялиличи ацІили, ВайсулхІяжи вявикІулри:

– Гьу, гьари, дила Хьула! Гераа ца ит БяхІцІара! ИлхІели чедибдеш хІела бирар. Чебаахъа цІакъ!

Сунела вегІла амру аргъибхІеливан, Хьулани тьп ил БяхІцІара гьаббухъ-

ахъун, гѳур, хѳерая, иш ну чебаабая бикѳухѳеливан, ил чялила бухѳнаб хамли кѳунзбухъун, чуйнарил гѳеларти кѳяшми лардариб, бевбикѳули ца мерличиб гѳашбизур. Ил бикѳусигъуна сабри: «Гѳанна гѳур калив набчил абзбикеси? Рахли кали биалли, кабухъаб чялилизи. Ишбархѳи ну сабра бегѳла цакъси бугъа...»

Хѳулани имиулала чумал къада мукукура пухѳличи шурдатур, гѳур дуцѳли чялиличибхѳи бетухъун. Урухбиубти адамти «Илизибад берцуди биаб! Ил бугъа ахѳенну, жанивар саби! Къагъбиубсигъуна саби! Гѳарахъдикирая, гѳарахъдикирая иличирад!» или, ита-ишабхѳи тѳутѳукабиуб.

Къугънабиркъуси Хѳулала пишначи Вайсулхѳяжи харили хѳерикѳулри ва, иличибхѳи някъра гѳабатурли, ахѳли дукаркѳулри:

– Урухмакѳудая, узи-урши! Ил адамтачи чебулхъуси ахѳен, бушинбарибси саби.

Сайдуханни гуяв сунечи живариб ва лихѳилизи серил шивкѳивбариб. Ил-мадан, някъбазиб гѳардуцра гѳакѳирули, Вайсулхѳяжи чялила ухѳна аѳиб.

– Се бирули илини? Мехѳур-мага виублив?! Къагъбиубси бугъа буцес аркъулив?

– Миѳѳирагли сунес къуллукъбируси адам валуси сай.

– Мажахѳят, циила ряхѳятбиайчи паргъатли батни гѳяхѳси ахѳенрив?

– Урехила хѳулби халати дирар.

– Ламарт баралли, хѳулби къалли халадияхъу, гѳур къаннира бирар.

– Хѳеръая, гѳари, хѳеръая, илини се бирулил?!

«Баши, дила багъадур, баши. Диур хѳязанира, гѳамбии набчи» или, Вайсулхѳяжи камси манзиллис кѳайбизурси бугъачи гѳамиуб. Се бетарарал хѳерли, цалабикибти шипѳбаргѳиб.

Хѳула сунечи урехиагарли гѳамиубси вегѳличи ташмишли хѳербизур, амма лебси мерличибад вяшхѳебухъун. Гѳанбикеслири, ил сунес гѳамси адамличи лехѳихъули бургар или, илала хъарбаркъ таманбиру или.

Гѳалли бугъала гѳала ветаили, илала къянкълизибси гѳумулаличи гѳардуц бигъес или, Вайсулхѳяжини някъ гѳамбарибхѳели, миѳѳираг тирхъбухъун, бекѳра гѳакѳ-гѳакѳбарили, пурхдушиб. Гѳур, гѳеларти кѳяшмира ахѳли лардарили, Вайсулхѳяжичи бетухъун.

Аргъиб вегѳли Хѳулани сай мучлахѳерили виъни ва сунес урехи балахъули биъни ва, лайбакѳили гѳардуцра, хапли гѳелавяхѳи вебшиб. Сепайда, ил чялила дура ветаэс бажардихѳейкиб. Гѳеббаибси бугъали Вайсулхѳяжи мукукурачи ахъуциб ва сунела къакъличевкад чялила ухѳна лайвакѳиб. Лямѳѳван жургъбухъи, ил гѳелабхѳи ласбхъиб, сагали чебухъун. Иш гѳакѳлис мукукури ванзаличивси Вайсулхѳяжила канилизи ибкъаиб, ил чуйнарил гермукъван ванзаличив герариб, гѳурра бегѳмиван гѳаваличи ахъуцили лайвакѳиб, лезмира дурабушили, бевла гѳамаличил ил ганзкариб...

Мангъушунира талхъа нукертира тѳерхъубачил чялилизи бухѳнабикибхѳели ва бирхъули бугъа гѳарахъбикахъибхѳели, анѳѳубкъ таманкабиублири: Вайсулхѳяжи жаназаличи шурухъири.

Хѳунул-дурхѳяла чѳярла гѳамали цалабикибтала уркѳби кахѳдияхъуб...

Гѳазагала талхъан виркѳуси шадлихъла бархѳи ясличи шурбухъун.

«Миѳѳираглира сунела вегѳлис къадин чеббирѳули кали саби. Чис хабарри? Дунъяличиб лебайра вайнукъяби Чевяхѳси Аллагъли танбихѳлабирули сай», – викѳулри сунези сай Амирбег, кигъмира гѳардашахъули, сай-вегѳси Цѳуриша махъилизи чарулхъули...

(Хѳарахъуд бирар)

Поэзия



Хизри ЮСУПОВ

АВАЛ ТУГЪЛА

ХІерли ахІенси манзил
Къисматли луша туснакъ...
ТІярхїбалта – хІелхакъес
Нушала хьулла милякъ.

* * *

ХІял балахъа гъабзала
Дергъла буцІар гъазали,
ПасихІкарла кагїбдеш –
Хапли бакІиб гъимили.

* * *

Жярга тІентІлира бирар
Нясбарес лебил къумур –
Ца вайбаркъла балбуцли
Булъа хІянчила мугъур.

* * *

ТІама ахъси биалра
ХІела хІяя агара –
АхъсибегІ бирар тІама
ХІехартала дамлара.

* * *

УрхІлис пасихІкар виэс,
Марли, гъамадси биэс –
ХІуни барес хІейруси
Виурлину гІеббурес.

* * *

Нястала гІибратуни,
Багътала бунагъуни –
Жявли гІердиур нушаб
УрхІла нукъсандешуни.

* * *

Пикруми – гІябли сигти
ГІякълулизи кяхъибти –
ХІялалси усхІелъахъа
Дугила къараулта.

* * *

Инса зулмукар – чурхдеш,
ГІякълула мурхъси цІябдеш.
ИмцІали илизир сар
Духъути такъсирчидеш.

* * *

ГІяхІбаркъ – уркІила уркан,
Нуша урхІличи дилгъан.
Нушазир малхІямдешра
ГІяхІ барибхІели алкІан.

* * *

ХІеръа, децІла гъяжличи –
МутІигІвакІибсичи!
Илала къуват бячІес
ХьуликІусив гІяхІличи?!

* * *

СахІерхибси сабурли
СахІерху гуж-зулмули:
Хъумкарту адамтани
Ил хІекъдеш – гІягІнихІели...

* * *

ХІяя – адабла хІячи –
Саб хІялалси диванчи!
БиргІябиргес хъул дугІла –
Шурбулхъан жалладличи.

* * *

Нуша – жалла дузабти
Дахъ гъамадли сархути,
Пахрули дицІилира
ХІергъули гІямру кахти.

* * *

НасихІятуни урхІлис
Урхъницад дуртІулира,
Амма ругерцадалра
Сасес хъулхІедикІула.

* * *

Ухънадеш хапли ляркъян,
Тяп цаибси дяхІиван –
Бахълис пасихІдеш хІеху
Илда берхІили нурван.

* * *

Бархъдеш, кІантІиси мурчІиван,
БулкІан, амма хІябялчан –
ДигхІейгухІелира наб
Барх кабирар, дяхІциван.

* * *

ХІела яхІ мутІигІбаррив? –
ХІезиб саб хІела ари.
Я давлала, я цІакъла
Агара илцад ахъри.

* * *

Кахси саб мехІурси жал –
Гъими-къясдешла ханжал:
Дурхъати гъалмагъдешла
Илар гъамдирар ажал.

* * *

Дардла умцла агара,
Агара талихІлара...
Халаси игъбар саби
Илди яргадикІнилра.

* * *

Детихъур жагъдешла пухІ –
Лябкъян гІебшнила танбихІ:
Ухънадешли гъадирхъу
Жапати суал-сияхІ.

* * *

Хъуланала хъамхъала
Биэс дунъя нушала –
Нушазибад булхъуси
ХІергъили хІял гІямрула.

* * *

Пикруми – гузетличир,
ГъанкІагри – дузабличир,
Дахъ духъяна дугурби
ГІяхІладли сари набчир.

* * *

Лезми бухъянкабиуб
ИшбархІи – гІякълуличиб...
Гъалмагъ гъайнахъубра
Гъимила айгъирличив.

* * *

Пикрума гІякълула дякъ
Миъбаливан бариб пІякъ –
ХІябилра детІили лер
БекІлизирти илди вякъ!

* * *

Агъ, хатІаби, хатІаби,
ХІушала гъунар саби:
ГІякълу мурхъбикахъира –
ГІямру дарира пасад!

* * *

Дирхала – гъалмагъдешла
Дебаси шанда къала –
Хабарагарли булъа
ХІерлицун вершадешла.

* * *

Хелукъан дигай марти
Карцайла держли цикити.
Талихчебти ахену
Илди держес бикибти?!

* * *

Дила шиниша хулбас
Баибгу херла къулбас –
Бахъ хамли бехкабихъиб
Дигайла жагаси кас.

* * *

Урки – лишанна мархия,
Чейгур карцайла хярхия:
Илабдали бехбирхур
Марти дигайла архия.

* * *

Дила уркеци, балас,
Биур дуньяла дардлис.
Дукелци – ца талихла –
Хейутирав дигайлис?!

* * *

Хела гъайла бакъила,
Буун уркила къибла –
Пикрума ну викулра
Уди ахъси улкъайла.

* * *

Даг – дуцрум, гъанна – чилла
Уркурбазир нушала:
Хейрус аргъес авара
Ишди дигайла аргъла.

* * *

Дакъиб дигайла гъебшни –
Дигуб вавни-хялани...
Хябилра дяргили лер
Цали иртул херани.

* * *

Пикрумала чяхили
Бариб арх уркакадли,
Ил сагъбиэс бираргу
Ху набчил цугрикадли.

* * *

Къайгънариркъуд ху гъаман
Танбихван барес диван –
Хуни цударварасра,
Варсиахъес хериран.

* * *

Ну – убза, ху – хала къякъ...
Дехидирхур мехурти вякъ.
Васвасъала-къякърута,
Кахси лебгу хела цакъ!

* * *

Батес гяйибкар гъуни
Вирар дигай лерсини –
Илала гъав хебулъа
Батулти бугътантани!

* * *

Дигай – къудкъути гъаруш!
Агъ, хушала муридеш!
Тавбадарили хялли,
Архиякъян чархла кепдеш.

* * *

Хялани – дуцарти ца,
Пикруми – цабикъала...
Хура рируд хядурли
Илдас барес икъала.

* * *

Дигай – урунж талихла
Дираба давлумала,
Дерхъаба, цидухъаба
Дила къапу ахъила.





**Тавсултан
СЯГИДОВ**

ХАЛА НЕШЛА ПЕНСИЯ

Поэма

*Канир гами дуалла,
Ху духІнар цугдирхьулли,
КанидяхІ дягІ духъалла,
Гьалар кършидирхьулли,
Мирсли дуун мусназир
Мисрила жанай вава!*

Батирай

**Лебти саби адамти
Пенсияличчи хърти,
Илди саби пакърти –
Нушала бухъна бегІти.**

**Цулала ши бужули,
Хербирули саб илди:
Иш убай хІкуматли
Дарили тамай гилди.**

**Шагъарла ца тукейзиб
Рухъназибад аргъира:
«Колбаса чебаэс ну
Иша хІяйна ракІлра.**

**Хъайс багъа бедибХели,
Агарагу кавлуси...
Иш пуча дунъяличиб
Севан гІямал бируси?»**

I.

**Илис икъала барес
Аги гъеч валилзуси,
Кепекунас сайХели
Ялчи адам узуси.**

**Буржуйти тукентази
АхІен гъанна башули,
Гъарил секІал сарину
Илдас хьули дихули.**

**Пенсионертазиб леб
Дармайс хІедиути арц,
Пачалихъли ишхьули
Сабину илдала кабц.**

**Шимазиб хІербиругас
Камси кункдешалра леб:
Чудни дарес хъалта-кър
КамхІедирар илдас хІеб.**

Ниъли бужес илабта
Къули дихІули саби.
Къача бицалли, илдас
Арцра диркули сари.

Къял бихІес хІебирута
ГІяргІя-чІикІа адилкъа.

Ца бархІира дила неш
Путис лерри рулгули:
Къяйс дугени асахъес
Арц уилри лугули.

– Агъ, дурхІни, дила ит къял
Убасирагу дугІли:
Шинна мерлар янира
Ружусиригу ниъли.

– Дила неш, дуки рашес
ХІела ахъри лебалу?
Къял балхес мура дердес,
Марли, хІуни рируду?

Путинни гибти арцлис
Къял абикъес хІерируд.
Дати дуркъа авара,
ДугІли инжитмарируд.

Я къял бицахъесра хІу
КъабулхІерикадигу.
Нуша пайладарили,
Къурбайс белгъахъунригу.

Шагъарлизир хІерриэс
КъабулхІерикадигу:
«ХІушала печълизиб цІа
Агара», – рикІадигу.

– Ну хІушачир руасли,
Дила жита дугІбурхар.

Почта бихули калун
Шилизи хІябцІали дус,
Заб диаб, дяхІи биаб,
Ца сабри илала хъус.

Гидгура бирцаллира,
Биркур илдас напакъа.

Анхъ биалра илдала
Бегараргу ца гІямал.
Ухънала гІалабуни
ХІедирар илцад дахъал.

2.

ДехІибайчи рулхІехъул
Дагъара чІукъабирар.

Ну мицІирли лералли,
Анкъи биши дигулрав?
Алхунтала рухІлис хІу
Вершарии, дикІулрав?

РухънараибхІели, ши
Шагъарлис барсбаришав?
Ухъна ахІенси адам
Агарагу гъанна шав.

Шагъуртази бебшибгу
Дила шила лебил хъалкъ.
Сен гІяхІил дигутира
Чебаахъес шилис къакъ?

АнцІбукъунхІели, хІуша
Дубуртази дакІая.
ДурхІнази мез дагъахъес
ДуцІрум набчи бурхъая.

Сегъуна нигІмат сарил
Нушала гІинизла шин!
ХІушалайла чармалис
ХІелугира ца гажин.

Шилизисигъуна гъанкІ
АхІен ишаб башули.
Хъули архІерукасли,
Нуал аркъяс, ребшили.

3.

Шилизирад унра ша
Рашусири хъурали,
Гуми агар авал хІеркІ
Ихъули цайкъяшмали.

Журналти даКиб барХи
Чедихес эмХе бики.
Гьарбизалри, рах-махли
Машина кьаршибирки.

ЭмХеличил рукьялри,
ГьатИра инжитрири:
Ил багълали башули,
Гьуйчир гьялягИнидирки.

Хала нешли нушази
Хабар бурули рирар.
Ил бакьибти лебилра
ДукаркIахьули рирар.

Почталичи вашули,
Урашан ухьна вири.
ВатIа дергълизив пакьир
Ил чулахьиубсири.

Газетаби, журналти
ЭмХеличи чедирхьи,
Илдала чеди сайра,
Хан кьяйда, мурдаири.

Гьачамри хIякимтачи,
Пакьир, хIяжатикибси:
Бухьнабаиб эмХелис
Пенсия гая ибси.

Гьачам гьуйчив аркъуси
Кьадис машин гIеббаиб.
«Дудеш, вамсурли ургуд,
Ваши набчи, кайи»,- иб.

Кьабуликили, ухьна,
Кабинализи кайиб.
Вайси лаг ахьибХели,
Шоферли илизи иб:

– Дехличил хIела эмХе
Сабил бакIес бирару?
Рахли бецI цугбикалли,
Ил бергесра бираргу!

– Машичи кайруХели,
Ил гIела бигьунрагу,

Сенал ца хIерилзасну,
Гьари, ца гIашаагу.

Шофер аъла хIеръару
Ухьнала пишаличи!
ГIашаили, хIербикIар
БекIибси эмХеличи.

– «Машиналис гIелабад
ДуцIли башар», – викIадив?
Почталичилти хунжи
Кузовлизи игьадив?

ЭмХера абатахьес
Бурадлири набзилра.
Чебатурли сай или,
Гьанбикиб кьалли набра...

– Дила айгьир бекIинилис
Ну душман ветаурра?
Ну тамай мехIуриъни
Гьанна кьалли багьурра! –

БекIли гьакIикIар ухьна,
ЭмХела децI бирули.
Хьатли мухIли буцили,
Шофер сай хьунтикIули.

– Дила урши, чизилра
Мабурид хабаралра,
Барх бузута багьалли,
ДукаркIули, хIелтара!

– ХIебурис, паргьатни.
«БецIли бергун!» – дикIехIе,
Страховойла арцлис
Жагьил эмХе исехIе! –

Шоферли буриб пикри
Почталиойс гIяхIбизур.
Жагьил эмХе бикили,
Ухьнас хIекьели гьарбизур.

ЭмХеличила хабар
Почтальонтара багьур.
«Нушалайсра ил бара!» –
Гьабурци илис ургьур.

– Дила эмХели шел дус
Калун почта бихули.
ВецЛал дус гурра бихи,
ВяшиКласри духули.

Сабилцун хьули баши,
Дирхаирая хуша,
Агь, набзибад кабикиб
Хябилра усал пиша.

Ит пакьир гьанбикалли,
Садакьара буртГулра.

– Хякимтала ургабра
ГяХити кьаршибиркули.
Гьачамра, вакИли ца,
Калун набзи викЛули:

«Хушачи башусикГун
Автобусра агара,
Хуни севан ихьулри
ВацГурбира хГурКьбира?»

Жанивартира дургар
Ишар сецад-дигара,
Марли, гьанХебиркуру:
«БуцЛа мага ругара?».

Почта бихул хунжачил
Дила эмХе чебаиб,
Разили пишяхьили,
Гур илини набзи иб:

«Иш эмХе балхахьес хЕд
Нуни мухьи лугахьис,
ЭмХес мура удахьес
Сага декЛарбирахьис».

Агь, сунела мурад баъ!
Гьайлис ил кьянаХейуб:
Лесхозли мухьира гиб,
Мурара даКудуб.

Амма дила лихЛбарлис
Илди дергес Хебикиб:

Гьунила дублаб итис
Целдара кабитГунра.

Рахли асубиралри,
Мавлидра бучЛяхьира.
Вираслири, нуни ил
Алжайзи бурхяхьира, –

ЭмХела децЛ бирули,
Кьади бекЛли гьакЛикли.
Илала масхуртачи
Почтальонти дукарКли.

4.

Янила бугГяр дуги
Пакьир бецЛли кабушиб.

«Акт барая!» – рикЛули,
Ну рашули калунра,
Амма бецЛли кабушни
Аргяхьес хЕриубра.

«Се рикГулри гьари ху,
Арц дирару эмХелис?!
Шилизиб лугагу ил
Ца чягьирла шишалис!

Дягни кьалли нушачир
ВерГ агартира дургар.
ХЕд балбикеси дяга
Илдала ургаб бургар», –

ВикЛар набзи юзбаши,
СунелаХи децЛ агар.
Хякимтачи рякьунра,
Виру или ил зигар.

Баягьи гЯхИси хЯким
Кьаршиикиб илав наб.
ХябхГулан мятацик гиб:
«Бука эмХела мерлаб!»

– Иш бикес рирХерирус, –
Ира нуни илизи, –
ЭмХера баибсири,
Булхьи мятациклизи.

ХІуни гахъибти мухъи
АхІен тамандиубли.
Мура кьулани дергун,
Яни кьяркъси бакІили.

ХІябХулан хІушаб биаб,
Наб - ца лихІбар асая!
Ну хьурали рашахъес
ХІералтуси чи сая?

Базарличиб асахъес
Наб эмхІелис арцра гиб.
Тапанча бакІахъили,
ГІур илини набзи иб:

– ХІушала вацІурбазиб
Къачагъуни агарав?
Пенсияби дихахъес
ХІуша илда далтулрав?

Рахли кьаршиикалли,
Тапанча бяхІчаа,
«Игъубли гераайчи,
Хьярла шинван вацІи!» а.

– Гьуя, хІу аллагъли ват!
Се бирида ил гили?
Кат мага каруршура,
«Тапанча биха!» или.

АрХІяличи бихуси
Дила гІяхІси тІерхъа кІеб.
ГІурра хунжлизиб дила
Бугаси чябхъяра леб.

Иличил гьуйчир гьаман
Рирус урцул дирули.
Юх, ахІенра ил нуни
Ханжа мерлаб бихули.

Гьал дус риублирагу
Почталичи рашули,
«ХІу чи сарри?» викІуси
ГьанХебиркур чеили.

Ца барХи, гІергъирухъи,
Нуни гурда буцира,

Илала ахІмакъ гули
Базарличиб бицира.

Илис дикибти арцлис
ЭмхІес мухъи асира.
ЧятхІели челгъас или,
Чакмара дикахъира.

Синкара цугбикиб наб,
Почта хес рякъунхІели,
ХІекъли урухриубра,
Бархъли бурис, итхІели.

Лявкъул чи саял багъес,
Чарбяхъили, хІербизур,
ГІеларти къяшмачиб ил
Дай гьуйчиб тІашкабизур.

ТІашкаризурра нура,
Вяшрухъес хІерирули:
«Се дигулри набзибад?
Башен, гьуни буцили!»

ВацІализи ласбиуб,
Урухриъни багъурли.
Наб бекІлизи хІебакІиб
«Рергес бираргу...» или.

– Ягъари, дила неш, хІу
Багъадур руилригу.
БецІ, синка урухдирес
Тупангалра бихенгу.

Айдимирлизи бурис
Газетлизи белкІахъес,
Дубуртазиб сегъунти
Хьунри лебал багъахъес.

ЭмхІе се бируси хІед?
Хьярхъил урчи лугехІе!
Гьуйчиб буркІул замана,
Раши, мяхІкамбирехІе.

– Аман, хІу гІямрули велкъ!
Се бируси наб урчи?
ЭмхІера баибсигу
Рашес наб почталичи.

Урчилис кьуллукъ бирес
Дила ахъри агара.
Лерилра гьунчидиркур
Наб ца эмхIе биалра.

ЭмхIели хIяйван-къача
Дугенили гIердурцу.
ЭмхIес кагъуртаницун
Дугенила мер бурцу.

ЦацахIели уршира
Варх викули руира,
Газетаби дутIахъес
Кумек бири итира.

Школализив Шамил
Ункъли учIра учIулри,
Почта буртIахъес ил наб
Икъалара вирулри.

Мотоцикл лугухIели,
Ил сахIесни багъурли,
«Абдал руилригу хIу! –
Шамил калун ургъули. –

Нуни бикирагу ил,
ХIура чекараратурли!
Дирирагу кеплизир,
ЭмхIера хьумартурли!»

ГIур чизибад багъурал
Тапанчара сахIесни,
ХьутурикIули калун:
«Хьуммартидгу ну левни!»

Хьяшас тапанча дигни
Балулригу нунира,
Илбагъандан сабри ил
Гъарахъли батурсира.

Наб ургъули уиб ил,
ГьимукIили, гъайхIейкIи.
Тапанча гъанбикалри,
Душмайчиван хIерикIи.

ШуцIали эмхIе дургар
Дила биштIал шилизир.
«Урчила регI» бикIули,
Хабардурхар халкълизир.

ХIябал урчи хIедулхъан
НабкIун ца эмхIелизи:
«Канира къакъра сабри», –
РикIусира илизи.

5.

Ит анцIбукъ гъанбикалли,
Вирар наб пиширхъули.
ОМОН-низив узули,
Тапанча сай бихули.

Почталичи ваши ил
ЭмхIеличи мурдали.
Къулбасдариб журналти
Нуничир ункъли дали.

Нура урузрарира
Гъачам дила эмхIели,
Къадилайс гIелабухъун,
Ил дузаб бархъибхIели.

Бурдукла дурхIнас къалли
ДуцIбарес ургабикиб,
Амма хамирцад чуду
Къадила эмхIес бикиб.

ДехIибала дарес ну
Гъуйчир гIашризуллагу,
ХIули чеббалкIунхIели,
Ма, эмхIе бетхIейхъуру?

ЭмхIеличир хунжлизир
Пенсияла арц лерри,
Рахли детихъур или,
Бархъси, ну урухкIулри.

Гъинга гIяхIбулхъ леслиур
ЭмхIелис гIерраира,
Убирхъуси гIерхъали
Ца-хIябал дикахъира.

Эмхелис мехлур саби
Дугли саби биклуги:
Мер-муса булан дала
Нуни бамсри ихьуги.

Гъачамра бетахьиб ил
Хлурхъила базарличиб.
Набчиб гъалаб чарбухъи,
Баргира дила глйяниб.

Архляли букиб бархли
Цулкъямлира балхира.

Нуни ахьиб гъундури
Ахьибара чили глур?
Дунья алавбарари
Дурги или гъанбиркур.

Хъули чаррулхъухели,
Заблиура риркира,
Бахъ дебали ремхлурли,
Зягип булан рикира.

Халал дяхли баралри,
Эмхле шелван румсира.
Хъурали рашуси ну
Ряргл къалли хлярирглра.

Забла херкли гъачам ну
Калунрагу архули,
Мазагъунти къаркъуби
Херкли сарри дихули.

«Шайтунти къаршидиркур» –
Биклуги бири набзи.
Къанни чаррулхъаслира,
Чехедаира херзи.

Цугбикалра, бяхъили,
Гериира глерхъали.
Гъачамра цали буриб:
«Хлячлаур херри» или.

Хешла хьитла буилри
Ил няс урухарибси!

Дугили ил бугахъес
Къарла махра бихира.

Гъайбиклес хлебалалра,
Нуни бурибси иргъи,
Наб вайбаркълис бебшили,
Херулхъахъира глергъи.

Чумра газета дергун -
Бучлес бурсихлебиуб.
Я усалдеш хедариб,
Кабикили дехлиуб.

6. Набзибад бебшибсири
Бецл булан цугбикибси.

Гъачам цура цугбикиб,
Чили-сабрил бяхъибси,
Итхели бегл гьаларри
Эмхечи арибси.

Херкля дубкад арбякъун,
Хили глугубиклуги.
Гляюркъяби цугбикиб,
«Чебаирив?» – биклуги.

– Иха, катхел, арбякъун,
Хлушаб пурхурбиклуги! –
Илди дуцли арбякъун,
Цурала къел дуцили.

Чуйнара чедаира
Члянкличир кункти гъинтби,
Гламадара, детихъи,
Валкъаи абхъес хлугби.

Нушалаван жагати
Глур мер-муса хедалас,
Гъанбиркур, гъарил галга
Илабси нуни балас.

Хлеб садаибмад илаб
Вавалибирхур жунаб.
Илдала дуцруб бирар
Беглара дигуси наб.

Яни далцунти дургби
Дирар хІябра бизити.
Цаван хІунтІен янцІури –
Нуни чуга бирцІути!

ВацІала сирмугуни
Абзур баз вирар дурчес.
Нушала вацІализив
Адам хІейрар гушизс.

Ца хІердизира хІуша
Миала къадубачи!
Яни мешули дирар
Абалкунси цІаличи.

Къарла ахІенси чяйла
АхІен нуни бержибси,
Халдарибсили бала
Агъ, тІагІям илдазибси!

Янилизир низгъури
Набзи «ДалцІаба!» дикІар.
Чяй держа – андаличиб
Дарма майа кІайбикІар.

Дубурла къарли маза
Севан цІерхъдирахъулил!
Ишаб абикъур масла
Диъра ису дурхъали.

Лебилра гъуни бири,
Марлирагу, анхъгъуна:
Гъанбиркур Базула хив,
Бири дубурагъуна.

Бакура Тибилисра
Чедаибтири нуни.
Гъай агара, илдира
Сарри хІекъли жагати.

Нушала мер-муса сар
Илдачирра жагати,
Илбагъандан ахІену,
УркІилисра дурхъати?

«ХІянчи агара» или,
Арбашули жагъилти,
БацІкабухъи саби ши,
Бухънаби саб калунти.

Дяхъили, хасмушуна
Хивла галгуби дициб.
ГІяюркъяба ибгили,
Цурми булан кІундацІиб.

БуцІи сари калунти
Нушала вацІурбазир.
Маза кадуршули сар
Бухънабала дурхъбазир.

БецІли сунес арбукиб
Ца дуги дила кигъа.
Ца сабригу лебсира...
Бархъсив ил нясла пиша?

БецІла мухІли бигъахъес
Маллачи рякъунрагу,
Вяврарили, рархъира:
«Дилара къял бергигу!»

Ши бубкІули саб или,
Къакъали саби шанти.
Аги чебиули, сен
ЛехІкахъибти хІякимти?!

Нушачирти къияма
Маскавли далулира?
Далукъи, чехІедазс
Сукъурла дирулира?

Хъалибаргуначил дураб
Саби дилара дурхІни.
ХІябра тІагІямагарти
ДакІиб нушачи бурхІни.

ГъятІдиуб юртаназиб
Гъарибли саб бухънаби.
ХІилхІи гавдикІули сар
Ца билшутти анкъурби.

Къудратла вегІ, бурагу
Нушачиб лебси бунагъ!
Чебиули ахІенрив
Нушачи бакІиб балагъ?

Марли, сабира гъанна
Ахират гъамбикІули,
Дунъяла хури саргу
Нушачи гъямдикІули?

Пенсияличиркъира,
Шел дус гурра рузира.
Бархъли бурис, херарра
Алапали разира.

Бикибси ибси кепек
Бучул дурхinas лугира.
Хяйван-къача дихули,
Вайхебиуб агира.

Пенсия кабахъяхъес
Хябилра къиянбухъун.
Ил шайчив икъалайэс
Я чилра музахевхъун.

Хехариубси нясли
Почтала архив бигуб.
Нугъунти чумал хъунуйс
Халаси зарал биуб.

Хебузутасгъунари
Пенсия кабахъибси:
«Закон хясибли ил саб
Хугъунтас кабилзуси!»

«Рушбат беда, кабилзан
Гъанна кайсул келгъуна, –
Биклутири набзира. –
Замана саб илгъуна!»

Рушбат бухахъесра ну
Уркили хературра.
Гъимрукили, Путийчи
Кагъар булан белкунра.

Итабад дила кагъар
Дагъистайзи бархълри.
«Рушбат биха!» – виклуси,
Марли, вархъси уилри.

Хялис лигагъуна саб
Рушбат гъанна хякимлис.
Нура «къабулрикира»
Рушбат бухес ил няслис.

7.

Сергулизи раибхейс
Ил вебкили варгира.
«Рушбаталра наб кавлан!» –
ГеларяхI чаррухъунра.

Илхели гъанбикиб наб
Гъачам бетаур анцбукъ.
Хатлабиэс дигалли,
Къаршибиркули саб дукъ.

Гябидатла пенсия
Бухили рякъунсири.
Къял изули, азбарлар
Ил пакъир раргисири.

– Ил ганзила бекличир
Кадихъили дати,- иб.
Туклуни деръайчи гур
Дуцли набчи караиб.

Гъайэс рирули ахен,
Хъатлизи хъат бирхъули,
Лезмили тямкъриклули,
Сарри ил тяхIрашули.

Хунза инжитбаралли,
Эмхе бирар илгъуна.
Гябидат хунзлариес
Се лебара багъана?

– Хуни хибси пенсия
Бергун дила эмхели!
Канилра гъяриира,
Бургаслири илхели!

– Паргъатри, лебси саб
Эмхелизиб ил пиша.
Лихбаркун хела саби,
Гур нуни се бариша?

– Байхъала халбирисра
Эмхела чеблализи,
Итил бутла кабахъа
Хуни дила хъатлизи!

Гъайла къантла, хухузи
Эмхе кахебушахъес,
Хейгукъира, чебуркъиб
Дила пенсия бутлес.

Эмхера илала наб
Чуйнарил убабагиб:
Мура гечдирухели,
Духби хахъес эмхе гиб.

Узес вируцадхи сай
Улкалис адам левси.
Узес хейраниубу –
Тамай сай анцулкъуси.

Пенсия камси хъалли,
Нура гушхериубра.
Ил балкли кабихьибтас,
Бархъси, нура рургъулра.

Хябал дула пенсия
Къас сабри мяхамбарес,
Дурхни разибикалли,
Хяжлизи архя барес.

Пенсионерти севан
Хербирулил балулра.
Хяжлизи хярукъясра,
Садакъара буртулра.

Дусмира аркъули сар,
Нура рухънараилра.
Муэртазир гъаннара
Почта бихес рашулра.

Дурхнала дурхнази ну
Бучлахъес махрикълулра.
Нушаван ахи, ункъли
Хербиэсгу рикълулра.

Пенсия бакибхели,
Нуни илдас буртулра,
Чакарлисра чяйлисра
Къуршми набра далтулра.

Унраличивра адам
Херируси агара,

Чина-сабил бебшили
Саби дила житара.

«Мехтуррируд ху ишар!» –
Уркиулра дурхнара. –
Шагъарлизи гечрарес
Хебуруси агара.

Дила дунъя арбякъун,
Ну сарра гелар кали,
Почта булан шилизи
Ахен гъанна бихули!

Газета бучусира
Ахенрагу чейули,
Интернет, телевизор
Дургар гъанна диули.

Дила дурхнира лебри,
«Мобильник ма» биклули.
«Хушаб батира!» ира
Нунира, гымруклили.

Гяхял лявкъялли набчи
Дагъалира балахъу.
Буркъа мобильникличил
Духхедухъар дила хъу.

Табигят чебаэс саб
Гъанна иша башути.
«Талихчертира, – биклар, –
Хуша, ишар калунти».

Чина детикесара
Гъаннала накъра-хана?
Хапли грипп дакълалли,
Лебил ши – азархана!

Дила бегта пенсия
Се сабилра хебали.
Ишбархи лебилра ши
Иличи саби хъарли.

Пенсиялис саригу
Урцул булан исути.
Сирилизиб хъяшниван,
Сен бухънаби бисути?

Хлеб сари гьамдикӀули,
Чудулис низби луцӀас.
Ванали лебай беркес
Генала кьяжа буцӀас.

Гьалаб кьяйда ухули,
Заклизиб берхӀира кӀеб.
Гьалар кӀелцад духъули,
Сагурбазир кьярра лер.

«Рукен, хуху!» бикӀули,
Пенсия лугули саб.
Гьанна кьялра агара –
Се дирути балча наб?

Агу кьянрирус мер.
ГьанкӀра саби башули.
Кьябулданван сарра ну,
Муэртазир урцули.

Марлира, ГӀизраилли
АхӀенрав хьумартурли?
Набра ребкӀес хӀейгулра,
Жита гушли батурли.

ХӀяжли рукъес гьанна наб
АхӀенра я дигули,
ЦӀала мякълар руулра,
Аллагълизи рулгули.



Проза



**МяхІяммад
КЪУРБАНОВ**

КЪУГЪНИ ЯРГАЛИ ДИРАР!

1.

Суд гІурра гІела арбухиб. Гъанна хІяйнайс. Сен гІязаббуркІути такъсирчибала гІелапти судла, прокуратурала хІянчизарта иткъяйдара балули биалли такъсирчис сегъуна танбихІ чебилахъул. Суд вегІла районнизиб биалли бируси селра ахІен, амма гъамадлив шилизибад шагъарлизи, хІянчира дархъдатурли, башес, дуги беркІес мерани даргес?

Басирла мурталра уркІецидулхъули дирар суд бирути юртанала гъалаб чула яргаличи хІерли къукънадли тІашбизурти такъсирчибала гІелаптаци. Секъяйда-дигара бирули бирар дунъяличиб. Лебсигу урусла халкъла бурала садакъала къачІализивадра туснакълизивадра верцес биркур или вирхес хІейрар бикІуси. ВегІличира се хІерлил иш бархибси, гъудурси, бархъдеш бергес къиянси улкализиб багъес хІейрар.

Амма ишбархІила анцІбукъ декларси саби. Такъсирчиби лебилра хала-халати хІякимтала дурхІни саби. Илдала ургав лев Басирла виштІал узи ГІябидла урши Байрамра – чедисатурси, вайтІа вяркъурси. Сунени къиян чехІебаибси, гІямрула мягІни хІебалули кункли хІериубси адамлизивад гъарли-марси адам ветхІерар, къиянра чехІейсу. Басирлисра гъанбиркулри узила уршилис ил жагаси ула мерличиб «Балагъ» ибси у гІяхІли балбирки или.

– ДурхІни баркъес чили-дигара вирар, – ибсири гъачам Басирли ГІябидлизи, – бекІлибиубси илди адамтиван бяркъни саби. ХІуни хІела хІякимдешла гъавличив селра чебиули ахІенри. ХІякимдешкІун мурталра хІедирар.

– ХІуни сен хІебиркъулри, вирули виадли? – гъимидухъесли гъинчІизурли жаваб чарбатурсири ГІябидли. Ил – авцІали дусличи гъамикІули хъалли хъайчикахІейибси узис хъурсаркъ сабри.

Гъайлизибад гІяхІдеш аги:

Гъарга мазаличибад балала пусалра бакІесгу бикІуливан, биркусиличи хІерти хІякимтала цали ветаур ГІябидра. Узби зурбати къаркълумала чи-дигара къяскайэсти адамти сабри. Ил багъандан хъунул адамтасра илди дигахъу. ГІябид МяхІячкъалализив учІуси замана рурсби илис гІелабад башули бири. Самбола шайчирти абзаназив – Дагъиста чемпион, белчІудилизивра

цаибил – ил ургахИейкеси жагьил хИейри. Жагьти рурсби чирагъ-алав ур-
цути къабулдантигъунти бирар. Сенал илдас урези-хИяагартти, чехусан жа-
гьилти имцАли дигахъу, чус лебил дунъя пешкешбарес хИядурти малхИамти,
уруз-хИяцТиван аХИ.

Университетлизиб ГИядидличи ургъур чебушибсири сайван юридиче-
ский факультетлизир ручИуси, обкомлизив узуси халаси хИянчизарла рурси
Сабинани. Университет таманХебарили лебай, илди кИелра халаси мекъра
Хебарили, хъярхъ-хъярхъли хъайчикабиибтири: Сабина илхИели дурхИалис
раилри.

Гъанна биалли, Сабинала дудешла кумекличивли ГИядид МВД-ла ми-
нистерстволизив полковникла даражаличив узулри. Сабинара илар халаси
хИянчизар сарри.

ХИейгахъи Басирлис илдачи вашес. ГИядатла адам чехИейуси Сабинанира
сунела халаси хИурмат хИебири. Чула бухИнаб адамти гИяГинитачира гИяГни-
ли аХИентачира бутИибти илдани Басирра кИибил журала адамлизи хИса-
бирни гИячихълири. Абатур илдани бекИличи кИелра уршира Маймайбарес,
илдази лявла аХИенси царХИил селра бурес асубирули аХИенри.

Ва, хИера, гъанна илди авара.

ХИушани дила хИурматХебирни нуни сен-биалра чекайсис, – ибсири Ба-
сирли гъачам, илдачивад аркъухИели ГИядидлизи, – амма чебиэхИе хИушаб се
бетарарал.

Гъайгъай, сай итХИели хатГайкибси виалри, Басирлис гИяхИли дигахъи,
амма ил хатГайХИейкиб. Байрам варх левси къукъяли ца тукен бигИи, буциб.
Илдала адни биалли цалайчир цала черикИла машинтачиб сакИуб, къияйзи-
бикибти языкъунала делтИунти арц судьябас хъячИдирули. Туснакълизиб
чула баркъибти илдани бахъХИи хИебалтни гИячихълири. Амма хИянчурби
духъес дири. БикИуливан къугъни яргали дирар. Белики гъанналра убяхИяхъ-
ес илди хамдешла ахъанайтачибад, саби балхути гИядатла халкъ чебаэс, саби
хИербирути илди адамтази бейГес.

2.

Чум гИилму лера адамлис, илала хИял-тИабигИятлис, арадешлис, бяркълис
хасдарибти? Чинад дакИубируттив гьимикарти, адамти бекИлил хИейгахъути,
кИибяхИянти, вай биганти, барибси гИяхИдеш хИебалутти усалти адамти?

Совет хИукуматла замана коммунизм белшес багъандан арзес гИяГинити
хИябал масъала дири. Илдазибад ца сабри лебил икИди няс адамти цагъунти,
малайкуначи мешути хИебиалра, хИяя умути, гъар секИа шайчиб чебетаиб-
ти бетаахъес. Амма лерил икИди къиликъуни халкълизир дихахъес кабатурти
хИякимтазир вайтигъунти къиликъуни дакИудиуб. Чи руркъусири илдани?

Бурули бирар Китайла ца талхъай, селичи гьимукИили уилил, сунела ца
хъубзара мицИир-чИянкИуварили, ца буцИарси дуцИрумла барХИи галгализи
чеветигъахъес, илис сегъуналра беркеси я шин хИелугахъес, эгер илгъуна
адам ахъалли, илисра тьп хъубзарлисгъуна танбихИ барахъес хъарбарили
сай. ТИунтИрани, хИуррани, царХИилти хИи дужантани пИяцИварибси ил гъа-
риб ца гъункъяли чеили, иличи уркИецИидухъи, гъакИикИули хъубзарличирти
хИи дужанти дугИеили сари.

– Се бирулри хИуни, ахмах? – чевхъи сай баркалличичи хИерси гъункъячи
хъубзара.

– ХЕчибси гЯзаб кункбирахъула, – жаваб чарбатурли сай тамашавиубси гъункъяли.

– ИлдикІун делкъунтири. Гъанна биалли илдала мерличи гушти ляркъян!..

Селилра велкъи бекІирусив халкъла хІи дужуси, хъямикІес бурсивиубси адам?

... Ил журала адам сайри Басирхъа дудешра? Илис адамти хІейгахъи викІесра хІейри, амма илдачивад тйидили вири. ДукарвахІили, хІятта пишяхъили ил рахлира чезс хІейри. БебкІа гъала кабихъибхІеливан мурталра къутІкъуси, сай ухІнав къяпІси, чизилра уркІи гъаргхІебурси, сунела къияйчил хІериуси хъубзара вири. Чула шилизиб бузахъуси гІядат хІясибли, сай хъа вегІ, хужаим сайни багъахъес цІикури хъули арицІуси замана, гелешмешли илала хъянтІализи хункІ бирхъуси буили саби. Басирхъа дудеш Рабадай биалли цІикури тІерхъа бяхъили герратурсири. ИлхІейчирад илала зулмуртаурад урхІерухъун Басирхъа нешра.

Рабадайс чичилра гІягІнииркесра хІейгахъи. Илала сай вегІти дукІ-дураз дири. Унци я урчи, гъайгъай, хІедири. Ца шайчи эмхІе, итил шайчи къял дабгили хъу балцули вири. ДурхІни биштІали лебай илди гъардурцутири неш Аслиматли. Ашкарлигу хІядяркъурти мицІираг гъардуцесра къиянни бирар. Илгъуна замана Рабадай Аслиматлис хІедурибти хІедалти.

– ГІяч! ГІяч-ч-магъ, гъалабси къял! ХІела неш...

Гъаннала заманала хъунул адамти чебиухІели, Басирлис гъанбиркули бирар сен чекайсутирира гъалабла хъунрани илди зулмурти или. Къиянтазиб хІербирути чула бегІтира баришкабирути бурги илгъуна къисматличил.

Рабадан, хъучир хІянчи агарси замана, шила мякълабси къадализибси вацІализи урцул дяхъес вашули вири. Илини урцул агарси унра шилизи эмхІела дех – анкІилис, декълис барсбарахъес уршби бурхъули вири. Гъунби вайти дири, яни миъли дурци. ДурхІнани миъличи чула чедирти палтар удушили, эмхІе бетахъбиркахъули бири. Гъачам, дурхІни селра барес бажардибикайчи, эмхІе хІусбухъи, кабикиб ва, иткъяйда къакъличиб дехра сабира гъяйчибван кабухъи, миълизибад гъаббакІибси бугаси къаркъализи чегиб. ЭмхІела кани гъяраиб. Ил гъариб хІебиалри секъяйда хІербирусири Рабада хъалибарг? Дудешла хІял балути дурхІни, се бурсил хІебалули, итхІели бахъхІи пикрибикІули калун, амма бареси аги. ИтхІели Рабадай ил дех хъунузира дурхІназира гІелахъахъили гІягІниси мерличи бухахъибсири. Игъбарлисван эмхІера хІеббкІили калунсири ва ца-кІел жумягІла гІергъи дурхІни гІурра унра шилизи урцул дихес бехІбихъиб.

3.

Судличи сай хІекІилира гІяйибта биркъни, вакІилира ишаб сунечи хала-си хІяжатдеш агни Басирли балулри. ГІябидли ил секІал дигІянбарес вирули хъалли, Сабинанира илдала виштІал урши Артурлира дакІу-гъаргли вайти дяхІ кадурцулри. Сунечил варх халавайбси, дарх къиянти дяхІяурси, бикибси къацІла кесек цуг-цугли буртІуси даргла узи сен илцад халаверхурси ветаурсира? Мурт ва севан гъарахъикиба ил сунечивад?

ГІябидли саби махъилизи бакІнила мурад буриб. Чула дудешлагъунти гІямрула адам сайри Камилра. Илини гІурра бекІ гъакІ-гъакІбариб ва гъамли гІяйкабиубси урчи буциб, уркурлизи бабгиб, гІела дурхІни чебатурли, районна больницализи гъайбариб.

Больницализив Басир вецІал бархІицадхІи калун.

– Мурулдешлис биубси зарал агара, – ибсири илхІейс аравиубси больницализи уршиличи гъаввакІес вакІибси Рабадайзи тухтурли, – амма виштІаси атІхІекІес асубирар.

Илди гъай Басирлира дакъибтири.

4.

Лебси саби хабар Аллагъличи лагъа букънила.

– Бархъабагу, Аллагъ, хъунул адам бетаахъурли мурул адамтачи, – тиладибухъи саби ил, – нуни илдас хъунулбиубли, илди даршули хІербирахъис.

Бархъили сай Аллагъли ил муйлачи хъунул адам бетаахъурли Илис гІергъи Аллагъличи бакІили саби чІичІалара тѳп лагъалагъуна тиладиличил. Илра бархъили сай Аллагъли мурул адамтачи.

Илала гІергъи дакІубиубти саби дунъяличиб кІел журала хъунул адамти: цабахІ малхІямти, уркІецІичебти, цархІилти – адамтала ургала загъулабирути.

Сабинас Басирли барибси вайдеш биубси ахІен. АнцІбукъ чучи вашухІели, илини савгъатлис камли секІал бихнилизиб сабри. Рушбатуначи бурсибубти адамтас биалли се бухалра камбилзан. Ил гъабуцибси някъ убасибмадан бедибсиличила хъумраурту.

* * *

КІел уршира авал рурсира лебтири Рабада хъалибарглизиб. ХІедири гІямру сари или бурес гІямру рурсбала, сецад саби саберхурти биалра. Рабадан илдачи гъимили убкІули вири. Илкъяйда хІейгухІели биштІати сен биркъутира или гъанбиркули бири Басирлис. ВегІличибад акІубти, вегІличи хъарти, гІямрулизиб гъачамлис селалра мягІни хІебалуги биштІати гІязабуркІутив, асубирусив илкъяйда?

Аслиматра муруйчибси гъими сунела баркъибтачиб чебихъусиван къяркъси рири. Илгъуна хъалибарглизиб халабаибти биштІати, имцІаливан, цархІилтанира чузи къяшми душкести, гъар секІайзиб мутІигІтили бетарули бирар. Хаслира илдигъунти хІял-гІабигІятла вегІ мурул къячІалиув ганзварес къайгъибиру илала хъунуйра. Игъбар саби, эгер хъунулра сайгъуна малхІямси, кІантІиси хІялла регІ уррухъалли. Амма гІямрулизиб илкъяйда рахли бирар бируси. Тѳп ишкъяйда:

**ХІяй аман хІура нура
Дерхъиб хъура хъябхъяра,
Жан юлдаш, нуша кІелра
Писа дяхІира дягІра.**

Басирли чІумали къасбарибсири, сай халаваибхІели, сунела баркъибтачи, хъунуйчи гъимукІили ца тІулалра къячхІебушес, ахъли гъай хІеэс.

5.

Рабада эмхЕели гъачам дяга баркъибсири. Гажаси. Басирлис, сен бирил, цархИилти мицІирагла дурхІниван ахИи, дягни имцІали жагадилзи. Сари дунъяличи дакІудиъниличи разитиван думхІули илдани дунъя чедибирхъули дирар, дунъяличибси карцІи ахъес хІедирутиван дирар. Басирлис гъанбиркули бири, эгер чула челябкъла балути диалри, дягни ильяйдали разитили диишира или. Халадаили чула къисмат багъурхЕели сари или умхИи илкъяйда пашманти. Чула шилизибра дебали пашманси адамлизи ирули бирар: «Эй, АмирхІямзала эмхЕван сен марайли кайзурсири?» – или.

Ца-кЕел жумягІ хъулиб батурли, гъачам Рабадай эмхЕечил барх вацІализи дягара гъайбариб. Дудешличил варх ил бархИи Басирра левсири. Дяга мурталраван итара ишара бекІра булкІахъули, дунъяла жагадешли белкъес хЕебирусиван разили бумхІулри. «Эй, гІялам, – бикІусигъунари ил, – хІерая иш ну! Ну дунъяличибра! Ну жагасира!»

Бетаиб илди ца къадала дубла. Илабра се лебал багъес дигусиван, дяга къадала дубла гъамбиуб. Ил манзиллизиб... Ил манзиллизиб Рабадай бяхъили къяшли дяга къадализи арцахъур. Басирла михъирлизиб гъигъ барцбикиб. ДягІули абхъибти хІулбачил дудешличира хІерикІули, ил тІама хІякъули, гІяхІцадхИи калун. «ЭмхЕсван дяхъя!». «ЭмхЕван вита» – илди вайти адамтала гъай сари. Сунези лерил хІяйвантас дугени кадухахъили, адамли эмхЕс илдала гЕладухъунти гІяргІя-мача дирар лайдикІути.

– С-с-сен? – урехиличилара хъумартурли, ахирра дурабикиб Басирла. – Сен кабушири ил?

Рабадан багъесли гЕла-гъалавиуб.

– Ил нушаб гІягІниси ахІенри, – ца шайчивяхІ хІерикІули жаваб чарбатур Рабадай, – маргаси баркъалли, балтехЕе. Нийли бухъули, илини эмхЕе цакъагарбиркахъи.

Неш эмхЕели дяга къадала убяхІбиркулицун сабри чебаибси. Се бетаурал багъес дигусиван гІяхІцадхИи хІякбизурли калун. ГІур... буршуси, турбализибад дурабулхъусигъуна хумарси тІамали дягази чарбухъахъес тІамадариб...

Илала гІергъи, чуйна ил мерличибад шалгЕеббулхъарилра, неш эмхЕе тІашбилзи ва мурхъси гъигъ абалти.

Арбякъун ил анцІбукъла гІергъи базцад замана. Ца бархИи Рабадан, уршбира хЕбукили, сайцун вацІализи арякъун. Бикиб бархИи, амма ил хъули чархЕевхъун. Дех агарси эмхЕе сабицун хъули бакІиб. Рабадан чархЕелхъухЕели дугели гъузгъалдибиубти тухум-агълу, шанти вацІализи дуцІбухъун. Баягъи сунени дяга убяхІбушибси ит къадала дублав къарличив усес кайхъунхЕеливан бекІлиу някъра кабихъили, Рабадан геркавхъи варгиб. Ил... вебкІилри.

6.

ГІябидла уршила адвокат Басирличил варх гІярмиялизив калунси ИсмегІин сайри. Ил гІяхІцад дусмазив чула районнизив прокурорли узули кали гІергъи, МяхІячкъалализи шурухъири. Ишаб илала белгиси хІянчи хЕебири, имцІаливан адвокатла хІянчи дири дирути. Къуллукъла хІянчили ил ГІябидван багъесли варсхЕейахъуб. Илди кЕелра Басирли жявлил, ИсмегІи чучи прокурорварили вархъибси замана тянишбарибтири. Байрамлис адвокатдеш илини матъал дирулри.

– Хиу сен мурталра хумарсири, гЯрмиялизивкГун илгъуна хЙейради? – хабарагарси суал бедиб хапли ИсмеГи Басирлизи.

Ге, гьайгъай, гЯрмиялизиб гЯхИсири. Илаб лебил цагъунтири. Дири низам, зегъа, аги рушбатчиби.

ГЯрмиялизи аркухЙели Басирла ахъдеш метрра байхъалара сабри лебси, битІакІ биалли – авЦанну верхІра кило. ИтхЙели илала муцІур-супелра гьардакІили ахІенри. Марлира Камилла махъилизив сай хурани уцнила асар убхЙебизурли калири.

Школализив учІухЙелира ил сунела класслизивцун ахІенну, кІел-хІябал классла гІелабтазивра назикси цІакъагарси вири. Амма учІи ункъли. ЦацахЙели учительтани ил сунес гьаларти классунала дурхІначил абзикахъес булан илдала классунази викули вири. Илбагъандан школализив ил чисалра хЙейгахъи, сегъуналра сабаб агаркъи иличи чебаши, дубири. Мурталра гушти, итира халати илала хІулби илгъуна замана гьатІира халадии. «Сен? Се багъандан?» – гЯчихъли белчІес вири илала хІулбазиб гЯнцІси суал, амма къаршикарлис жаваб бедес, вяхІес хъулхІелхъи. Басирлис чисалра деЦагахъес хЙейгахъи, хаслира ца анцІбукъла гІергъи.

Суненира чизибад аргъибсирил, гъачам ГЯибдли, саби биштІали лебай, Басирлизи ибсири, валлагъ гЯдатла хІелхъни Аллагълис диргути сари или. ДурхІни дегІла дахъал хІелхъни дирути шурмачи бакІибтири. Сецад кадушибал дурхІнани илди итхЙели! Ца жумягІ илди Басирли муэртазир чедиули калунсири. ИтхЙели дурхІнас гъанбиркусири чули халаси керила хІянчи бируси саби или.

– ХІелхъни чули дахъал заралла милкъи гІерудахъути, адамлис дебали пайдала жан сари, – жаваб бедибсири Басирла суаллис зоологияла учительли, – чили-биалра бурибси мехІур секІайчи вирхаэс гЯгІнили ахІен или.

ГЯрмиялизив солдатунала къяйлизив Басир вегІла гІелав вири калзуси. ДуцІлизиб, цархІилти абзаназиб илис гІелакабулхъути чІянкІли кІел солдатцун бири. Сецад илкъяйда биалра, Басирлис гЯрмиялизиб гЯхІбилзулри: лебри баари беркала, лебри къаркъа хІял, вегІла яхІ ахтардибарести имканти.

Ил левси отделениелизиб хІябал гьатІи дарганра бири. Илдала лугІилизив левсири ИсмеГинра. БегІ гъалаб бахес столоваялизи кибхЙели, илдала цали беркеси буртІуси отделениела комиандирлизи хъарбаибсири:

– Беркала цурала диълизибад барибсив?

Отделениела командир сайра татар сайри.

– Цурала диъла саби, – пишяхъиб ил.

– ХІебиалли, нушани ил хІебукехІе!

Амма итира лерил гЯмрулизив гушли хІериубси Басирла ишавра гаша вебІес къас аги.

– Нуни букас, – иб илини.

Дарганти иличи бегІ гъалав чейусиличиван хІербизур.

– ХІира, гьегъунали сари лидил дукъдулъути, – иб цали. – Кабихъа нушабра.

Къаркъайс гЯгІинити секІал даибу, ахІи илизиб сегъуна-биалра барсдеш бетауру-се биубал, Басир гЯрмиялизив хапли халавикІес вехІихъиб. БегІла къяянси «карантиннизив» ил хІябал базла ухІнав вецІну кІира килола декІиуб, ахъвайб. Абзаназивра цархІилтас гІелахІелхъаниуб.

Басир гЯрмиялизив муртлисалра калес асубири, эгер дудеш вебКили гЕргъи сунечи хЪарбикисби хЪалибарг хЕрбарес гЯгИнили хЕбиалри...

ИсмеГис сай варсиънилис Басирли жаваб чарХебатур. Чарбатесра хЕйри. СенКун чила шайчибад биалра бархЪагардеш чебаили, ил гЯрзхЕйКли, децI дурахЕбушили бухИнаб бихИ.

ИсмеГин прокурорварили вархЪибХели, шилизибтани, секъяйда багЪурал, ил Басирла юлдаш виъни багЪур. Гъачам чула шилизивси мискин-мискин, бахЪал хЪалибаргла вегI ГЯзиз бикГуси хЪубзарли унра шилизивси ца ухъначи хатГаличил мотоцик чегахЪиб. Ил анцIбукълизиб сунелара къаш бячун, ухъна биалли больницализиди каркъиб. Ухънала гЕлабтани ГЯзиз судлизи ведиб. Ца дуги барХехъван ил гЯйсначив цинкИкГули, гЯшкабуцили бекIра, Басирличи дураикиб. Саламра бедили, ил селра хЕйКгули гЯхIцадхИ лехIкахъили калун.

– Прокурор хЕла юлдаш сай бикГули бакъирагу, – гЯшли иб ахирра илини.

– Сай, – марбариб Басирли.

ГЯзиз гIурра лехIкахъиб, гIур бекI ахЪбуцили, хЪа бухИнала хЕрбариб. Гъалаб хЪулри далсути, я лац лушту гъаннаван бяХянала диркъдешличи хЕрбикГули хЕбири. Басирхъала хЪа бяХяни, бикГуливан, къакъ хЪарсбарахъес датуртиван мер-мерличир гъадухъири.

– Нуни хIушала хЪулрала бяХянира лугIяндиристгу, – тиладиличил урКецIдухъесли Басирличира хЕрикГули иб гIурра ГЯзизли, – хЕйруду наб кумекиэс?

Ил шилизив урибси села-дигара устара сайри.

– Нуни вируси секIал биалли, илди хЕдасадра кумекбирисгу.

ГЯзиз гIурра гЕла-гъалавикГусиван лехIкахъиб. Ахирра илини кисализибад арцла бергараг дурасиб.

– ХЕйруду ишди арц хЕла юлдашлизи дедес?

Сегъуна бурям бухъунал илХели Басирла чархлизиб! Рушбат? Сунела юлдашлизи? СейКгуси гъанна ГЯзизлизи? СунениКун сай туснакЪирули виалра, хЕйрар ил юлдашлизи бедес. Басирли КЕлра някъли бекI буциб.

– ВирхЕйрус, адавзи, – ГЯзизличира хЕрхЕйКгули иб илини, я гъалаб илгъуна секIал барес виубси аХенра. Юлдашлизи къалли хаслира хЕйрус. ГЯйибта маркъуд...

Чис хабарри итХели селичирил шилизи вакИбси ГЯбидличира ил сунезигъуна тиладиличил дугъаизнила?

ГЯбидли арц сасилри, амма ИсмеГизи дубалра хЕхъили, арц сунес дихИлри.

КЕл дус туснакЪлизирра дерКили, ГЯзиз шилизи чарухъун. Ил гIурра Басирличи вакИб. Иш гъакIлизив ил гъалавван гЕла-гъала витКИгули аХенри.

– ХЕла узини набзирад ардухити арцличи вакИбсира, – вархъли Басирличира хЕрикГули иб илини, – набзирад арц сасили, илини хЕла юлдашлизи дедили аХен...

СейКгуси гъанна ИсмеГизи? Узили илгъуна убяхИси хIянчи барили саби или бархъли бурусив? ГЯзизлизи итХели арц сунени чардарибтири. Ил секIал ГЯбидлира балусири.

Басир ГЯбидличи ил милякъван чукуриэси хЕрли хЕризур, амма селра хЕиб. «Дила мерличивКун ишизи царХил адамли саламалра хЕлуги, – пикриухъун Басир, – се кIантИти хIял-тIабигIят сарира ишди дила?»

4.

Школа шула кьиматуначил таманбарили гьергьи Мяхьчкьалализир кь-антти курсанира делчи, Басир совхозлизив хьйвантала тухтур ветаур. Хьйвантачив гьайгьай, гьамадлири: хьедирар илдала я макру я кибяхьандеш. Сецад нешли кьайгьибарили хьалли, кахьерииб илини хьунула. Ахтардилчи Мяхьчкьалализи вякьунхьели, тухтургани бурибсири илизи дурхьни алкьиниличи умут камси саби или. Сай багьандан сунес гьяхьрилзуси хьунул адамлизиди гьямру дугьли деркьахьес илис дигули ахьенри.

Гьяхьрилзуси биалли хьйбилра биуб. Хаслира гьяхьрилзи унра шилизирси сарерхурси, жагаси доярка Загьидат. Фермализиди илди мурталра кьаршибирки. Сари гьяхьрилзни балусиван рурси иличи хатьаличилван хьачрилки, черхьерердилди Басирла хьулбази хьеррикьи. «Ну жагасира, – дикьутигьунти дири илди, – чехьериулрав? Сен лехькахьибсири?»

Гьачам илди кьелра фермализиди сабицун цунбухьун. Загьидат мурала тьйличи кайибси Басирличи кьакьла шайчирад гьамриуб, пьакьдикес хьядурти вякьнигьунти михьиртира илала кьакьличи ибкьаили, хьябличи някьби кадихьиб. Басирла кьаркьайчибад ца тьйгьамла, лебил чарх зимбухьахьунси ружер чедиберхур. Рурсила някьби илини урасес хьейуб. иткьайда дагьвяргьили кьахьибсиван шикьхьелхьули гьяхьцадхьи калун. Ахирра илала хьяб сари рурсили батаиб.

– Хьед бурхьа унц бикьути хьязлис буили ахьен, – иб илини, Басирра кьужурили.

Тьабигьят биргьйбиргес, ил мутьигьбарес гьамадси ахьен. Итира хьилхьи хьхьибурси Басирла, гьур иличил ургьес цьакь аги. Ил харчизур, хьямьики рурси руциб. Загьидатлира илис халати кьаршидеш хьедариб... гьясидешлирил, сен сабрил Басирли чула гьамдешла халаси тьйгьамра хьебагьур. Загьидат биалли дигайла хьяз таманбиубли гьергьира гьяхьцадхьи калун цьумрикьули.

Илди гьурра барх гьяхьцадхьи калун, ва, гьайгьай, Басирли Загьидатлизи лебил бархьдеш буриб.

– Хьу кьабулрикадли, ну бусьгьят дигара хьу кариэс хьядурлира.

Рурси пишряхьиб, Басирла ляжиличибад някь хьяршбариб.

– Хьу гьиммаркьуд, – иб илини, – дурхьни агарти гьямру наб гьйгьинили ахьен. Хьед хьиянатдеш дарес биалли хьерирус...

Загьидат гьанна чула шилизивси букьла хьунул сари, илдала кьел-хьйбал баркьибтира леб.

8.

Судличив Исмегьин Байрамла мерличив малаик судлизикибсиван – сунела багьудира, вахьхьи прокурорла хьянчили виркьули калнила уstadешра пайдаладарили, такьсирчи бусьгьят заллизив азадватесли гьайухьун. Илис гьелажьебухьун цархьилти адвокатунира. Такьсирчиби биалли, селалра авара агарли, халати игитдеш дарибтиван кабиилри.

Судли илдала гьариллис хьйб-хьйбал дус туснакьлизир деркьесли хьукму дурасиб. Сабина ахьли рисирииб, мурул бусьгьят гьина-гьинаваресван хьерризур. «Селра уили ахьенри, мялякь, хьу», – дикьутигьунтири илала хьулби. Гьур аризурли, муруйзира селра хьеили, заллизирад дурарухьун. Илис гьергьи арякьун илдала виштгал уршира.

– Селра хьебирар, – хьуна хьерлис жаваб бедлугусиван гьяшли иб Гьйбидли, – ил нуни туснакьлав вахьхьи хьелтас.

Арц сатІхІесалра, ИсмеГІи адвокатла хІянчи чебетаахъили бариб. Ил ва-хесалра укес гІягІнилири.

– Даширая гъанна дукес аркъехІену, – гъалабихъиб илдас Басирли, узи селра хІейкІули чеили.

ГІябидлира чучи аркъехІе или хІеиб: багъеслири Сабинани чус сегъунти гІягІялдеш дирул.

– Гъанналра ветухъенгу, се биубси хІед биалра? Саби ресторайзи бакІили мерлабиубхІели иб ИсмеГІи Басирлизи. – Бархъли бурасли, дила юлдаш хІу сайли хъалли, наб ГІябидличил гъайикІес гъамадли саби.

«Къучакъ ГІязиз, – пикриухъун Басир, – хІебиалли ГІябидли ИсмеГІизи арц хІегили сунес тІашкаъниличила бурили уили ахІен. ЧеввалкІи балкІси гъунчивад аркъуси адамлис ца ил баркъудира баибсигу, урузиубли, ца баралра вархъиэс, пикриухъес».

Юх, илдигъунти хІякимтала ургав Басир сеннира ватухъес хІейри. Ватулхъан мискинти, хІялалти уркІби гъаргти адамтала ургав.

– Илкъяйда мурталра уэс къасу? Агарав чилра раргибси? – сунела суал Басирлис къабулхІебикниличи шакикили, черардукес къасбариб ИсмеГІи.

– Раргибси? Басирличи пикрумала варачан чедиберхур...

Лерри илини раргибси. Дус гъалар, амма ил урхІла хъунул сари. Светлана Басирлис къарширикибсири Къаякентла санаториялизир. Ахъси, жагаси. Илала сунечи лапІдарибти халати шинишли-палдаранг хІулбала хІерли Басир ил чераибмадан ясируциб. ХІерра гъалли уркІилизи атІунси, дарг удилчердируси сабри.

Басирли делхъ далути ахІенри. Сунела къяркъти гІямрулизиб илдас мер аги. Мурталра хІянчи, хІянчи. Илди тянишбиубси дуги санаториялизиб делхъла бархІехъ сабри. Кункли ласбикІули булхъутачира хІерикІули, Басир тІашкайзурлири. ХІерулхъулри сен саррил Светлана, чум жагъил ил делхъличи жирирули гъамбиуб биалра. Делхъла макъамти дарсдикІулри: лезгинка, ахъушантала, вальсани, летка-енка, циганочка. ХІера сабаиб ярга хъунул адамтани мурул адамти жибируси вальсла. Светлана жагали пишрехъили Басирличи гъамриуб.

– Сен илкъяйда пашмиансири? – хъарбаиб илини вахъхІила тянишлизиван гъалли уркІила бухІанабад дурабухъунсигъуна тІамаличил. – Асубира-ру?

«ХІу хІейгахъес вирау далайличил гъайрикІан» – гъандикиб илхІели Басирлис ца шягІирла назмула тугъи. Ил хъунул адам цархІилличил рулхъахъес раталрикІун сунела уркІи пІякъбирки.

– Жагаси бархІехъ саби, – Светлана дулай някъ бурцули иб Басирли, – къунздулхъехІегу гъачам.

Сен, се анцІбукъли илкъяйда ца хІерли ясируцес вирусира адам, секъяйда хІериубсири ил гъалав, Светлана чераайчи? Белики, гъаннара ил къаршихІе-рикибси риалри, сунес имцІали гІягІил биши: суненикІун ил хъумартес хІейрар.

Светлана Красноярскла мякълабси Озерное шилизирад раКІбсири. ХІябцІанну шура дус риубли хъалли, илалара акІубси аги. Къаякентла санаторийла чят гІягІти диъниличила аргъили раКІбсири.

ХІябцІали бархІи калун илди ишаб барх, цализибад ца декІархІебиркули.

– ХІу мурт ахтардиличи вякъунсири? – хъарбаиб ца бархІи Светланани.

– дила чарх ца гІяжаибси гьалаб хІебиубси хІяйчиб саби, барсбиубсигьуна саби.

Илкьайда ибсири Светланани санаторийлизирад аррукьес чумал бархІи лерай. Бахъ жявли арбашаргу адам талихІчевхІели замана! ДекІарбикес хІебирули, кІапІсабикили илди гІяхІцадхІи калун. Светлана рисулри, Басирли-ра нургъби хІилхІи дигІяндирулри.

Светлана аркуси поездличил варх-варх, гІур гІелавад Басир гІяхІцадхІи дуцІикІи. Муртлисалра ил сунечирад аркьниличи вирхаэс вирули ахІенри.

Басир итхІели, чилилра чехІейъна арякъи, лебсигьуна гІамаличил хьяшаван чІярикІи, ванзаличивад герикІи. Ге, разили хІеризэсти сабабти камлири илала гІямрулизир...

– Гьачам нушачи гІяхІлад вакІибхІели, дила виштІаси Байрамли Басирли-зи хьарбаибсири хІела дудешлагьуна тапанча лебу? – или.

«Агара» ибсири Басирли.

Басирлис къадин жаваб чарбатур ИсмегІис ГІябидли:

– Ил агархІели сари ишини чилра хІерургуси. ХІя-хІя-хІя!

Басирлис дунъя цІудар-цІяббиуб. Харчизурли михъирлизибад узила хІева буциб.

– ХІу-хІу, хІ-хІу чи сайрил буришав?! – Хъумартурлирив чили ила аахъ-ибсирил? ХІелагьуна хъалибарг лебличиб, хІелагьунти гІягІниахълуми чердахъили гьалаб саби!

Басирлис, сен сабрил, сунечи тиладиличил вакІибси ГІязизла куц бусягІят гьалаб лебсиван гьанаур. Юх, лерил челяркьути анцІбукълуми далули виаллира, хІейри гІурра илизирад юлдашлис дедес арц сасес. Илини кисализирад арц дурасиб, илдазирад чумал кагъар декІардариб, столличибси вавни кадирхъуси хъабала уди къуздариб ва, гІур дубхІехъили, ресторайзи-вад дуравхъун. Кабизесара илала уркІи гІурра узичи гьавикІес, гьайикІес? Гьими уркІиличиб бахъхІи бихІес вируси адам ахІен Басир. Гьайгъай, хъумурту ил децІагрира. БикІули бираргу, гьакІикІули хьалли някъличибад гІул чебхІебиркур или, зягІипси биалра, балкІунси биалра.

9.

Хъулиб нешра Басиррацун сабри гьанна хІербирути. ГІурилти хъалибаргла агьлу чула мераначиб сабри. Рухънараилри Аслиматра, амма дусмани илис чедаибти къяянтачи мешули зарал барили ахІенри.

– Вамсуррив, абала? Се тяхІяр биуба? Се барива Байрамлис.

– ВайтІа бетхІеур, аба. Ил ГІябидли вайтІа хІелта.

– Аллагълизи шукру, дила урши, Аллагълизи шукру.

Дуругличибад къикІаличи рургуси бакІарилизи рархили, Аслимат лехІкахъиб, амма рахъхІи лехІкахъили руэс хІериуб.

– ГІямархъа ГІяшура лерри къял зягІипли саби рикІули. ХІечи кІийна-хІяйна ракІили сари.

ГІушура – мурул вебкІибси камти гІямрула хъунул адам сарри. Илала халакабаибти дурхІяра рурсира лебри. Къял, гьайгъай, багъана саби. Аслиматлира ил балусигьуна сари.

– ХІу, дила урши, гьанна исбагъибагІив вашести дусмачив ахІенри, – сагадариб Аслиматли гъай, – илала дурабадра, хІунира балули ургуд хІечила шилизиб халкъ се бикІулил. Кариагу хІуни ГІяшура. Мурталра ну вирусирав

хЕла мякълар? Илини хІу хъатла катурсиван кІучІ-хІяршкайрули нана хІуливан ахІерли хІеркайрури. ДурхІни халакабаили саби. ХІед диргалахІебулхъан.

Басирлис цабехІ чула шилизибти хуриван цаличи ца гъямбикІути мурул-хъунул гъанбикиб. Бикърумира лебли, муруй хъуна чуйнал магъар бушибсири, амма хъунул, кам-гъамси секІалра бухили, шила къадизи илди «даргахъили» чаррири. Ил черрикахъес гІямал буунси муруй гъачам, бегІла гумайлизиб адамти цалабикибси замана, хъалкла бехІличи ацІили хІяйна тупанг къайкбарибсири.

– ХІерая, дила шанти. – тІамадариб илини мангъушливан. – Иш дила хъунул, ХІясайнила рурси Алтавла магъарла тІалакъуни сари ихди нуни игъубти!

Амма илала гІергъира хІейуб илини хъунул дугІаэс.

– Ва хЕла неш каруш! – викІули уили сай ил, кІелра някъли бекІ бурцули. – гІур секъяйда магъар дурасли черриркусири хІу набчирад!

Басирлис илдигъунти хъалица диубли гІягІнили ахІенри.

– Диургу, аба, – неш гымхІерукІесли, – иб Басирли, – вегІла уркІи кахІебизурти хъалица гІядатлис дарили се дирути? Балулра нуни гІямру ардукънира, халкъ се бикІулилра.

– ХІебаласгу, дила урши, хІуни гІяхІил балули ургуд.

Илди лехІкахъиб, лехІдешра ца тІагІямагарси декІси сабри.

– Гъуя! – тІамадариб хапли Аслиматли. – МехІур-секІал рирулрав гъари? Хъумургули хІилхІи калунра. Сегъуна сабил кагъар теб хІечи бакІибси.

Илини гЕла хъули рякъи гъаргІебарибси кагъар сабухиб. Басирли ил хъямбариб ва къалабали адрес чедибхъиб: Озерное, Любомирова Светлана. УркІи дура тяхІбухъес дигусиван къутІбикІесбииб. Разидешла ругер къаркъайчи чедиберхур. Басирли кагъар абхъиб. Кагъарла бухІнаб виштІаси авцибси разили пишряхъибси Светланала суратра лебри. ВахъхІи суратличира хІерикІули кали, Басир учІес вехІихъиб.

«АхІерси дила Василь, – лукІулри Светланани. – хІечи кагъар белкІишара хІебелкІишара или пикририкІули рахъхІи калунра. ХІебелкІес хІериубра. Иш суратлизирси риштІаси – хЕлара дилара рурси сари. Набзив виштІаси левни багъурхІели, муруй ряхІлизи бяхъили карикахъира. Се биру гІур, нуни иличи гІяйиб хІебарира: чиди муруй гъандурци илгъуна хІебарили? ГІур иличир руэс хІериубра ва, дучили гІялагъажара, аррякъунра дила бегІгачи. КІинайс леври вакІили бержили, висули, амма лерил гІямрулизир ну, набчибси гІяйибра балули, иличир хІерриэс хІеририра. Сецад иличи уркІецІидулхъули хъалли, чархІериубра.

ХІед баркалла. Дила гІямру хІуни вавалидяхъяхъири. РебкІайчи хІед рулгули кавлас. Хъулухъадли, вакІи, ну хІерли рирус. ХІекІадра талихІчевли виabi. ХЕла Светлана».

Басирли суратра кагъарра лерти някъби зубрачидяхІ ахъдуциб ва нешра уркІаили, лебил хъулразиб гІеб-гІебалгъахъули, лебсигъуна тІамали тІамадариб. Ил къаркъайзир дусмадли кадиръули учидикибти анцІкъи, шишимти, дардани дурадирхъуси ва талихІчевиубси адамла чІяр сабри.



**Хадижат
ХІЯБІБОВА**



ДИГАЙ – ГІЯЖАИБСИ ЦАКЪ

(Хъарахъуд)

БелчІуди, багъуди ахъбуцес техникумтира, училищебира, институтунира ибхъескабииб. Багъа чули лугули бучІахъулри. Чихъали? ГІябдуллатІипгъунти убасили, Хаинутингъунти. Хаинутиннис дунъя, гІямру, халкъ, мицІиржан ахІенри гІягІнити. Илдигъунти Хаинутинхъали ахІи хІебатес пикрири ванзаличбти итхІелла ванзала аллагъунала. Хаинутхъалани дунъяла ари буциб. Ил вайси биалра, гІяхІси биалра, илди балти, илдас кумекбикІи. Адамтицунра ахІи, тІабигІят балли агарбарес гІелумхІебилзути Хаинутинхъали чис гІягІнили ахъбуцибтирил иргъути камлири.

Хаинутин чи саял Атани бусягІят аргъиб. Къайыпбеглизи Ата се икІули хъалли, вирххІеур. Къайыпбегличил Хаинутин даршулири, гІяхІлири, гъар секІайчи къайгылизикилри. Къанни аргъиб Къайыпбегли Хаинутин чи саял. Председатель Къайыпбегличи вирххІеур. Гъанна председателличил Хаинутин гІяхІлири, гъар секІайчи къайгылизикилри. Ца Хаинутин виалри, селра ахІенри. Илди Хаинутинхъали бахъбаиб, хаслира гъанна, Совет хІукуматла замана. Гъарилли ил секІал иргъулри. Къайыпхъала бекІлибиубси такъсир – иргъни сабри. Ил багъандан сабри илди агарбарести тяхІуртагІиб умцІутира.

ГІябдуллатІип сен вакІибсил багъес НКВД-ла хІянчизарти абархиб. Илала гІяхІлачи балли бетаиб. Тавсултанхъайчи къараулкабииб. Ил иша вакІни чилилра мархІебариб. ВакІни лебтанилра балулри, амма ил чеибси аги. Ил чеибта ца гъай буциб, вягІдалахІебиубкъи. ГІярзбарибтани ил чинавалра чеили ахІенри. Ил левси мер бурес хІебиуб. Къиргъизистайзи балли бетаиб. ГІябдуллатІип 20 бархІицад кали, чарухъири.

Нешли ГІябдуллатІип чеили, гъала дуцІрухъи, иличи хъябруцрикиб. Нешла уркІили ил урхънази кагІяхъиб, НКВД-лизи уцахъиб, гъуйчив вебІахъиб, кавшахъиб. Илис детхІеурти балагъ-къадар кахІелахъун. ХІязлис ахІен дурхІягъунив валтухІели, нешла уркІиличил чармавхъаби, хъуна уркІиличил чарухъаби ируси. Дебали къияннири нешлис «мицІирси бекІаличи» хІерли кариэс. Урши чарулхъан ибси пикри нешла аги. 20 бархІи ардякъун, илала хІулбазирад чяхІдухъунти нургъбала хІеркІ бетари. Урши чеибхІели, нешла хІулбала шала чарбухъунсиванри. Нешли ГІябдуллатІип ватаэс рирули ахІенри, гъар биркІан ахтардидирулри. Марлира ара-сагъли саю? Нешли

гъанна разидешла биса ташаэс рирули ахенри. Патухлис лебилра масли-глатбиклури. Неш рисухели, Гябдуллатипра клантивиб. Шичи рякьи чарриубси Султанатра узичи ретухун. Дудешра Атара чарбухьи ахенри. Хъалибарг гъатира пашманвиуб Гябдуллатипли гъар-се секлал дурибхели, илала мурад бетхелурхели.

– Нушала мер-муса чедаира. Урки паргъатвиуб, – иб ахирлизиб Гябдуллатипли.

– Гъуя, дила пакъир! – нешли гурра Гябдуллатип кланлуциб, рисескарииб.

– Диур. Адамлис се-дигара къаршибиркуси саби. Ишабтира халкъ саби. Ишдира мер-муса сари. Ванза ца саби. Хиу гъабза сайри? Гъабза виадли, гъабзаван кайзи, – вявбариб илди Къайыпли, сецад сунесра къиянни сабли хъалли. Гябдуллатип чизилра селра икес вирули ахенри. Неш-дудеш де-бали барсвиублири. Илди бухнабаибтиван сабри. Сунела хъалибарг илцад шишимтази бикахъили, арукънилис пашманиуб. Илдала дяхлизи вархъли херикесра урузлури. Ахирра, бекра гяшбуцили, гяшси тамаличил, гяйиблавиубси хъяшаливан, иб:

– Чердерхирая набчирад. Гур илгъуна секлал кахелбикахъес къайгъибирис.

Гябдуллатипли кисализи някъ кабатур. Илхели гъандикиб сунени касибти Ватла гянжи. Илди мяхкамли явлухълизи дергурли кадухибтири. Дурасиб. Явлухъ арзиб. Хъатлизи кадихъили, дудешлизи гъадатур:

– Марият карукес вякъунхели, селра агарли чархелхъулра или, Ватла гянжи кадухира хушаб. Ма. Дудешли илди мяхкамли сасиб. Халаси гъигъ абатур. Илди чедаэс нешра гъамриуб. Селра хелбиклули, илдачи хъалибарг бахъли хербиклули калун. Чила сегъунти пикруми саррил чили бала? Гъарилла сурслизи биса ибкъдизур. Нургъби дурадикиб. Дурхъалири гъариллис вегла Ватла гянжи. Нешли лехдеш буун.

– Се гяхси баррил хуни илди кадухни. Наб чуйнаалра гъанбикиб: сен кахесирара гянжиалра или. Касес-деклар диубрав нушани? Къалабадешли гъар секлал хъумартахъур, – нешли, рисули, гянжи мяхкамли, дигиличил хахамдариб. Цархилтанира касес багъурли ахенри. Чянкли цудхърантани касилри. Гянжи чедалира урки паргъатвиури буили саби. Лебилра гянжиличи къячбикун. Мургъи диалри, илцад разихебири. Гъарилли хахамдариб.

Лебилра хъалибарглис агъи или ахъли бисес дигулри. Биалра, ил секлал чилилра хелбариб.

– Хиу дила лебтачивра духуси уилри, Гябдуллатип. Ишди касес хела уркиличи баклибу яра чили-биалра гелбурибу? – хъарбаиб уршилизи дудешли.

– Ватлайивад гъарахъикибси леврив, гъати, ну ахенси, дудеш? Нушала Ватла гянжи чедаибхели, дила уркилис биубси асар чебаадри хуни. Илхели илди набчил дарх касес уркиличи баклиб, – буриб Гябдуллатипли.

– Се гяхси баррил хуни! Хебиалли, хела архя дугла буили ахен, – нешли гъанхедуциб. Урши кланлуциб ва рисирииб. Илди биса Ватлайчи карцила биса сарри. Нешличи Султанат гъамриуб. Илди лебилра, ца къала бетауртиван гъамвиубли, бисескабиб. Къайыпра гянжиличи вахъли хел-

рикѹли тѹашизур, нургъби сарицун кѹантѹдохъун. Сунела нургъби чехѹеда-ахъес шурахъиб. Илди душкиб. Сай къадурта вячѹес гѹягѹнили ахѹен.

Сай хъа халал сай. Сунечи хѹерли саби лебилра хъалибарг. Сунени се-би-алра или, хъалибарг паргъатбарес гѹягѹнили саби. Амма илхѹели уркѹи дугъбазибад азадбиуб. Лезми вяшхѹебикѹанбиуб. Стакайзи гѹянжи какъур. Шкафлизи кадихъиб. Дуракавхъун. Патухлара дурути кадерхур.

Гѹябдуллатѹип кѹелра някъли кѹапѹуциб, байвариб. Гѹябдуллатѹип чарухъни багъурли, цархѹилтира башескабиб. Илни барибсилочи разиси чилра аги. Къанси замана дикайчи цабехѹи башули, цабехѹи арбашули калун. Хъалибарг къанни кабихъун. Кабихъи хъалли, бусаэс хѹебирулри. Ахирра, шалахѹедикили лерай, бурушлав ласикѹес вамсурси Гѹябдуллатѹип айзурли, дудешли убатурси анхълизи дуракавхъун. Хъа гъалабси къарлира вавнанира берхъибси сагализи рузира дуракарухъи, вавначи гѹяшриубли, гѹяшси тѹама-личил ручѹули чераиб:

**Сен жяв-жявли делхѹунрав?
Ватѹайзирад гъарахъли
Нушаван дардлизиррав?
Дила дигайла вавни,
Хѹуша сен дисулрая?
Марти дигай хѹехъили
Нуван дардлизир саррав?**

**Яра хѹушаб чегибти
Нушала дарданира?
Яра зубра дархъибти
Шарабла кѹунтѹри вара?
Гѹур дучѹути Гѹябдуллатѹипли хѹедакъиб.**

«Султанат набчир риштѹаси сарлихъалли, духуси руили сари. Ил мякъларти вавнази гъайрикѹули сари.

Ну биалли гъарахъти зубрачи, бацличи дугъаилзулра. Мехѹурдеш ахѹену, гъатѹи? Илди гъарахътани дила тѹамала бикъув? Дила дард иргъув? Нугъунти сецад леба илдачи дугъабилзути? Дила тѹамакѹун цархѹилтала тѹамрази гъудурбиубли, я бацличи я зубартачи хѹебиур. Мехѹур уилра ну.

Султанат децѹрикѹнила Гѹисабеглисра хабар агара. Ил азадси арцангъуна адам сай. Илала дигай хѹедургар. Диалри, сен вакѹес хѹейуба? Белики дигай кадурхули дургар, цархѹил кариалли. Хѹедиалри, сен лебилра халкъ набзи илкъяйда бикѹуливи? Набзи Ханбиканира бурибгу, даршлизивад цалара дигай ихъути ахѹен, или. Даршлизивад цалра дурхѹя хъайчи кахѹейили кахѹелун, я цалра рурси шери хѹярякъи кахѹелун. Хѹекъти гъай сари».

Узи багълали рузичи гъамиуб. Рузи аризур. Узичи хъябруцрикили, рисескарииб. Узира рузичил варх кѹантѹивиуб. Децѹаниван, нургъби дигѹяндирули ахѹенри. Илди сари-сарил чяхѹдикѹулри.

– Ну гъар бархѹи ишди вавначил гъайрикѹусира. Тамашали илди набчи лехѹихъур. Дила уркѹи адамтаниван ахѹи, илдани гѹяхѹили иргъусиван билзан наб. Хѹу илдачи цайналра лехѹахъибсирив, Гѹябдуллатѹип? Гъандиркуру нушала хъа гъаларти диштѹати вавни? Тамашала хѹерличил илди набчи хѹер-

дикИ. Илдачи дила бирхауди халаси бирар. Илдани ну чизилра урредхИелугара. ХИерикИен, гъари, ишди вавначи. Нургъбани кIаркIардикIули, сегъуна дигила хИерличил хИечи хИердикIулил. Итичи хИерикИен, сен хумарлил. Ит, ит, сен къугъали пишбяхъилил. Агъ, ишдани дурути дакъадлири, узи, хIуни? Ну вавначи рашухИели мирхъи сари или гъанмабиркахъида хIушаб. Нуни ишди супИдирути ахИен, мирхъиливан, амма ишдазибад гIяхИдеш нуни халал кайсулра. Вавначи хИеррикIули тIашризур.

Узини рузи гIурра кIапIруциб.

– Адам уили ахИенра ну, Султанат, – ахъли дурабикиб ГIябдуллатIипла.

– Сен илкъайда икIулри, узи? – иличи дяхИ-дыхИли ласряхъиб ил.

– Неш-дудешличи, хIушачи нуни халаси децI чебушира, пикрилра хИевхъи.

– ХИела мурад бетаурси биалри, нушала децI селра ахИенри.

– Дила мурад бетаахъес хИелтни нуни пикрилра хИебарира, Султанат.

– Чили сайри хIу хИелтуси? – балулри рузини, амма узизибад жаваб дигулри.

– ГIямрули, дунъяли, адамтани, – бахъал саби нушала къаршикарти.

Шала челис-че имцIабикIулри. Гъарахъли хIунтИендеш дакIудиуб. БерхИи гъачамлис гъарахълири, амма сунела духъяна чурми-нурани ванзакадли гIяйкаиб. ЦIябдеш убисули, датдихъиб. Дагъни цали ца «делхIунрав» дирескадииб. Арцантала тIамра алавла бицIахъиб. Вавни? Къар? Илди дисулри. Сен? Илдала нургъби берхИила нурана ушкулри. ГIябдуллатIип шаладешла шикъличи гъарахъси ВатIайзивра хИерикИи. Илис дебали дигахъусири шаладиркуси манзил. Гъала-гъала лехИдеш, бекIала лехИдеш. Камси замана архIябъкъи, лерилра мицIир жаннис сари лерни багъахъес дигусиван, тIама-гъама. Ил мицIирдеш берхИили алкIахъулив? Жагадешра илини сабив алкIахъуси? ИлхИели, тIашли гъар-се секIайчи лехИхъес дигахъулри. ЛихИ-базир зайдикIути макъамтани уркIилизи диги, гъира, цIакъ кертIули сари. Къяшми дашес хIядурли сари. Някъби дузес хIядурли сари. ЛихИби лехИхъули гъар дакъибти бекIлизи дархъиули сари. Жура-журала пикруми алкIахъули сари.

– Се саби, гъатИи, иш дунъяличи наб камси? Се саби наб хИебиуси? Зак. БерхИи. Баз. Ванза. Неш. Дудеш. Узи. Рузи. ГIур се гIягИниси? Арадеш! Илра, шукру биаб Аллагълизи, дила баари леб. Ишар камси ца Марият сари. Илцад дахъал наб гIягИнити лерли, ца Марият хИериалли, лерилра чехИеди-анвиэс гIягИнилив? Ну дебали хатIаикира, рузи, – иб ГIябдуллатIипли гIурра ахъли.

– Ил хИела хатIа ахИенгу, ГIябдуллатIип. Ил хИела цIакъ саби. Ил хИела аргъес къиянси, чилилра чехИебиуси, гIячихъли ахИенси, дигIянси, ашкарси, тамашала, дигаила цIакъ саби. Дила хИелагъуна цIакъ агара, – рузила гъайли ГIябдуллатIип тамашаахъуб. Иличил жалухъун.

– Ну тамашаирулра хИела цIакъличи. Наб хIу гIибратли ралли ретаурлири. Дила цIакъ ахИен къалли ил. УрцIадеш саби. Ну цIакъагар адам уилра. Дигаи цIакътили чедаира нуни. ГIяхИли пикриухъалли, илди цIакъти ахИен. Дигаи багъандан ну иша вакIира икIухИели, Ханбикачира сегъуналра асар хИебиуб. Дигаи багъандан вакIира ну иша, ира Тавсултайзира. Илинира илцад пикри бяхИчихИеиб. Жайчивад чевкерхурли, ну вакIнилис наб гъайбикIулри, бургъ-улри. Нушани ишдус хъалладиэс вягIда барира ибхИели, «гъа, вягIда биалли,

хайрибирар», бикІутири илди. Чебиулрив, дигайличиб вягІда ахъли буили? Дигай селра дуили ахІен. ДугІли уилра ну илди багъандан децІикІуси. Эгер Писабегли хІечил вягІда барибси виалри, илра иша дуцІулхъи. ХІушала ур-габ вягІда буили ахІен. Дигай лерли хъалли, илди селра ахІен, вягІда хІеби-алли. Чебиулрив, рузи, секъяйда бетарулил? – ГІябдуллатІип тІашванизур. КІентІличи кІентІ кабихъили, бекІра цашайчи буцили, рузичи хІерикІескай-иб. Рузини селра хІеиб. Илала гъайли мурхъли пикрирухъахъун. Илдигъун-ти гъай бегІ гъалар сарри дикъути. Тамашалара сарри илди. Дархътира сар-ри илди. КІелра бахъхІи лехІкахъиб. Илдала пикрумира лехІкахъиб. Чучил, бара гъалар гъайдикІули лерти, алавчарти вавнира лехІкахъиб.

Узи-рузи дурарухъунси нешли тІашли чебаиб.

– Аргъ бугІярли биъни хабарбирули хІедургудая хІушани? Савли жявли вавни «делхІунрав?» дарес дурадухъунти дургудая, – нешли шилизирхІелил Султанатла, шала шикъхІедухъи лералли, дуракарухъи, вавнази гъайрикІуси хасият лебни балулри. Лебилра хъалибаргра жявли абилзес бурсибиубтири. ГІябдуллатІип имцІали дилшутти зубаргачи хІерикІи. Цаван хІебууси Бац-личила пикриикІи. Илдази ахъли гъайикІи. Сунес илдани цайналра жаваб хІегилихъалли, суаликІи. Суаллис цацахІели жаваб лугусира сай сайри.

ИшбархІира чула гъар бархІила хІянчурбази ахъиб.

Заманаличиб хІянчиличи дуракабухъун. ДурхІяра някъла уцили, Ата неш-дудешхъайчи ваши. СалихІли гъанна ирутира иргъулри. Сайцун ай-зурли, сунес гІягІниси мерличи вашра вашулри. Илала гъайличи, шикъличи хъалибарг дукаркІулри, разилири. ВиштІаси СалихІли хъалибаргла бухІнаб лебси халаси дард цашалбарес виуб. Илизи абархили, гъар се-секІал хъу-муртулри. Сайра разили гъарилличи ваши. Илди дукаркІахъести шикъ дехІдирхъулри. КІунтІбира журугдарили къянкъубазивад сунтІикІескайри. ХІулби дири. Гъалабси тІул ахъбуцили, урухбиритиван, гъакІбири.

Хала дудешла къяшмачи тІашхІейзурли, бекІличи ацІес къайгънавиркъи. ЛихІби зуздири, къянкъ бурци. Хала нешли илис гъаман «сантукъай» бучІи. Къакъла гІела тІашватурли, някъби хъуцІрумачидяхІ гъакадатахъурли, суне-ла някъба гІелавад уцили, гъаннара илис сантукъай бехІбихъиб:

**Сантукъай , сантукъай,
Сарган бецІли бецІ букъав.
БерцІив хъярагу укъав,
БерцІибил атгай цакъав,
Бухъуци убай цакъав.
БерцІибил хала атгай,
Бухъуци хала убай.
ГІяхІагурил* риция,
ГІяхІагурил уция.
Пушнукъганил* СалихІжи,
Сантукъай*, Сантукъай.**

Уршила някъби хъуцІрумачирад сурдатахъурли сунени дурци, кариили гІяш-ахърирули, чуйнаалра илди дучІи. ВакІили СалихІ илала къакъличи суркалхъи. Дурар тІама-гъама. Ца къутІ ва ахъти гунзрала тІама. Лебилра

лехІкахъиб, бархъбиуб. Ата харчизур. Къяш кацІес валкъхІеурли левли, военный палтарли балкъаурти 4-5 адам абацІиб.

– Чинава хІушала ГІябдуллатІип бикІуси урши?

– ХІянчиличив сай.

Илди хІянчиличи бякъун. Бригадирли ГІябдуллатІип чи саял чеахъиб. ГІябдуллатІип цархІилти дурхІначил узули чеили, чарбухъун. Неш-дудеш дебали урухъбиуб, ил туснакъиру или. Ил селра хІеили ватур. Базцад ил хІянчиличив аги. ИлхІели зяГІипли сай или багъахъурсири. Бригадирли-ра гъайхІеиб, сенкІун илдала хъалибарг дебали хІянчиличи чекабизуртири.

Военныйти кІинайсра Къайыпхъайчи абацІиб. – Базцад хІушала урши хъулив аги. Чинав сайрил бурая?

– Ил хъулив сайри.

– ЗяГІипли кайхъи леври, – гъалайкиб Ата.

– ЗяГІиплири, – иб нешлира.

– Сай чинава? – къяркъли хъарбаиб НКВД-ла хІянчизарли.

– Дуракавхъун.

АхтардибирехІе, – авалра дуракабухъун. Атара дуракавхъун. Камси замана архІябкъи, ГІябдуллатІип вакІиб.

– ХІед гІергъи башескабииб. Чебиулрив? – гІясилири дудеш.

– Чи саби наб гІергъи башути? – ряхІятли иб ГІябдуллатІипли.

– Чи бирара? НКВД-хъали.

– БакІаб, гъатІи. Нуни чисалра барибси зарал лебу?

– Нушани лебтанилра халаси зарал барили, иша дагъардиубти дургехІе, – дудеш гІясилири, – барибси зарал биалри, ишцад хІейгули ихъусира ахІенри. ХІура гъанна туснакъирури. Се гъунар барили, туснакълизи аркъусири?

– Се икІулри, гъари, хІу, дудеш? – Сен ну туснакъирусирив? – дудешла гъайлици урши тамашаиублири. Къайыпбеглира Атанира чула лертигъунти мургъи-арцра касили, цархІилтазирадра сасили, ГІябдуллатІип паргъатли ватахъес дедиб.

– Илдани хІези хъарбаалли, ГІябдуллатІип, хІуни зяГІипли хъулив кайхъи калунра а, – иб Патухли уршилизи.

– Сен? – хъарбаиб ГІябдуллатІипли.

– СенкІун хІу аркури илдани, – нешла тІама ахъбиуб.

– Нушани бригадирлизира хІу агархІели, зяГІипли сай ибсири. Лебталалра гъай цабиахъес, хІунира нуша гІердудес гІягІнили саби, – иб Султанатлира.

ИлхІели Атара ухІнаухъун.

– Чебиулрив, ГІябдуллатІип, гъандикибта иркъалли, ил саби бетаруси, – вехІизур Ата узичи.

– Се саби, гъатІи, бетаруси? Набчи лерилра чедухъес, се саби нуни барибси? – тамашаиуб ГІябдуллатІип, сунечи урехила хІулбачил хІербикІуси хъалибаргличи.

– Арбякъи чархІебиалли, селра бетхІерар. Амма гІурра чарбиалли?

Ата ГІябдуллатІипла жавабличи хІерлири.

ГІе, замунти илдигъунтири. Сай икІуливан, ГІябдуллатІипли барибси селра вайси аги, амма ил ветихъниличи уркІби шакдикІули, дягІла къутІла бакъалра харчбилзули, хъалибарглизи урехидикиб. ГІур илдаци чилра хІекІиб.

– Нушала итаб биалри, бусягІят ГІябдуллатІип туснакЪири, – иб КЪайыпли. – ишдани ГІябдуллатІип ватур.

НКВД-ла чичилра уркІеЦІихІедулхъни балулри лебилра хъалибаргли. Чинабти биалра, илди цагъунтири. ГІябдуллатІиплисцун ахІи, лебилра хъалибарглисра дигІянали гІергъикабикилри. Илдачил варх узули, илдала хъулира вашули, илдала гІяхІси узи-урши виубли леври НКВД-ла адам. Гъар абатурси гъигълис валли къараулкаяхъилри. Чиллра ил хІегъур, чилра ил-дазивад шакра хІейкиб.

Дус гІурра аркъулри.

Къанси дуги дурабад къутІ-къутІикІусила гІамааур. Лебилра урухбиубли, харчбизур. Илдала уркІиличи НКВД-ла хІянчизарти бакІиб.

– Нуша илдани паргъатли хІедалтара, – иб гІяшли Патухли.

Къайыпбег айзурли, чирагъра някълизи касили, унзаличивяхІ аркъун.

– Чи сайри? – иб ахъли Къайыпли.

– Ну сайра. Закирла СултІан сайра, – къумукъ мезла бакъиб Къайыпли.

Унза абхъиб ва илди абацІахъес гъуни бедиб.

– АдацІарая, адацІарая, – или разили пишяхъиб.

КІелра узи хъули бухІнабухъун. Лебилра илдачи разибиуб. Разибиънила сабабра илди чула тухумти биъни сабри. Илдира чучил гъалаб кулакбарибтири. Къазакъистайзибад дакІибтира ибхІели, уркІбухъун.

– Чумал бархІи гъуйчирра. Мегъла гъуйчи бархІехъ дакІира. Нуша иша датдихъибхІели, шалали лебалри. ХІушала мер-муса даргес хІедидури, халаси къиян чебаира. Бархъли бурасли, хІуша инжитдирути ахІенри, эгер дураб бугІярли хІебиалри.

– Неш-дудешхъали севан сабив? Арадеш? ГІурра хъарбаэсти?

– Вайли ахІен. ГІяхІлира аралира саби. ХІушачиб се тяхІяр леба? Сен саррая? ХІуша ишар лерни багъурли, дудешли дархъибтира, ихтиярра сасили, – виштІаси узи, сегъуналра гъай хІеили, лехІлири. Патухли буруш-гІянала хІядурдариб ва кабиыхъахъес итил хъули букиб.

– Къанси замана баили саби, хІушара дамсурлира, жягІял дурехІе хІедурили калунти или, Къайыпли гъай гІашаиб.

ГІергъила бархІи саби се мурадли бакІибтил буриб.

– Нушала иш узи Зайнутдиннис хІушала Султанат, шилизиб бирухІелил, гІяхІрилзусири, – иб Султай. Дудешлира ил секІал къабулбариб, рахли хІуша се дикІудал, багъес дакІибтира.

– Агъ, хІушала хъали гІяхІбиъ! – ишцад гъарахъли хІедакІадалри, – иб Къайыпли.

– Рурсилара пикри багъес гІягІниси саби, нуни ил хъарриис. Жаваб гІур лугехІе, – ибсири нешлира.

Султанат хъарраибхІели, илини ибсири:

– Неш, нуни хІези ирагу. ХІуша разидикибси адамлис ну аркъяс. ХІушаб дигуси барая.

Къайыпхъали дебали разилири, Патухла Закир къариган хІейалра, чула шан виъни багъандан. Мурт-биалра чула мер-мусаличи чарбухъунхІели, илдас къулайли бирар, ибси пикрили, разибикиб.

БакІибти гъатІира разибиуб, чула къуллукъ бетаурхІели.

– Гъанна нушани кабухибси ца тІулекацун саби. Разилил ахІенал хІебалу-

ли, ташмишли сарри. СекІалра кадухили, сарира аррукес ляркьяхе. ХІушанира хІядурдеш барая или, дурхІни арбякьун.

ГІябдуллатІиплис сунела Мариятра, Султанатван гъайхеили, шери аркьули гъанаур. Гулжанатли бурни хІясибли, Мариятра гъанна цархІиллис ураркьили сари. Мар сабира ил?

Рузини бурибси къянали сари сецад децІлизириркулил аргъибси риалри, ил хІебури.

Узи верцахъесригу рузинира гъар секІал пикридарибти, илини гІурра се-биалра биру или урухли. Сунени илди декІарбарибтиван, рузис декІлири.

Марият Султанат ахІенгу, илцад кункли цархІиллис разирикес, – бикІулри ГІябдуллатІипла ца уркІи. Агъ, дагъалри ГІябдуллатІипли Султанатла уркІи-личирти.

ЦархІиллис разирикес, цархІиллис шери рукъес, илисра къулайли ахІенри. ДецІлизибти неш-дудешхъали сунечилара пикрихІебикІахъес, сари сунела мерличи, илди бикІуливан, кариахъес дигнили, разирикибсири ил.

– Белики, хъунул адамтала мурул адамталаван цакъти дигай хІедургар. Лебилра дунъя сунела дигайлизи ахъибсиванри ГІябдуллатІиплис.

Дус арбякьунхІели, гъаркья или Султанатлис гІурра чІянкІи бедилри. ГІябдуллатІиплис хъули укьяхъес ихтияр бедес гІягІнисири, амма НКВД-ли ил гІашаахъиб. ЦархІилти гъабкьябас ихтияр бедили, хъули букьяхъун. Илгъуна ихтияр Атасра бедиб. Атани отказбариб. Унра шилизиви Ильяс аркьухІели, лебтанилра саламти дархъиб. ЦацабехІтани кагъурти делкІи дархъиб. ГІябдуллатІипли Мариятличи кагъар хІебелкІун, сенкІун ташмишикІулри. Рахли ил урхІла риалли, жагали ахІен или. Ильясличи арякьун. Илини тиладибариб Марият шери рякьил-ахІенал багъахъес ва илизи саламти дурахъес. Патухли ва Султанатли Гулжанатличи кагъурти дархъиб. Илкьяйда, Мажалислизибад гъарахътанира саламтира кагъуртира дархъиб. Ильяс арякьун. Мажалислизи ваили, хъар-хъарикІули, Гулжанат раргиб. Гулжанатлизи кагъурти дедиб. Мариятличила хъарбаиб. Гулжанатли гІяхІял хъули живариб.

– Юх, ну вакІес замана агара, Марият набзи чераахъая. Гулжанатра Ильясра Мариятхъайчи бякьун.

– ГІяхІял къалабаси сай. Нушанира хъули ацІахъес хІедиубра, дурарухъен, илала хІези буруси леб, – иб Гулжанатли.

Марият дурарухъун. Илис гІергъи – Асиятра.

– Нуни хІед ГІябдуллатІипла дуцІарти саламти кадухира, – вехІихъиб Ильяс.

– Се ирив хІуни? Чила саламти? ГІяхІял сейкІулил гъала-гъала Мариятли хІергъиб. Аргъили хъалли, илди гъайличи хІерли ахІенри ил, бара черсаргъибсилочи мешулири.

– ХІу чинавсири? Чи сайри?

– Ну Къиргъистайзивад вакІибсира Къайыпхъала мякълав хІериусира. ГІябдуллатІипли бахъ тиладибарибгу, хІу чераили саламти дурахъес. Илбагъандан вакІибсира.

– Сай сен хІекІиба? Бура ну сунечи даршал дус дикалра, хІерли сари или. Баркалла хІед. Баркалла хІед саламти кадухнилисра. Дилара духа. Илис нуни кагъарра лукІас. АркьухІели, багъахъа.

– Иш шилизи гІур вакІес бетаалли, хІечи лявкъяс, – иб Ильясли.

Гулжанатли лерилра дакъиб. Сунени дурибти къунби ашкардирар или урух ралли риуб, сунечи Марият хІерли риъни багъалли, ГІябдуллатІип гІурра лявкъян, гъалав къяйда гъавухъи. Гъалав верциб. БахъхІи НКВД-ла

хІянчизарти илис умцІули калун. Селра хІебагъурли, паргъатбиуб. Гъанна вакІалли, бусягІят урцу, туснакъиру. Рузи мар-марли урухриуб. Ильяс гуж-лира сунела хъули укиб. Сунела неш-дудешхъали гІяхІливан хъарра баиб. Тиладибариб ГІябдуллатИиплизи Марият шери рякъи сари ахъес.

– ВирхІейрус нуни къяна бурес, – иб Ильясли. Мариятла кагъар сахІесес иша чархІевхъес вирус. Амма илгъуна эс хІейрус, – иб Ильясли.

Гулжанатли илис дуббатра кабухиб. Кагъарра белкІун ва илизи бедиб. Ильяс арякъун. Марият, Ильяс аркъухІели, гъаввикІур или, кагъарра хІядур-барили калун, амма Ильяс илдачи гъавхІекІили, чарухъун.

ГІябдуллатИипли чарухъунси Ильяслизи бегІ гъалаб Мариятличила хъар-баиб:

– Гъу, се рикІив Марият? Ил шери рякъи ахІенрив?

– Шери рякъи ахІенри. ХІечи саламтира дархъиб. Рузила кагъар белчІен, илар дургар лерилра чедетаахъили, – гъай дахъХІедариб Ильясли.

Ильяслис адаббизур, даршал дус дикалтира, ну сунечи хІерли руус рикІуси рурси шери рякъун эс, сецад Гулжанатли тиладибарили риалра. Гулжанатли суненира кагъарлизиб шери рякъун или бурес хІериуб, рахли Ильясли хІярякъи риалли, сунела къяна бетарар или. Сен узила дяхІлизи хІеррикІусира или урухли.

Гулжанатли белкІири, Марият цархІиллис ураркъили сари ва гъамли шери аркъуси сари или.

– Къяна саби Гулжанатли буруси, неш, Марият чисалра шери хІякъян. Ил гІурра Ильясхъайчи арякъун.

Ильяс варгили, суал-суравти дахъдариб:

– ХІуни бакъирив Марият цархІиллис шери аркъули сари ибси хабар. – ГІябдуллатИипла хІулби мехІурлаван сарри.

– Иличила хІела рузини буриб. ГІур цархІил чизибадалра хІебакъира, – иб Ильясли, – нуни цархІилтази иличила хъархІебаира. Саламтира дархъиб хІед. Ну хІушала шилизив вахъхІи тІашхІейзурра.

– Ильяс, Марият чисалра шери хІякъян, – ГІябдуллатИип Ильясличи вякъизур. Ильяс иличи тамашали хІеризур. ГІябдуллатИипла уркІиличиб цархІил секІал аги, я бакІахъес вирули ахІенри. ГІябдуллатИипра гІевурцу-ли, Ильясли иб:

– Шери хІярукъялли, гІяхІси саби. Сарира аркъусиван гъайрикІули ахІен-ри.

– Нуни балулра Мариятличила хІушани набзи дархъли дурули ахІенрая. ГІурра се рикІив ил?

– Даршал дус ардукъялра, хІечи хІерли руус рикІи, – бархъли буриб Ильясли.

– Чебиулрив, чебиулрив, Ильяс? Ну Гулжанатли дурутачи вирхули ахІен-ри. Баркалла хІед, Ильяс, бархъли бурнилис.

ГІябдуллатИип, конфет бедибси хъяшаван, разииуб. Илис сунела мурад бетаурсиван бизур. Ильяслизи гІурра хъарбаиб:

– Марли илкъяйда рикІив, Ильяс?

– РикІи. Саламтира дархъиб. Ну хІушала шилизи чархІевхъи, вархъли вакІира, кагъарра бурхъис рикІусири.

– Агъ, Ильяс, ил секІал, гъатИи барибси виадри хІуни!

– Нуни илис кагъар белкІунра, гІур гъяраира, рахли чис-биалра шери ря-къи рургар или. УрхІла ретаурли риалли, гІяйибла хІянчи хІебирулра или.

Илди бахъхІи гъайкабикІули кали, ГІябдуллатИип чарухъун.

Хъули чарухъунхІели, Гулжанатла кагъар гІурра белчІун.

– Неш, Гулжанат къунби дуран мурт ретаурсив? – иб тIашванизурли ГIябдуллатIипли.

– Къунби дуран? Сен икIулри, дила урши? – Патухли суаллис суал каба-тур.

– Марият шери аркъули сари или лукIули сари, амма Марият набчи хIер-ли сари. Ил чисалра шери хIякъян.

– Урши, аргъа хIуни. Паргъатиэс замана баили саби. ХIу ишав кайили, итарси ит шери хIякъяхъулрив? Тамаша ахIену?

– ХIунира дила уркIи иргъули ахIенри, неш.

Гулжанатли делкIунти илини чуйналра тикрардариб. Сенхъали дахъдиуб. Рузини се дигули набзи къяна бурусив? Ну ита вякъунхIелира, рузини ну виргIякаргира. Нуни бедибси тIулека чарбарили чебаахъиб. Ил Гулжанат-ли сасибара, ну виргIякаргес? Сен рузи илдани риркъуси? Сен дила уркIи хIергъули илдани? Тамашала адамти саби. Гужлира нушала дигай мурад-личи хIедиахъу ишдани. Илдигъунти пикрумира сайра, ГIябдуллатIип чина аркъусил хIебалули, ватихылри. ГIяхIцад гъуни ахъили, гIур шакикиб сай чиналра аркъуси хIейъниличи. Ил чариуб. ИлхIели хъалибарг лебилра чар-бухъири. ГIябдуллатIип хумарли хъули ухIнаухънили, лебтасалра хумардеш бутIибсиван биуб. Неш-дудеш саби гIяйиблабиубтиван сабри илала гъалаб. Амма чичиб се гIяйиб лебал иргъули ахIенри. Саби лябкъухIели, ГIябдул-латIиплизи чуйналра ибсири:

– Магъарра дихъили, нушачил рарх аркехIе, – или. Чи сая, гъатIи, гIяй-ибла вегI? Сай разихIейкиб. РазихIейкиб, Мариятлис къиянхIедухъахъес. КъиянхIедулхъахъулра или, дебали къияндухъахъун. Илгъуна къияндеш бе-тарни багъурси виалри, магъарра дихъахъили, чучил рарх лерки.

Нешли пикруми къябаиб:

– Къайып, гIур Дагъистайзи бархъиутала лугIилизи ГIябдуллатIипра кайкахъес музаухъен. Гъайличи разихIебикалли, арц бедили, ил секIал бара хIуни. Нешлис ГIябдуллатIип язихъилзулри, ва Марият карукахъес вархъес дигулиахъиб.

– Ил барес гIягIнили саби, – разиикиб Къайыпбег. Магъарра дихъахъа Мирзакъадизи. Арц лугас. Гъанна нушала илди лер. ЦIикурлис палтарра ар-хид, хIура аркъяд, Марият кариэс. Разилирив?

ГIябдуллатIипра разииуб. Неш-дудешла гъайли лебилра разибариб.

ГIергъила бархIи Къайыпбег председательличи ацIиб. Председательли илала халаси хIурмат бирусири. Лебилра хъалибаргра хIурматчеблири. Гъа-риллис хIурмат сархес имканхIебикIур, эгер чузир адамдеш хIедиалли. Ил хъалибаргла гъарил адамличи диги ухулри.

Къияндешуназибад гIелумхIебилзути, бузерилизиб дебшлабиубти, лаг-катругуни, къячIикIунира, къавкъавтира дирхалачебли ихъес бажар-дибиркути адамтани бусягIят чула хIурмат сархиб. ХIурмат сархес илцун ахIенри гIягIниси. Гъарил мерличи илди, хIебла гъегъван ванали, дуцIрум цIуэриван бигесли, гIебшнила цIедешван балбикили, янила цIубдешван умули калун. Халкъла хIурмат чулира бирулри. Председательлис ахIи, илди лебтасалра дигахъулри. Гъанна бегI гъалав сай Къайыпбег сунес гIягIниси секIайчил дугъаизурси, Къайыпбегли сай вакIнила мурад буриб. Председа-тельли балулри ГIябдуллатIиплис НКВД-ла къадагъа лебни, биалра, Къай-ыпла тилади бетаахъес къайгъибирис или жаваб бедиб.

– Иш базличиб бархъиутала сияхI барили леб, гIур базлизи кабурхахъис ГIябдуллатIипла у. Ил секIал бетаахъес къайгъибирис, – тикрарбариб гIурра председатели.

Къайыпбег разили хъули чарухъун. Илини хъалибаргга разибахъуб. ГЯбдуллатИплис биалли замана зузбитГун. Дагъистайзи, чула мер-мусаличи гъамли аркъути, унра шимазибад биалра, цали ца балулири ва чула тухумтас кагъурти дурхъулри. ГПурра Хайдакълизи аркъути багъурли, ГЯбдуллатИп илдачи гъаввакИб. Мариятлизи бедахъес кагъарра бархъаиб. ГЯлисултИан, гъайгъай, Мажалислизи вякъун. Гулжанатхъайчира ацИб. Мариятлизира, бедахъес Гулжанатличиб кагъар батур. Хъар-хъарбикГутас жавабтира дедиб, сайра арякъун. Рузила урехи лебри ГЯбдуллатИп гъавухъи гПурра лявкъян ва туснакъиру или. Ил багъандан илини Мариятлизи кагъар хЕбедеиб. Я вакИбсиличила гъайхЕиб. Сунени кагъурти делкГун, амма Мариятличила селра хЕбелкГун. ГЯлисултИан илдачи, чарухъи аркъухЕлира, ацИб. Дергурли Гулжанатли кагъурти дедиб. Саламтира дуриб. Ил арякъун. ВаибХЕли, Къайыпхъайчи ацИб. ВахъИи гъайикГули калун. Хайдакъличила, Дагъистайчила гъай даимдариб. Сунени чедаибтачила, дакъибтачила бурулри:

– Халкъ разилири. Гъар бархЕехъ дяхъили дам-дяд жагъилти булхъулри. Комсомлецуни бетаурлири уршби, рурсби.

ГЯбдуллатИп хЕрлири Мариятличила се бурул. ГЯлисултИай селра хЕбуриб. Хъарбаэсра пурсат лугули аХенри ит бурули, иш бурули.

Ахирра ГЯбдуллатИп сабурлизивад ухъун ва хъарбаиб:

– Мариятлизи дила кагъар хЕбедеирив хГуни?

– Бедира. Лерилра кагъурти дедира. Жавабтира кадухира, – иб сунечиб сегъуналра гЯйиб агарси ГЯлисултай.

– Сен Мариятличибад кагъар агарсив, гъатИи? – гъандуцес хЕйуб ГЯбдуллатИпли.

– ХЕбалас. Лерилра набзи гибти кагъурти кадухира нуни, – сунени такъсир хЕбарни марбируси тАмаличил гъайикГулри ГЯлисултИан.

– Белики, хЕбелкИи рургар Мариятли хЕд кагъар. Халараибси рурси сецадХи руусив, гъатИи, шери хЯрякъи? Белики... – дудешла гъай нешли къябаиб ва урши гЕвурцули, гъайрухъун:

– Илди цаличи ца хЕрли бекИайчи буути саби. МажахЯт Марият царХиллис шери рякъи рургар.

– Гулжанатлира белкИи аХен Мариятличила. Гъар кагъарлизи иличила лукГуси, иш кагъарлизи белкИи аХен, – иб Султанатли.

– Сунени лукГути къунби пуждиъни аргъили рургар, – гЯсили иб ГЯбдуллатИпли, – нуни балас Мариятли сен кагъар хЕбелкГунсил. Гулжанатли иличи дила кагъар баахъили аХен.

– ХЕд гъанбиркулив, хГуша хъалладиубли нушаб хЕйгули или? – урга-рухъун Султанат.

– ГПур сен Мариятличибад кагъар агарсив? – ГЯбдуллатИпла тАма балли барсбиуб.

– Сабурбара, дила урши. ГПур баз, белики, хЕдра укъес къадарбирар. Нуни белкИахъунра, ГЯбдуллатИп, хЕла у. ГПур базлизиб ярга хЕла саби, ирагу хЕзи. Сабурбара, – иб дудешлира.

Амма ГЯбдуллатИпли балули аХенри, сен-сен сабур бирусил. Агъ, духъяндиуб къалли илис бурхИни-дугурби. Агъ, къияндиуб къалли илис бурхИни-дугурби. Агъ, декИдиуб къалли илис бурхИни-дугурби.

Шукру биаб Аллагълизи.

(Хъарахъуд бирар)

Журналистла Белгани

Патимат ВЯХИДОВА



САБУРБИРЕС ХЪУММАРТИД

*Нажасли хЕла уркИ
Бамкъахъурти бурхИназив,
Дила уриши, вари хЛу
Сабурлизивад малхъад,
Низами*

Нушани мурталра селичи-биаллира умутбирхъули дирехЕ. Илини нуша дяхИчиура, гъала тIашбизурси мурад сархахъес икъалабиру, нушази, бикЛу-ливан, дуклуми тIинтIдирахъу, нушала рухI дебадирахъу. Амма умутличил барх мякълаб сабурра биэс гIягIниси саби.

Къисматла хIялумцIухIелицун ахIенра нуша умутличи хIяжатдиркути. Ил агарли кацIибси гъарил ганз мягIниагарсили бетарар: нушани хъалибаргличил барх сегъуна-биалра баркъудилизи ахъес къасбарили диахIелли – хъулдикЛули дирехЕ къяшмачи тIашдизес, нушара нушала дурхИнира гIямрулизиб гIердуцес бажардидиркниличи хъулдикIехЕ. Нуша гъамти адамтачи аркъули дирехЕ, илди ара-сагъли ва гIяхIси хIяйзиб баргес хъулдикЛули. Яра нушала арадеш мяхIкамбирули дирехЕ: савли зарядка дирули дирехЕ, бизиси хурег букули дирехЕ яра мураббаличил чайла бужули дирехЕ... гъунарагарти ухънадеш гъарахъдарес дигули. Нушазиб сабур агара биалли, нушани бируси бетарар или хъулдикIни дугIла саби.

Дила унраличив хIерируси адамли сунела дурхIялис бегIта сахаватси мекъ бариб. Ил сунес ригуси рурсиличи сайри хъайчикатурси. Уржили хIербирулри, дурхIяла бегIтира бурес агарли разили сабри жагъилти талихI-чебли биъниличи. Ца дусла гIергъи илдала хъалибарглизив виштIаси акIуб. Лебталалра разидешлис ахир аги. Нуша унрубани булан жагъил бегIти уркИ-уркИлабад мубаракбарира. Мубаракбарира хала нешра хала дудешра. ДурхIя халакайулри. Сецадрил замана арбякъун ва нушани хабар аргъира, дурхIяла дудеш хъалибаргличивад арбякъун или. Ил дурхIя акIубхIели дудеш гъатIира разивиеэс ва ил къайгъили алавуцес гIягIнисири. Дудеш уршиличивад гъарахъиркулри ва хъулив камли вирес къайгъилизиври. Илис сунела хъунул гъалар дебали ригахъусири, имцIали илала мякълав вирусири. ВиштIал висивилра, ил къакъаикIусири ва паргъатагарвирусири.

Гъачамра, гъимрукИли, хъунуй ил хъуливад гъавяхъиб. Мура бегИти уршила хъуна илгъуна баркъудиличи дебали гъимбукИиб, иличи гІяйиббариб. ИлхІейс уршила рурси дусра байхълара риублири... Хъунуйчи гъимукИибси мурул цархІилличи хъайчикайиб. Камси заманала гІергъи, илис гІурра дурхІя акІуб.

Секъяйдали тамашариубал илала цаибил хъунул, сунела гъалавла мурул акІубси виштІалла къайгъилизиикили чеибхІели, илгъуна дудешличи виштІал хъуликІесцун вири. Аги-къяйда сен илдигъунти детауртил цаибил хъунуйзи унраличир хІеррикуси гІякълукар хъунул адамли жагали аргъахъиб.

– ХІуни, дила рурси, сабурбаресцун ахІенну, хІед вигуси муруйчи рирхесра гІягІнисири. Ил варсирниличи хъулрикІесра гІягІнисири. ХІушакІун цалис ца дебали дигули хълладидубтири, илини хІед халаси къуллукъ бирули вири, хІела хІурматбири, рурси гъаман арурцули вири, иличил варх парклизив къунзикІули чейира. ИликІун виштІал висикайилира дигуси ахІенри. Белики, ил дебали секІал уркІиличи гъамли къабулбирутазиवाद вииши? ХІуни халаси хатІа барри, дила рурси. ХІуни иличила хъубеш нешлизи бурес гІягІнисири, илини хІела уркІи иргъи, хІушала виштІал заманалис сунечи арукес рири. Чили саби балуси, белики, илини виштІалличил секъяйда вяшикІалли къулайсил балули хІейиши... Илала кІиибил хъунул дебали духусили, сабурчерсили уррухъун...

* * *

Хъалибарглизиб хъунул адамла халаси къадри лебси саби. АкІубси виштІалла цаибил чІярличибад бехІбихъили, лерилра гІямрулизир нушала мякълар хъунул адамла някъбира, хІулбира, илини дакІубируси къайгъира сари.

Нушазивад гъарилла гІямрулизир хІябал хъунул адамла уркІби тимхъдикІули сари – нешла уркІи, хъуна уркІи, рурсила уркІи. Игъбарла вегІ сай илди хІябалра уркІи лерси мурул адам. Амма илини сунени секъяйда къиматладирули илди уркІби, илди талихІчерти детаахъес сегъуна къайгъи дакІубирули?!

ГъанкІ агарли дуркІути дугурби, гъанкІ хІехъили гІязаблизирти хІулби, илданикІун бархІахъайчи бамсриахъес хІедирар, амма бареси цархІил агара...виштІалкІун илала къайгъили алавуцили виэс гІягІниси сай. Ил хІерарес хІяжатли сай. Сецад рамсурли риаллира, дугурбазир неш къанси заманара дурхІяличи хІерризес арилзули сари, илхІелира уркІила дигиличил, ил валхули сари, малхІямли илала сири гардбирули сари ва малхІямси тІамаличил тикрарбирули сари: «Усен, дила урши. Къудратла вегІли хІед мурити муэрти дархъаб, чІумаси иманничил халавааби...Лаилагъа иллаллагъ, МухІаммад расулуллагъ...» Илгъуна хІял ца дугила бухІнаб чуйнал тикрарбиэс бирар. ДурхІя ара-сагъли виубхІелира. Амма биштІати дурхІни гъамадли зягІипбиркули бирар: хъехІ чебиркур, тяхІубирхъур, чархла биркІунти думжар. МалхІямси неш риалли илала гъанкІлис, паргъатдешлис ва арадешлис мурталра къарауйчир рирар. Нешлис цацахІели дурхІя някъбачи авцили дугурби дуркІес булан чевкъули бирар. Урши усаахъес, илис гІяхІил биахъес багъандан, неш сегъунти-дигара къияндешуни чекасес хІядурли рирар, дурхІяличиван ил сунечи сари къакъарикІули хІерирар.

Нешли хІерилира бамсриихъули хІерирар, сенкІун ил дурхІяличи къакъа-рикІули лерал, дурхІя сунела сай бажардииркуси ветаайчи ил нешла шайзи-бадси чебетаибси хІерудилиув вирар. ГІур нешличи цархІилти къайгънира чедиркур сунела дурхІя багъанданти. ДурхІя сунела сай къакъличивад каниличи шурулхъес вируси ветарар. Ил хІеруди агарли кроватьличив валтес асухІебирар, сенкІун кайкес асубирар. ГІур ил кайрес бурсивирар. ИлхІели иличи гъатІира сахъси хІеруди бирес чебиркур. Багъла-багълали дурхІя хъусли вашес вехІирхъур. Цулби ляркъухІели сегъуна къиян чебиулил сай виштІаллира, иличи къакъарикІуси нешлира!

* * *

Дила ца тяниш хъунул адамли буриб, секъяйдали сунени базла бехІ-бихъудличиб гъар бархІила гъар сягІятличи бикайчи замана буртІулил. ГІямрула гІяхІцад дусми талихІчерли деркІибси, гъар шайчирад къайгъили алавуручили калунси илини, гъанна сунела мурул декІли зягІипикибхІели, бурес агарли халаси гІязаб чекайсули сари. Ил верцахъес багъандан се-дигара барес хІядурли сари. ИлхІелира ил бузерилизирадра гІелумрилзули ахІен, сенкІун яшавла даража нукъсанбикахъес дигули ахІен. ХІябал-авал дус гъалар ил ишбархІиван рузес ва гъанна дакІудирути къайгъни гъунчидуршес сеналра бажардихІерирки. Илдигъунти жапати гІямру илис гІядатлатили, гъар бархІилагъунтили детаурли сари.

Чедидиркес багъандан, селисалра гъалаб, нушани балули диэс гІягІни-биркур, нушаб се дигулрал чІумали багъес. ИлхІели нуша сегъуна-дигара, дебали къиянси, барес хІейрар или гъанбиркуси булан баркъудилизи ахъес дирехІе!

ХІера сегъуна тамашала хабар бурибал набзи ца хъунул адамли:

«ХІуни балулрив, нушани, дила пикрили, адам сай левсиличив гІяхІсидли сипатирулра. Адамлис жагасили виэс дигули хІейалли, илгъунали ветаэс балули хІейалли, илгъунали ветаэсра хІейрар ил. ХІези нуни хабар бурис, секъяйда шери рякъунал дила шилизир хІеррирусиди ца хъунул адам. Ил куц-бекІлизирра чераэси ахІенри, бикІуливан, «я дяхІлизир я къаркъайзирра декІаррухъунсиди ахІенри». Амма илис дебали жагасиди адам гІяхІизур, илини шилизивсиди цаибил жагъилличи дигай дихъиб. Сай биалли, аргъесири саби, иличи цайналра хІеризурсира ахІенри. Шилизир ил лерниличила хІебалули виэсра асубирар. Сари биалли мурталра иличила пикририкІулри, илис шери рукъес биалри или хъулрикІулри. Чизилра сунес дигусиличила балахъули ахІенри илини. Сунела хІяланачила чІянкІли набзицун сабри бурибси. Ну иличи дебали тамашариубли хІерризурра, хІятта ил дила гъалар къутІкъули рисирииб. Ну сунела гъайличи рирхарули ахІен или гъанбикили биши, ил лехІкахъиб ва къалабали ребшиб. Илис гІяхІизурсиди уршили биалли цархІил рурсиди черрикІиб ва иличи сукникъянаби бархъес хІядурбикІулри. Илис гІяхІризурсиди рурсира тамашала сарли уррухъун. Дебали жагасиди сарри, амма сунени сари чераахъес балутазирад ахІенри. «Илис ну итира ригахъура», – рикІулри ил. Илини, бикІуливан, сунела жагадешличила хъумартур, я жагати палтар челгъули ахІенри, сунени сунени пикри бяхІчиули ахІенри, къарширикибхІелира къяркъили гъайрикІулри...

Камсиди замана арбъкъунхІели биалли, нушани аргъира баягъи жагъил адамли сукникъянаби цархІил юртлизиди бархъниличила. БекІлил жагасиди

ахѐнси, селичирлилра деклархѐрулхъуси рурсиличи хъайчикайэс къабуликили виъниличила. Сунечи сари пахрума риркъуси исбагъи биалли илхѐли гъапулрирули хѐилхѐи калун. Шилизибти адамти биалли илдигъунти хабуртаци бирхарули ахѐнри.

Нуни къасбарира, иличи гъарракѐс ва аги-къяйда белгидарес. Марлирагу, ил уршили илгъуна жагаси рурси ратурли, цархѐилличи хъайчикайэс къасбарилев? Иличикѐун чилилра пикри бяхѐчиуси ахѐнри. Гъарли-марли, сукникъянаби бархъили буилри. Набзи ил тамашала анѐѐбукъличила хабар бурибси дила ралликъяна рирхаур, хабар бархъси биъниличи. Ураркъибси рурси сунела балликъянабачил ихтилатрикѐули раргира. Ил дебали разили сарри, заклизиб сунесцун шалабикѐуси зубари абалкунхѐеливан.

Хѐерая, сегъунти анѐѐбукъунира кадиркули дуилил гѐямрулизир. Сунени сари булан селизилра хѐерирули калунси рурси бикачи шуррухъун ва илгъунали ретаэс сарира къабулکاریкиб. Илѐун чераэс булан рарсриубли сари гъанна.

Сунела гъала тѐашбизурси мурад белгибирухѐели, ил васвасъалали ясирхѐеруциб. Ил сунес дигуси бетарниличи бирхаэс хѐейгутачирад гъарахъ булан рикиб. Ахъдешличи заклизибяхѐ гъуѐѐбикѐуси галга сагати къялуби датиэс урузѐули хѐебарар. Сунела пукъа батахъес багъандан зулмукар арцан яра жанивар пукъа лебси мерличибад гъарахъбикахъес балбизурхѐели, сунени далдурцути тяхѐар-къяйдаличи васвасбикѐули хѐебарар. Гѐязабтазив виштѐал виркъуси хъунул адама ил виркъни гѐелайзи арбухес пикририкѐули хѐерирар.

Вегѐличи вегѐ вирхули виэс гѐягѐниси сай.

* * *

Разиси ихтилатла замана дила ца ралликъянани гѐяшли иб: «Чебиулрив, хѐура нура хѐяндиублира...» Пикрилра хѐерухъи, нуни илис ишгъуна жаваб бедира: «Хѐяндеш – дунъялизивад деклариркнила лишан ахѐн. Ил лишан саби хѐура нура гѐямрула бегѐлара пергер манзиллизи духѐнахъили диъниличила балахъуси...»

Наб дила уркѐили къабулрарибси ва ригуси учительница гъанрикиб. Илис Екатерина Харитоновна бикѐусири. Ил нушачи Осетиялизирад раѐибсири. Илини дучѐахъути рурсби (сенрил илини нуша хѐябалра чердикѐилри) гъар алхѐят бархѐи иличи дарх шадир дашутири. Печеньбачил ва чайличил гѐяхѐялдеш дири. Дебали бизити чай дири илини нушаб. Илдала тѐем наб гъаннара гъанбиркули лебал.

Нушаб иличиб дебали гѐяхѐил бири, разили замана буркѐира, гѐяхѐдилзутти назмурти дучѐира. Нушала учительница чум дус риублирил хѐебалира. Нушаб иличила багъесра дигули ахѐнри, сенѐун ил нушала уркѐба къабулрарибси ретаурлири. Нушала дукелѐѐира ихтилатунира илис бекѐлил диргалладулхъули ахѐнри. Ил мурталра нушаб пишрехъили гъунириули рири. Иличил дарххѐели нуша тамашала дунъялизир дагъардирира, ил нушаб илини савгъатбирулри. Дебали гѐяхѐси адам сарри, нушани ил нешлизирад декларрирули хѐедирира. Нушанира илис халаси разидеш бихули дуилри. Ил секѐал нушанира хѐясиббарес дирулри, сенѐун илис нушала мякълаб гѐяхѐил сабри. Нуша ца итилла гъалар хѐялалли сарри, лерилра биалли – илала гъалар. Дила учительницала бухъяна хѐяна чуриличи дила мурталра

хІяздулхъули дири. Илини зумати хІяна гъез чІумаси гІяндли дилгъули рири. Илкъяйда дихути гъез иличи далра дикилри. Гъанна нура, итхІейчирад гІяхІцад дусми шалгІердохъи гІергъи, нунира ца секІал чІумали аргъилра: гІямрулизир бекІлидиубти дурхъати секІли дуили ахІенну, гІяхІти уркІби дуили сари. Нушани чебаира, секъяйдали малхІямли дугъарилзули ририл ил адамтачи, хаслира бухънабачи ва дурхІначи. Илала сари регІти гІямруличила нушани селра декІар хІебалира.

Цаибти хІяндеш дагъардиубхІели нушани рухІлара чархлара ургабси даимси къаршиликабизурдеш рухІла шайчи имцІали кабилзули биъни хІясиббириули дирехІе. Нуша гъалар ясирдуцили дирути кам-хъяшти зугІлуми, мурталра таманхІедирути къайгъни гъарахъдиркули дирар. Илдани бурцули калунси мер пикрумасра гъанбикунасра акъубулхъули саби. Убла манзиллизир диубти-кадикибти баркъудлуми-анцІбукъуназирад цацадехІ хІечирад гъарахъдиркули сари. Илди хІуни хъумургулри. Амма сагати пикруми алкІули сари, илдани хІела уркІилизи разидеш бихули саби, хІерриэс гъав алкІахъули саби, илдани хІу сагариубсиван карилзахъулри.

РухІ мицІирдирули сари илхІели. ХІед хІерамсурли Аллагълизи рулгес дигулри, хІедра хІела дурхІнасра кумекбарахъес тиладибириули. ХІед Аллагъли гібси разидешличи хІилнариркъулри, хІед дунъя булан шалахъбириули саби.

* * *

Нушани гІямрулизир гъар бархІи гІяхІтира вайтира хабурти иргъули дирехІе. ХІера адамли ванзаличи гъе иргъули сай, ванзали илди ризкъила къукъри къабулдирули сари ва челяркъули сари, цацадехІти биалли хІеруди чебетхІебаибтиван челяркъули ахІен. Илкъяйда гъарил хабарлизир нушабра гІяхІти гъера къаршидиркули дирар, илкъяйдали – вайтира, аргъесалра чучила хІейгути. Илдачила пикриикІесра балбикили хІебирар, сенкІун илди хъумхІертниличи лайикълира хІедирарну. Амма илхІелира гъар секІал сай адамлизирад дигахъути сари къалли.

Нушала ца гІяхІси гъести гІямруличирси унра хъунул къардрухъи карикиб ва някъ бячун. Нуша лерилра иличи музадухъунра. Паргъатрирули дуира, къакъахІерикІахъес махрарира. «Къалабаси кумек» бакІайчи нушанира илис дирусигъуна кумек гІеббаахъира. Илала някъ дебали изули сабри, ил ахъли цІумрикІулри, нушабра ил дебали язихърилзулри. Хапли илаб унрубазирад ца хъунул адамли иб: «Секъяйдали хІед гъарбизурлил: къяш хІебячи, някъцун бячи рерцили»...

Больничаллизир калунси лебилра замана ил хъунул адам гъарбизурли наб рерцес бикиб или пикририкІули хІеррирулри: ил къунзрикІес рирулри, цархІилла кумек агарли палтар чегъес рирулри. Сецад леба вяшбухъесалра хІебириули кабихъунти? Илкъяйда пикририкІухІели, ил жявли сагъра риуб, илис я операция барахъес хІяжатхІебикиб, сагъкариулар ил паргъаткариэс риъни багъандан. ГІяхІти пикрума иличи дармунтаничибра халаси асар бариб.

Дила цархІил тяниш хъунул адамла хъубеш неш илцадра ахъли хухрикІуси руилри, хІятта илини уршила хъунуйс гъанкІ лябкъяхъули ахІенри. Ил цархІил хъулир риалра карилхъуси.. Муруйс биалли нешла хух диргала-

булхъули ахІенри, ва ил мурталра сунес дигуливан усес вирулри. Гъачам илдачи гІяхІлад дила тянишла неш ракІиб. Ил дугели русахъес караркъиб рурсила мура неш русуси хъули. Хъубеш неш лерси хъулир ил русес риуб ва гІяхІил гъанкІ ахъес бажардирикиб. Нешли гІергъила бархІи бурибсила рурси дебали тамашариахъуб: «Ну мар-марли гІяхІил русира»,- рикІар ил. «ХІуни хухла хІергъирив?»- хъарбаиб рурсили. «ЧераргъибхІели нуни илала хухла иргъули руира, амма наб илхІели гъанбикиб: хІебиалли ну мицІирли сарра. МицІирли сари хухрикІусира. ХІебиалли, гъар секІал къулайли сари! Ва ну сагали русалъира».

Даширая нушала бегІтачи имцІали зангъдикІехІену, сенкІун нушала зангъ – илдас бегІлара гІяхІси савгъат сарину. Нешличил яра дудешличил гъайдикІухІели мяхІкамдарибти минутуни илди гІур нушала мякълаб агархІели, пашмандешлизир дуркІути сягІятуначи шурдулхъули сари.

Жявлил бахъли балуси саби тухтурли гІяхІти гъай дурибхІели, бекІала изалара гІелумбизес бируси биъниличила. Илкъяйдали ашкарси саби, адамтала къуллукъунира ункъли гъунчидиркули дирар, эгер илди саби илди гъунчидиркниличи умутчебли биалли. Илкъяйдали ашкарси саби, дурхІнира халабаибхІели гІяхІти адамтили бетарути илдани гІяхІси хурег букули кални багъанданцун ахІенну, алавчарси дунъялизир кадиркути анцІбукъуначила гІяхІти хабурти иргъули биъни багъанданра саби.

Нуни гъанна ишди тугъи лукІухІели, улкъайла дураб забли ургъули саби. Анхълизирти къар ва галгуби шинишли чедиули сари, илбагъандан дургар улкъайла шишнацирад гердикІути забла кІунтІрира шинишли чедиути. Улкъайлизибад набчи шиниша хабар абицІусигъуна хІял саби. Алавчарси дунъя – дахъал секІайзиб нуша сунечила пикридикІусигъуна саби. Илди хабуртигъунти суратунира нушани сари алкІахъути. ГІяхІтира вайтира нушазирад дуили сари дигахъути. Нуни илра хІясиббинури рирус.

ГІяхІси гъавлизирхІели хІу – алавчарси дунъяра хІуни разисили чебиулри, хІу иличи къабуллири. Даширая гІяхІти баркъудлумицун дурадуркІес къасбирехІену, илхІели нушабра хІердирес гъамадли бирар. Чула бетуцлизир детурхути секІал лерти сари, нушани хІясибхІедирули хъалли, – океаннизир диаб сари, нушала гІямрулизир диаб, гъарил адамла пикрумазир ва биркІунтазир диаб, амма илди лерли сари.

Нушазивад гъарил гІямрула гъуйчив къияндешуначи вяхІигули вилрар. Илдигъунти анцІбукъунази бикибхІели, цабехІли чІумати къаршидеш дакІудирули бирар, гъабизуначи къаршили бургъули бамсурли, инжитбиубли, цІакъани кадерхурли, ил жаллизиб бубкІутира къаршибиркули бирар. ИмцІаливан ил бирар нушала бекІлизи башусира. Амма къияндешаничи къаршили цархІил тяхІярлира ургъес вирусил уили сай, урхъула рамчанала къуват пайдалабарес ва ругерла кумекличил урехиагарси мерличил дуравхъес вирули сай. Нуша тамашадирули дирехІе, гъалабван цІударли кабилзузил секІал шалати ранганазиб чебиухІели. Балагъ-къадарла гъяжли савцахІибси адамлизир чедибдешличил аркути цІакъанира мицІирдиэс дирути сари. Илкъяйда дебадиубти нушала рухІ гъунар дураберкІес булан бажардидиркули сари. Сабурли нушала гІямру дарсдиахъес, къиянти аги-къяйдализирад бегІлара камти детахълумицун диахъубли дурадухъахъес кумекбинури саби.

* * *

Нушазивад гъариллис гІямрулизиб нушачил биубси гІядатлихІебиубси ва тамашала цалра анцІбукъ гъанбиркули бургар - разиси биаб саби яра пашманси. ЦацахІели ил хІела дагърилизи илцадра чІумали минабирар, хІятта дахъал дусмазиб хІуни иличила хъумартес хІейруд. Шел, вецІал ва гъатІира имцІали дус шалгІердохъи гІергъи, бекІлил хабарагарли ил хІед сагали гъансабикес бирар. ИлхІели хІу ца тамашала хІяйчи виркуд ва алавчарси дунъялизир гІядатлихІедиубти анцІбукъуни лерли диъниличичи вирхаруд, илдигъунти секІайчи вяхІягес вирниличичи тамаша булан вируд.

Нушачи музабухъунти хъунул адамтазирад цали ишгъуна хабар бурили гъанбиркур. Сунес бетаурсиличила илини сунени ишкъяйда буриб: «... Декабрь баз сабри, дебали бугІярси аргъри. Дила ца ралликъянала акІубси бархІила байрам гъамбикІулри. Гъалабси бархІи нуни илис пешкешбарес вавнала хала асира. Илис илдигъунти вавни дебали дигути диъниличила балусири. Вавнала хала жагаси вазализи мерлабарира. Ну пикририкІулри: «ИшбархІи илдас селра бетхІерар, жягІял биалли мурулра нура ралликъяна мубаракрарес аркъехІе, илис вавнира савгъатра дедлугехІе».

ГІергъила бархІи ну хІянчиличирад жявливан чаррухъунра, ралликъянас духес вавни хІядурдарес ралризурра. Аргъ бугІярси биъни багъандан, наб вавни дяргІяхъес дигули ахІенри. ХІеррикІулрагу, вавни сурсдалхи. Гъайгъай, вавнас илгъуна бетаъниличичи ну дебали пашманриубра. Ил хала вазализиб хъулиб батурра. Ралликъянас цархІил савгъат бухира.

ГІергъила бархІи савли баягъи сурсдалхунти вавнала хала лайбакІес архис ибси къасличил нушала гІяхІли къабулбируси хъули ретацІира – хІеррикІулрагу – сурсдалхунти вавнала мерлаб, жагали кадизурти ва хІяздохъести вавнала пергер хала! Илди бара гъанна асибтигъунти сарри!

Дила ралликъяна тамашариублири. Ил бетаурсила черкад гІяхІцадхІи пикририкІули кали руилри ва ил ишгъуна гІядатлихІебиубси пикриличи каризурлири: илди вавнас сари хъулирад бугІярдешличичи дурасили дигули хІедуили...



Поэзия



ШапиГ
МЯХИЯММАДОВ

ДАРГАН ДЕВЛИС ДЕЗА

ДЕРХЪАБ

Дерхъаб! Ил жагаси гъай
МягІна мурхъси, къантІа дев,
Даргантас бахъ дурхъаси,
Давлали бицибси дев.

Ил аргъибхІели уркІи
Гарчли шаддешли бирцІур,
ДецІли бицибхІелира
Сабур кункли абицІур.

СяхІбат гъарахъли биаб,
ТІама саби иргъули,

Дерхъаб! Иллини сари.
Дам ва дяд тІашиули.

Дерхъаб! Дурхъаси балга
ЧевяхІсини иргъуси,
Чинав къаршиикалра,
Гъар дарганни иргъуси.

Ил балгали нушала
ГІямру сар духъахъули,
Гъарбизличи пикрила
ХІячми мурхъдикІахъули.

АССАЛАМУ ГІЯЛАЙКУМ

УркІи булхъахъуси дев
КъантІси, зайбикІуси дев,
ХІебургид ца миллатла
Илцад мягІни халал дев.

Дерхъаб! ГІямрулизи саб
АлтІуси бегІла гъалаб,
Ил бурси адамла
СабхІели бекІси тІалаб.

КІинайс баракатлизи,
СабхІели илра тухъси,
Сунна къялуби, хІячми
Ванза-закли далхуси.

Дубуртиван далгунти
ХІуркІби – тІашбизагарти,
Бузераила майали
Ванза жагабиранти.

Дарганти! ХІуша сарра
Дунъяличир машгърти,
Мургъи-арцла лямцІлизи
Музейти дикахъибти.

Ахъдубурти тІамснали
КІапІдарес ахъри лебти,
Дерхъаб ибси ца девли
Лусен делхъли кайути.

ДУРГЪАБАЯ, ДАРГАНТИ

Ламус ахъти зубарти,
Гъабзадешла лусенти,
ХІял бурямван гъалакти,
Бархъдешла къараулти.

Хи умули калахъес
ХІяя мяхІкамдиранти,
Даража ахъбикІахъес
Майъали чарх ицанти.

Дуршудеш бегІла дурхъал
ГІядат мехІелизибти,
ХІурмат ахъти лусенти,
Дургъабая, дарганти.

ВатІан гъанни жан дедни
ТалихІлизи буйГути,
Чумра душман гІянжила
Гажин къяйда бурГубти.

Келек гъунчи бикахъес
Кумекличи урцанти,
Гъанбик гъарбизурхІели,
Мекъличирван дулхъанти.

Наслулизир ГІяхІти къел
Калахъес гъанкІ агарти,
Уруз-хІяцІти, гъуцІ кункти
Дургъабая, дарганти.

МЕЗ – КАХІЕБУРХУЛ ДАВЛА

Иш къяркъси, дяхІягарси
Заманала дуцІлизив
Къунзухъес карцІирулра
Ну акІубси шилизив.

Зайбухъахъес хазнала
Нешла мез – чархла давла, –
Буриб чяхІи даргала
Шин умути дагърила.

Ил чяхІила дяхІличир
ЗурхІябван рурхІяр мезра,
АхъбикІар гъарбизлизиб
ЦахІнабли даргантира.

Набван ахІерли калаб
Нешла мез цархІилтасра,
Илди сарину хІурмат
Неш-дудешла миллатла.

Цаибси ганз кайцІуси
ВиштІаллира дурути,
ХІилизир, мехІелизир
ЗайдикІули кавлути.

ГІякълула, багъудила
Ахъанай ихъахъути,
КахІебурхуси давла –
ЛебалцадхІи дарганти.

НЕШЛА МЕЗ

Муритили, варъаван,
Каленая дарганти,
КарцІли тят нешличиван. –
ДекІхІедубкІар нешла мез.

ДуцІ гъалакси манзилли
БурхІнала къел далтули,
Миллатунала мезли
Лусенти дулхІехъули.

ИшбархІира хабар леб
ИшбархІира бурули,
Чумилра миллатла мез
Чегъамли дубкІар или.

Мурт-биалра деткайхъур
ЧумдехІра мез ванзала,
Асубирарну бакІес
Манзил камтицун мезла.

Дубуртазир дахьал лер,
Дагъиста миллатуни
Гъарил миллатла халкъли
Сари мез хІердирути.

Ца лусен кІидехІ мезли
Чебаа гъайбикІули,
Инса талихІличила
Ахъли далайбикІули.

Мезли сари пикруми
Нушазир алкІахъути,
Къасани дилкъахъути,
ГІямрура духъахъути.

Сен дубкІути нешла мез
Азир дус хІердиубти,
Дубуртала нартани –
ДурхІни рурсби лебалли?

Уриб устали баршиб
Чугурла хІябал гиван,
ЗайдикІар даим ахъли
Дарган мез занкъариван.

Нушала мезла давла
ЧебириЦахъаб дарганта,
Дарган мез шинван дагъаб
Дарган нешла биштІата.

Девла мягІна бугаси
Дигили чебириЦахъаб,
АтІун девла асарли
ХІерла зурхІяб рурхІяхъаб.

Дарган мез давлализи
ДуйгІули гуنزри кайЦаб
Улгу-мина къяйдали,
АкІубтас савгъатдираб.

ГЕХІЕЛ ТУГЪЛА

Мезли сари пикруми
Щедешван дилкъахъути,
Чархла хъябшти биркІанти
Кункли сагъдирахъути.

ТІабигІятла дигІанти
Шалуби гъаргдирути,
Букуси къацІла тІягІям
Чули имцІабирути.

* * *

Мез хІердарес хъарси саб
ДурхІначиб нешла хІерван,
Гъарилли хъумхІертутти
Тухъти багъта жагъдешван.

Нешла мез лямцІдикІули
Калаб дяхІимцІалаван,
Лебтас цаван мурили,
Неш ванзала сабухъван.

* * *

ШигІрула гъунар халал,
Дугъби камти диалра.
Даим зайбикІар ахъли
Дила дарган далайра.

Нешла мез дяркъес гІямру
ХІедиули диалра,
ИшбархІира гъаларван
Давлачердирулира.

ДАРГАН МЕЗ ДИЛА ДАВЛА

Нешла мез наб ахІерти,
ИштяхІличил дагъурти,
Неш, дудеш, къацІ, дубурти
Дагърили тухъдарибти.

Дарган мез – дила давла
Гаши гъарахъдарибти,
Ургубала шаласи
ДяхІла сипат бихІути.

Нешла мез мехџелизи
Ца-ца хџарпли делкџунти,
Цаибси лямџџ калахъес
Чархла хџили иџути.

Нешла мез – вавнала тџем,
Нешла мез – инса давла,
Нешла мез – гъавла тџягџям
Дуџџли аркъул гџямрула.

Дарган мез – дагърила къел
Гџямрулис кавлахъути,
«Аба», «ада» – кџелра дев
Хџези хъумхџертахъути.

Дарга – Дагъиста балга
Дерхъаб! Дев зай аурси,
Ил наб – џџедешла галга
Гушиасли валхуси.

Дарган мез – дубуртала
Жагадеш наб кертџибти,
Марти дигай-карџџайла
Хџялани акџахъубти.

Дарган миллат Дагъиста
Уркџи сабни бурути,
Хабарла партизанта
Датахъес жан дедибти.

Дарга – дарган мез хџезир
Зайдикџули далайван,
Гџяламли гџерисули
Калаб машгъур «Дерхъабван».

Дарган мез, неш, хџела мез
Наб дурхъати, тџяп хџуван,
Инсайс биркџунти далхул
Тумикад дуџџти хџиван.

МИЛЛАТЛА ХЪУЛЧИ АХЪДЕШ

Мез – давла гъар миллатла,
Ил лебџадхџи кавлуси,
Пайдалабируџадхџи,
Бягџу-гъарза бикџуси.

Лезмили хџелукџуси,
Дурхџнани гџебисуси,
Бегџи халал лебдешлизи
Миллатли халбируси.

Бегџтани чеалкџутас
Мулкличил барх балтуси,

Уркџила гумайлизиб
Мер буџили кавлуси.

Мез – инсай ванзакадли
Кайџџул ганзла къел сари,
Ганзла тџамри лусейзи
Гъайван алтџути сари.

Гъармукани кебасес
Хџейруси давла саби,
Мезла давла миллатла
Хъулчи ва ахъдеш саби.

ХџЕРКџЛА ДУџџ

Заманала хџеркџлизи
Ухџнахъила вахъхџира,
Гъарилра чархла убза,
Балас, бумсар уркџира.

Ил хџеркџли архулира
Бекџгала урхъулизи,
Гџязаблав, гъарзадешлав
Хџебалул дунъялизи.

Гџямрула хџеркџла дуџџла
Хъярхъдешра хџебалулра,
Дусми, бузри, бурхџнала
Лугџира хџебалулра.

Заманала дигџяндеш
Балусира агара,
Лебта иш дунъя балтни
Ил гџячихъли балулра.

Чинав севан бекІала
СягІятли чи ургусил,
Се изала, се хатІа
Биубли чи каркусил.

Илра дигІяндеш саби
Нушачил барх акІубси,
ГІямру, къантІти диалра
Сунечил барх архуси.

ХІеркІла дуцІ, гъигъла манзил
КъиматлахІебирулра,
ГІяхІсилис, ахъри лебли,
Бахълис къяш гъабурцулра.

ХІеркІла дуцІ – гІямрула дуцІ
Сабни балхІебалулра,
Дагърила дуцІ хъярхъбарес
Къайгъи камли бирулра.

ХІЕРЛА ШАЛА

ХІулбала шала – давла
Гъарил инсайс хІяжатси,
ВерхІел рангла зурхІябла
ТІягІям чархла кертІуси.

Рангани къар, вавнала,
ЛямцІ умуси дяхІила,
Шалати дяхІ, ванал хІер
Тяништала, гъамтала.

ЦахІнар ванза-закла дяхІ
Манзилта дарсдирути,
Дунъякад арцул хІерли
ГІямрулис чедаибти.

ХІулбала хІерлицунра
Гъамбиру чебиуси,
Жагадешлисра къимат
ХІерли саб кабалтуси.

ХІерли шадбиру чархра,
Сагъбиру изалара,
Гъалабиху гІямрулис
ХІяжатси гъарахъсира.

ХІерла шала гъарилла –
Гъарзал дунъяла давла,
Ахъдеш, тухъдеш, жагадеш
Нуша гъарилла гъавла.



Проза

Бяхяммад
ХІЯЖИЕВ



ГЪАРХІЕБИЗУРСИ АРХІЯ

БАЛАГЪЛА ДУГИ

...ХІянчи баргес нуша авалра юлдаш дурадухъунра. Шагъарлизи детаили, «ГІянжи базарла» мякълабси биржаличир тІашдизурра. Илар нушагъунтала чумрил къукъя лерри. Нуша лерилра тІашдизурси мер, нуша дегІси къуват, устадеш дирцуси базар буилри, нуни хІебагъурлихъалли. Ила машиналичиб бакІили цабехІ адамти, тІашбизуртачи гъамбиубли гъайбикІулри. Ила вакІибси адамла машиналичичи кабиили, бузес арбашулри. Нушачи чилра гъамирули ахІенри.

Рахли, дила юлдашуначира ца вабза гъамиуб. Илини юлдашунази гъайикІули, сунела мурад иргъахъулри. Чула буруси таманбиубхІели, юлдашуни набзи бикІар:

– ХІера, нуша ишичи аркъутира. Кайи хІура.

Ну кайира. Машина итмадан гъайбариб. БахъхІи агарли нуни балхІебалуси шилизисси юртла азбарлизиб машина тІашаиб. Ила хІеризурхІели багъеслири ил давлачевси адам виъни. Азбарлаб сагаси «Камаз» тІашлири.

Лебилра азбар хІясибхІебарили левалли, хабарагарли бакъибси хъунул адамла тІамаличи нуни бекІ ахъбуцира. КІибил дерхІла балконничирад нушачи хІеррикІуси хъунул адам чераира. Ил нуша ардукибсила хъунул руилри. Ил хІули чебхІесили нушачи хІеррикІулри. ГІур илини тІамадариб:

– Илди хІуни нушаб кибти къзакъуни хІебиэс?

– Саби. Ишдира цархІилтигъунти адамти ахІену?

Илала гъай вайбизурси ну, набра хабарагарли, юлдашуназира селра хІели, къакъалав вагъариубра. Илавад, юлдашунира бархъбатурли, ну шила дубла дураухъи, севан шагъарлизи чарухъес вирусал хъарбаили, цугбикибси машиналичичи кайили хъули чарухъунра. ГІур, гаша вебкІасра шилизивад дурахІелхъас или. Илдигъунти пикруми акІуб диалра хъули чарухъунхІели, кулпетла яшав лебгІебал букІубиубли чебаили, се бирусил хІебалули пикрумази викили къакъализисси къасиличи кайили левли, набчи почталъон гъамиуб ва юлдашла кагъар гъабуциб. Ил Россиялизибад бархъибсири. Нуни кагъар белчІунра. Илини ну сунечи узахъес жирулри. ИлхІели, гъалар диубтира хъумкартурли, кулпетла аги-къяйдара пикридарили, хъулиб лебсигъуна арцра касили, бигути кулпетра гІелаб батурли, дураухъунра.

Шагъар жагабиублири. Лерилра тукенти, давлачебтани чула арилизи дуцили, чула тухумти хІянчила кабатурли, дузулри.

Ге, дубурла халкъла аХенну, шагъарла халкълара гІямру дагъесли дарсдиубли сари.

Автобусличира каХейили, шагъарла дарсдиубти мер-муса чедаэс ну вокзаллизивяхІ ватихъира. Ну вокзалла площадьличи каайчи, някълабси тавра полицияли чуйнарил ахтардибариб. Вокзалла ухІна айцІухІели, «гражданин» ибси гъай бакъибХІели, ну алавчарли хІеризурра. ГІурра, илаб селра чехІебаили, ватихъира. ГІурра гІеларад тІама:

– Я к тебя обращаюсь, гражданин! Ваши документы! – гІясили вявухъун ил.

Нуни дила мякъла тІашизурси полицейскийлизи паспорт гъабатурра. Ил, паспортличира набчира хІеризур:

– Открой сумку! Витряхни содержимое!

Наб цархІил бареси аги. Нуни къаршидеш чедаахъасри, участоклизи аркни балулри.

Илини умцІурли гІергъи, ряхІятли гъигъра абатурли, кассаличи гъамиубли, ну аркъуси шагъарлизи билет асира.

Вокзал гъар журала сумкабачилти халкъли бицІилри. Илдира нуван поездлици хІерли кабибти сабри.

Кайили левли, заллизив ца нуцун хІейасра, царилтачи хІерра хІеили сагали варсиубси милиционер, вархъли набчи гъамиубли, гъала тІашизур:

– Гражданин! Ваши документы!

Паспорт илмадан гъабуцира. Чумли халварили виаслира гъарил милиционерла цадехІ гъайра сарри шикъра.

Ну вокзаллизив кайили левли, заллизи чумра, адам сумкабачил абацІиб.

Наб хІяжатханнизи укъес чебуркъиб. Илав дила сумкаличи хІеруди баресил дила юлдаш агарли, сумкаличил дураухъунра. Ну илавад чарухъунХІели, дила мерлици цархІил кайилри. Царил мерлици кайира. Ца чумал минут дикибХІели, набчи милиционер гъамиуб:

– Гражданин, документы!

Илмадан илизи поспортра бедили, гъайра хІеили, сумкализирти чІябарлици дурадушили, бацІси сумка милиционерлис гъалабуцира. Ну базарлици бицес бикуси Малла Насрадинна бухъна эмХІеван бурсикайублири. Илала эмХІера бахъхІи базарлици бикухІели, гъарил адамли цулбачи хІерирули бурсикабиубли, сунечи гъамиубси гъарил адамлис цулби чедиахъули буили саби. Нунира милиционерли бурайчи сумкара бацІбарили, хІядурли кайрусири, илини сумкаларти халдарайчи.

Ил бархІи наб архІя бархъХІебизурли, вокзаллизиб дуги беркІес чебуркъиб. ЦабехІ арбашули, цабехІ сабашули, вокзаллизиб сегъуналра паргъатдеш агаркъира, гъанкІли уцили къакъаварибси ну сумкара мякъла кабихъили, кайилри.

ГъанкІ чебарбукъяхъес или перронничи дураухъунра. Рахли набра хаба-рагарли, набчи ца адам гъамиуб: Илини, халкъ агар мерлици викибХІели тупанча чебуцили чІумали набзи вархъли, сунела гъалав вашахъес хъарбариб. Илала хъарбаркъ хІясибли илис гъалав вашули, шагъарла дубла ваира. Илини тІашизурли набзи хъарбариб:

– Эгер хІу ну викІутани виркъадли, хІу чарухъи, хІела архІя даимбарес вируд. Ну викІуси хІебарадли...

Илини бурибси бирес къабуликира. ЦЯбси дуги сабри. Нушани гЯхІ-цад гьуни ахъира. Нушачил, илала юлдаш вииши, ца гГурра адам вархикиб. ХІябалра дахъхІи агарли шагъарла хІябрази даира.

Някъларти лампочкабачил хІябри халдирули, ца хІябличи бетаибхІели, илди тІашбизур. Лампочкала шалалиуб багъеслири хІяб ишбархІи кІапІбарибси биъни. Ну уцибси адамли вархкъязи хъарбаиб:

- ХІуни хІядурдеш барилрив?
- Ге, гъар секІал хІядурли сари.
- Биалли, кІатІни садуха!

Камси заманала ухІнав кІел кІатІаличил чарухъун. Илмадан нуша хІяб гъаргбирес дехІдихъира. Сай биалли нушаб мер шалабирули тІашлири. Ца-цахІели дила вархкъя, папрусра алкахъи, кайрулри. Папрус хІебужуси наб узес чевкъулри. Багълали гробличи кадаира. Чехъла умубарили, нуша тІашдизурра. Чедивсини набчил узусилизи хъарбариб.

- Чинаба гвоздодер?
- БусяГІят лебхис
- Къалабаики! Замана аркъули саби.

Камси заманала ухІнав гвоздодерличил чарухъун.

- Гъанна кавхъенну, кумекбарили, гроб гъаргбарая.

Вархкъя набчи хІяблизиди керхур. КІилинилра гробла чехъла ахъбуцили, фнарикличил гробла духІна хІердизурра. Илар, веЦІну-верхІра- веЦІну-гехІра дусла гІямрула исбагъи пашманти дяхІличил муртлисалра рускаи чериулри. Тапанчала вегІли чедирад нушази тІамадариб:

– Занзи баргибти умхІиван тІашкахІедизурли, илаб лебсигъуна секІалра касили, дурадухъес барая. ЧехІебиулрав замана аркъули! ИлхІели набчил левсини жаназаличбси дурхъаси хІяка чехбердиб, чедивсилизи гъабатур.

- Селра хІебатурли иша дакІахъая! – гГурра тІамадариб.

Вархъяни хъябличирти бакри, някъличибад кулеха чердердиб. Чедивси, нушани дедибтаци разихІейубли, гГурра вьавикІулри:

- Илини балуси агара, фонарь илизи бедили, хІуни халбара, – иб набзи.

Фонарь валикъянази бедили, ну чІянкІубатурси жаназаличи гІяшиубра. Илала бекІличирти гъез някъбачи кадихъили, михъири кІапІбарилри. БекІала ранг дедибти кІунтІби паргъатли чедуцилри. Нуни илала някъби кІапІдарибти гъез ахъдуцира. Иларад дяхІиван цІубдиубти тІулбачир тІулкми лямцІдухъун.

- ХІера илди каса! – тІамадариб чедирад.

Ну, някъ буцили, тІулека касес вализурра, амма тІуйчибад тІулека бакІахъес вирули ахІенри. Жаназала тІулби демдурли.

- ТІулби демдурли тІулкми дакІахъес вирули ахІен.
- Дисли тІулекаличил тІулби къисдара!
- Набзиб дис агара.

Чедивсили набзи дис гъабатур.

– Се адам вирусири кисализиб дисалра агарси? ХІуни иш се манзил сабил хІебалулрив?

– Ярагъ касили, адамти кабушес дураухъунси ахІенра. Ну, дила кулпет бахес арц хІедиркурал дураухъунсира. Илди гъайлизи ахъили сецад хІейгули виасра, ребкІибсила тІулби къисдарили, чедивсилизи гъадалтес вехІихъира. Илини, сунези сахІесили, илди дила кисализи кадихъахъес хъарбариб.

Алџи чумал тІулра, кисализи кадихъили ахъиубли, илизи гІур селра агара или бурибхІели, илини нушази гІурра се лебал хІерџахъес хъарбариб. Сагали хІердизурхІели, илаб ца кІана баргили, илра касили гробла чебхъла сунела мерличи кабихъили, хІябларад дурадухъунра.

Гъалаб къяйдали хІябра кІапІбарили, илини сай гІелавад вашули, нуша чина-саррил аркулри. ГІяхІцад гъуни ахъибхІели, шалми чедиулри. ИлхІели. ну тІашаили, дила хІулби дигъун. Илдазивад цали ну някъ буцили сунечил викулри. Илкъяйда гІяхІцад замана арбякъунхІели, нуша ганзухъуначирад кадухъунра. Ила каибхІели, тІашаили дила хІулби арзиб. Гъала-гъала камси замана шалалиубра наб цІяблири. ГІур хІулбас шалабиуб. Ну алавчар хІеризурра. Ну ца хъулив тІашлири. Илав чилра аги. Нуцунри. Итил хъулирад, се бикІулил нуни лергІерал хІергъули виасра, гъайла бикъулри.

Цакамси замана дикибхІели, итил хъули нура живарира. Ила ацІибхІели, столла мякъла кабиили хІябал адам чебаира. КІел набчил барх лебти сабри, ца биалли нуни чеибси ахІенри. Столличи жаназаличирад адердибти матяхІ кадихъилри.

– «Кайи» или, илдазивад нуни чехІеибсили ута чебаахъиб.

Ну уталичи кайира. Илини сунела гъала кадихъибти рюмбазирад касили ца наб, царилти дила балликъянабас гъадатур. Набзи гибси рюмка илини ахъбуца аайчи, се сабилра багъхІебагъурли къаклизи бархъаира. Илини, набчира хІеризурли, тІамадариб:

– ХІуша селичи хІертирая?

ИлхІели илданира чула гъаларти рюмбаби дацІдариб.

– Гъари гъанна хІела кисмазирти столличи дураса.

Дила кисмазир лерти тІулкмичерти тІулби столличи кадихъира. Илини ца тІуйчибад тІулека касиб, хІербариб.

– Иш тІулекала багъа балулраяв хІушани? Ишдигъунти тІулкми гъанна дирули ахІен. Иш тІулека иш рурсила хала нешли сунела рурсила рурсилис бедибси саби. Рурсила бегІгани рурсиличил хІярикабихъили саби. Гъанна хІуни иш сунела аркъуйхІи укъяхъес арукили сунела мерличи ваахъа. Ишини барибси ишбархІила хІянчи биур, – викІар ил валликъянази.

Илдани дила хІулби дигъун. ХІулби арзибхІели, ну къунзикІуси вокзалла перроничив тІашлири. Цакамси заманала бухІнаб ну кайруси поезд лябкъниличила радиолизибад багъахъур. Ну поездличи айира. Ила кайибхІели, дугели бетаурси гъанбикили, пикриухъунра виасра, вирхаэс вирули ахІенри. Хабарагарли кисализи някъ бархъбизур, илар някълизи кагъурти удикили, «Ишди нуни селис кадихъибтив?» или, илдачи хІеризурхІели, някълизир арц чедаира. ИлхІели пикри бакІиб: марлира илгъуна бетаурли буили саби. ХІера илдани нуни барибси хІянчили арц кадихъили буилигу. Гъайгъайра, илди арц чедаибхІели ну разивиубли виасра. Набзирти арцра, рахли милицияли умцІасли ибси пикрили, хІедаргеси мерличи дигІяндарра.

Къиянси замана саби. Гъар адамличи вирхес агара. Вагъабизма гъар чинабалра бемжурлири, хаслира бусурман улкназиб. Халварни, дирхала чебиъни вайли чебиули ахІенра. Амма ну аркъуси мерличи ваайчи сумкаларти палтар чуйна дурасес чебикибал. Илкъяйда халхІебирути биалри, чумра вайти анцІбукъра кадикиши.

Гъалаб чина-биалра аркъухІели, мер-муса хІедалули виалри, хъарбаэс милиционер чезэ, варгес къиянсири. Гъанна биалли гъар ганзлис авто-

матуначил милиционерти ва омоновецуни цугбиркули саби. Гъанна биалли, валхелуси адам цугикалли, турсикличичи бикайчи халирули сай. Гъалаб районнизиб нячальникличил барх верхел милиционер бирухели, гъанна верхцали леб. Илдала луги гурра имцлабиэс бирар. Милиционерлисра вайнукьяби деклар гягнिति ахен, илдас арцла вегI адам сай гягниси.

Ну, дила юлдашличи ветаили, иличил хянчила вегличичи ардякунра. Иличи сунени валуси юлдаш вархили, нуша дурар калунра. Илра вахъхи агарли илавад пашмай чарухъун. Ил чеибхели, хянчи биркниличичи разити нушала уркби пашмандиуб.

Бригадирли бурни хясибли, хужаимли договор луклули левли, селис гягнисирил миллат хъарбаили сай. Дигъиста ибхели, някълабси ручка кабихъиб. Хозяин бригадирличичи херизур.

– Хушаб дила хянчи агара.

– Камси гъалав леб виклусиригу.

– Гъанна агара, гъалав виклулихъалли.

Ил бригадирлизи ваяклусири: «Хуша гяхиси гъайличил архякьюли диадали, нуни дила къараулти талаббирис». Илавад, гъайгъайра, бригадирлизи гъайра хеили дураухъес чебуркъиб. Сенахенну илаб нушала гъай бетхлебурхни балулри. Илини ярагъличилти къараулти талаббаралри, нушаб вайтгадирки.

Иларад царилти областунази ардякунра, амма гъарил мерличир цадехI накъиш сарри. Бехъубси СССР-ла «узити» республикабази дукъес гъунби къапидарилри. Нуша цализи ца диклугири: «Итцад нушачи разити урусуну, нушани селра вайси хлебарили диахелра, сен вайли кабизуртив? Нушаклун сабигъунти Россияла халкъ сарра. Ишдани, Америкализиб негриби къяйдали, нуша цудара халкълизи халдирули хлебиалли?.. Ишдас гъаларра нуша хлейгули кали дуилра. Совет хлукуматла «законти чумати диънили нушази селра биклес хлебирули калихъалли.

Гъанна нушани Россиялизиб хянчи хлебиркни балулихъалли, нушала урклурби паргъатдирули ахенри. Хянчи бикесгу ибси пикри уркилизиб камбирули ахенри. Къяйцдиклуги нушала сецад мяхкамли шикъдиклулихъалли, арцра ардашулри.

Агъ, ишди нушала гямру! Гъанна нушачи се херлил чили бала? Лебри муртрил разиси улка, халкъ цаван хербируси. Сунезиб учлес дигусилис учлес, хялалли узес имкан лебси.

– Хед ши-шанти гъанбикили биэс, юлдаш. Даширая нушала шан дурхяличичи гъардиклехе. Ил ишавад гъарахъли ахен. Белики, илдала колхозлизиб хянчи бикес?

– Марлира, Салам виклуси барехелли, гяхиси саби. Нушала шан чева-ахелли, шилизи дякунтигъунара бетарар. Хъяйхъяй Мямма дила гъарахъси виалра тухумра сай.

Саламра нура Мяммачи дукъес дурадухъунра. Итхели СССР лебалри.

Хъяйхъяй Мяммала юртла гъала гъамдиубхели, илала хала неш цугрикили, иличил яхши-хушра дарира. Азбарлизирти галгубазив архибси Мямма нушаб гъала вакиб:

– Агъ! Дила юлдашуни, хабарагарли дурадикилрагу? Хушала къуллукъ-мурад?

– Селра агара, юлдаш, хянчи баргес дурадухъунтири. Хянчи хлебаргилли чардухъес пикрибарили иша садаибхели, хлечи гъардакилра.

– Бегла гяхси барилрая, ну хумхертурли гярдаклили. Даширая, адухъеная. Хъулиб СалихІра, чесночира леб бялихъ берцайчи хІерли каби-или. ГягІнидеш ахъес дурахъунси ну, гинцла галгала къяли бячи чебаили, ил баршес калунсири. Хъули адухъунхІели, Мямма викІукъяйда СалихІра чесночира кабиили чебиулри. Мяммала хъунул биалли хІунтІена бялихъ бу-цули арархилри! Буцуси бяллихъла бизиси тІем башулри.

– Салам, дурхІни.

– ВагІалайкум ассалам. ДакІилраягу? Шилизиб се тяхІяр тебрив?

– Гъар секІал гІяхІлири. Нуша хІянчи баргес къяйцІдикІули калунра, амма хІянчи баргес хІедиубра. ХІуша сели диркьула?

– Нушара заводлизирад дакІибтири. Чардиубли аркьухІели, юлдаш чева-эс дакІибтира.

– ХІушала завод бузули тебалу?

– Заводра тІашбизес хІядурсигъуна саби.

– Гъанна хІянчи чинаб бургуси? Чинабалра хъям саби. ХІякимта лебдеш чула арилизи бурцули саби.

– Шимазибтани хъу бузахъули яшав барес бизес. Шагъуртазибтани чинаб хІянчи бургусив?

– Гъанна базар хІукумат саби. Гъарил адам вачар-чакарлизи ахъес гІягІ-нили сай.

– Ванза бузахъесра бусягІятла замана гъамадли ахІен.

– Ге, къиянни саби гъанна . Дявтала замана, илдас гІеларти дусмазир нуша къиянтазир калунра диахІелра, яшавла шуртІри дусличи дус къулай-дикІутири. Дусличи дус багъни дургІедикІутири. Илкъяйда улка гъалабяхІ башусири. Гъанна кулпет хІербарес шими-шагъуртикад хІянчи баргес къяй-цІли дашула.

СалихІла машиналичир нуша вокзаллизи дакІира. Вокзализив ватурси юлдаш билетунира асили нушачи хІерли варгира. Поездличир Орел шагъар-лизи гъайдиубра.

Ну улкъайлавад хІерикІули кайира. Илди мерани гъалар чуйнара чедаиб-тири. Гъанна мицІирдеш агарти диштІати станцияби, шими, янила дуки-гъу-нила мер-муса, фермаби тІашбиз агарли цалис гІергъи ца шалгІердалтулри.

Нуша Орел шагъарлизи детаили, иларад Змеевкализи дукъес гІягІнис-ири. Ила электричкаличир датдихъира. БархІехъ детаили, игъбарлисван къя-пІхІебарили лебалси столоваялизи дукес дякъунра. ГІур дуги беркІес мер баргес ласдухъунра. Гъанналис мицІирли лебалси колхозла хІянчизарти кон-торлизиб калунти биалри, илаб дуги беркІахъес датес асубири. Къакъализив чилра чейули ахІенри. Гаражлизир тІашти тракторгачи цацали кадиира.

Кадис мер лебли биалра, дурабванри илабра. КъантІли буралли, ил дуги сегъуналра гъанкІ хІебакІиб. Савлилис нушала дяхІ демдурлири. ХІя-кимтала гъала дукъес цахли биалра, ила хІедукъес гІямал аги.

ГІелабил бархІи илдигъунти дяхІличил ну председательличи адацІира ва хІянчизарти гІягІнилив или хъарбаира. Дила бригадали гъарил хІянчи бала ибхІели, председатель набчи хІеризур.

– Нушала дяхІ демдурли или пикримабирид. Нушаб дураб дуги беркІес чебуркъиб.

– Нуни балулра, хІушагъунти бахъал лебти саби. ХІушачи вирхес хІей-рус. Чебиулригу нушала улкала тяхІяр. Ге, гъалаб хІушагъунти хІянчизар-ти бузули бири.

– Хечиб гЯйиб агара. Нуша царил мерличи гьардикIexIe. Белики, илаб хIянчи бикес.

Гьар чинабалра нушаван хIянчи баргес кьяйцIбикIути цугбиркулри. Мер-мераначир агри-гашири. БиштIати нушачи, кьацI асес арц или гьалаб цугбиркулри. Нуша ил бархIи автостанциялизиб цугбикибти адамтази хIянчизарти чинаб гIягIнилил хьар-хьарбаира. Илдани бурни хIясибли, илавад Пакровскийлизи сайцун Басари разведкаличи вархьили, нуша илар калунра. Илаб вайси биалра мер лебри. Басари ил дуги чархIевхьалри, гIелабил бархIи ила нуша дукьес гIягIнитири.

ГIелабил бархIи ну ца юлдашличил царил районнизи гьввакIира. КIел юлдаш мякьлабси колхозлизи бархьира. Райпола председателъла хIянчи лебнила хабарлис ил ракIайчи лехIлири. ХIянчила замана таманбиэс гьалар ракIиб. ХIянчи агни багьахьур БерхIи гIелабиркуси замана юлдашуну чарбухьун, илдала хабарлира разихIедарира. Дуги беркIес гостинициализир мусни хIедикиб. Ил замана Басари чарухьун. Багьахьур хIянчи леб или. Илмадан Драсковлизи ардякьунра. Гостинициализир нушаб муснира дикиб. Илаб хIянчи баргес нушаван ласбикIути Хьярбукла дурхIнира цугбикиб. Илаб дуги беркIира.

Сецад кьяйцIдикIулихьали, хIянчи биркули ахIенри. ДацI някьбачил хьули чардухьес бигули ахIенри. Остров бикIуси шилизи дякьунра. Нушаб гIягIнили буили саби ил шила гьунчи адаибхIели, Остров шилизи дашули дукьес. Нушала игьбарлисван, нуша адукибси автобус гьаналис илаб тIашли лебалри. Илди бикIукьяйда, бахьхIи агарли ила «Виллис» машиничил кIел адам бакIиб. Гьамдиубли нушани шоферлизи нуша аркьуси мер бурибхIели, илини нуша аркьуси гьуйчи кадаибхIели тIашаили автобус нуша аркьуси ши тIул бяхIбарили чебаахьиб. Ил мерличирад Остров, ва Ветров бикIути диштIати шими цаличи ца гьамли чедиулри. Ил мерличирад дашули, шиличибад гьарахьли ахIенси фермализи хьурадиубли, илабти хIянчизартази нушала мурад бурира. Илди кIелра шила ца колхоз буилри. Фермализибтани вахьхIи агарли иша председатель льякьуси сай или бурибхIели, ил вакIайчи хIерли калунра.

Илавси председателъли буриб: «ХIуша, дурхIни, кьандиублирая. Даг строительти ферма бирес бахIибхьили саби. Председательличил вакIибси прорабли нушаб царил колхозлизиб хIянчи леб, амма цархIилтани буцибал хIебалас или буриб. Хан гьуйчи адаахьес машиничир дархьира.

Нуша хан гьуйчи кадаибхIели, илаб автобус чебаили, чина аркьусил хьарбаэс гьамдиубра. Ил автобусра агитбригада сабли уббухьун. Гьалар районнизирадли агитбригадаби или, фермабази, гьарахьти мераначибти букIуначи, декIаркадикибти диштIати шимала халкьличи башутири. Ил замана ил бригадали чула хIянчила бегIла гIергьиси архIя дурабуркIули бииши. Илала гIергьи халкь ургар детарути уржибдеш, разити ихтилатуни детахьибтири. Илдачил дарх нушара чумал колхозлизи гьардакIира.

ГIелабил бархIи Басаринира Саламлира баргибси хIянчи барес нуша ардякьунра. Басари райпола председателъличи ацIиб. Илавадли председателъличил царил шилизи арбякьун. ВахьхIи агарли илавадра Басари чарухьун. Гьар чинабалра нушала архIя гьарбилзули ахIенри. БерхIи гIелабиркули дуги беркIес гостиница баргес ласдухьи диахIелра, мер чинабалра баргес хIедиубра. Шила дубла дурадухьи хIерьибхIели, гIеба чебаили, дуги беркIес

ила ардякъунра. Савли делхунхели, чинилра чедаайчи палтарра пяхидарили, гъунчи дурадухъунра.

Чумилра шилизи гьардакѳира, амма хІянчи хІебикиб. Ца мерличир хъярхъти заблиу дикира, демхІурра. Ахирра, ца шилизи даибхІели, хІянчи баргира. Камси багъа сабри лугуси. Илар дакІибти арц нушаб дукесра диъхІедии. Илгъуна багъалис дузес нуша къабулхІедикира.

ХІянчира хІебикили, гъуни-гъуйчир арц адерхурти нуша Астраханънизи садаира.

УРЕХИЛА ХІЯНЧИ

Нуша вокзалла гьалар тІашли лерли, нушачи ца адам гъамиуб.

– ХІуша хІянчи баргес ласдикІутигъунтирая? – иб илини.

– Ге, хІу викІукъяйда сарра. Амма, чинабалра баргес хІедиубли хъули чардулхъулра.

– Нуни хІушаб хІянчи лебси мер бурис, хІуша къабулдикадалли.

– Бура, се-биалра пикрибирехІену.

– ХІуша бархІилис хІяйна далхра далхутира, бархІилис азир къурушра дирар.

– Вайли биалра, кулпетла гъала дацІли дукъес хІедирехІе, чачумал баз хІянчи бирехІе, – къабулбикиб юлдашуни.

Нушаб хІянчи баргисини ил мерличи башуси машина тІашиуси мер чебаахъиб. Ил юлдаш левалли «Виллис» дакІубухъун Нуша иличи кадатурли, сай гъарахъикиб.

БерхІи гІелабиркулри. Шагъар гІелаб батурли, авлахъ бехІбихъиб. Илаб сегъуналра ши яра ферма чебиули ахІенри. ЧІянкІли шуркъли бакІибси чІянкІ авлахъ сабри. ГІяхІцад дашули калунхІели, гъунила ца шайчиб чІигІяли бакІибси авлахъ дакІубухъун.

Машина тІашаибхІели, чинабалра шала чебиули ахІенри. Гъарахъли ахІенси мерличирад адамтала гъайлара иргъулри, чирагълагъуна шалара чебиулри.

Машина тІашбизурмад, нушала мякъла ца адам дакІуухъун. Нуша кибси шоферли тІамадариб.

– Бригадир, хІера хІед ишди сабукилра.

Шофер илизи сунела вахъхІила юлдашлизиван гъайикІулри.

Бригадир нушачи гъамиуб, ва чІумали гъайухъун:

– Къалабадикирая, столовая къяпІбарайчи.

Садукибси шоферли нушазирад арц секІал тІалабхІедариб. Нуша бригадирли чебаахъибси мерличи адацІира. Илаб кабиили вецІалцад адам лебри. Нушара, илдачи гъамдиубли, кадиира. Нушаб нергъра къацІла кІи-кІел кесекра гъаладихъиб. Цаличи ца хІердизурра. Нуни нергъ халдарира. Ванадарибти шин ахІи, къулсализи селра хІебикиб. Багъеслири илдигъунти берклума балхули бузахъути илабти хІянчизарти чи бирутил. Илдуги ил хурег хІеберкес тяхІяр аги. Дуки тамандиубхІели, лерилра ца чІигІялизибад барибси хъули хІяйвантиван духІнакаили, унза дебадариб. Илар нуша кадихъахъес чІигІяла матабазирад дарибти буршми лерри. Итил шайчирад ихтилатличи кабиили гъайбикІутала тІамри дикъулри. Чула гъайла хІергъули хъалли ца нуша садукибси шофер сайри. Ца тІама бригадирлари. ХІябъэсил гъалаб нушани бакъибси ахІенри. Илдала гъай хІясибли, держличилси их-

тилат сабри. Гъар замана дурути гъай дарскадикѹлри. Илмадан нуша чина дикилрал багъурра. Юлдашунази дигІянали илдани нуша чизи халдирулрал аргъахъира. БусягІятал нуша иш цІябдешлизир чинапра дукъес дирхІедирехІе. Гъайгъайра, илди балкъаурли биънира нушани балулри. Нуша илдани кадушилихъалли, нуша кадушибти баргес къяйцѹбикІути атІхІейхъур. Милицияра ишдачил бершили бургар. Нушала бегІганира нуша чинар саррал балусив? Нуша ишарад мяхІкамли лякІдикес гІягІнибиркур.

БусягІят нуша гъардухъес гъуни, мер-муса далули ахІенри. ЦІябдешлизиб чина аркъутирал багъес хІедирехІе. Амма шалалис гъардухъес гІягІнибиркур. Ишдани нушазирад паспортуни керасалли, нушани селра баресхІедирехІе. Нушаб шаладикни багъес къияннири. Иларти мер-муса халдарибхІели нуша чятирлизи духІнакаибти мазала-масличи мешудиркулри. ЧІигІяла матабазибад барибси юртла бяхІлизибад дурадухъес тІярхъи хІядурбарира. ИлхІели лебилра илаб лебти бусулри. Нушани хІядурбарибси тІярхъиларад дурадухъи, тІярхъира хІебагъахъес цархІил матара тІашбатурли, ил мерличирад гъарахъдикили чІигІялизи дигІяндикира. БахъхІи агарли белхІунти ялчни хІянчиличи арбукес хІядурбирулри.

Илди дуракаибхІели, илдачил дарх нуша агархІели, вьв-гъав имцІадиуб. Машина абикур. Илдада халалла гІясити тІама дикъулри.

– Каса автомат. Илди мицІирли батехІелли, нушала хІянчи цІахбарар. Кабушили чІигІялизи лайбикІехІе. Илаб чилилра бургхІебургу. Илди нушачи бакІибмад обработатьбаркъес гІягІниитири. Илдазирад паспортунилра керасес сен пикрихІебарибсири?

– Илди кавказланти биъни багъхІебагъурра, багъурли виасри, илди шикъхІебухъесли бираси.

– Илди Дагъистайзибад бакІибти бииши викулра.

– Дагъиста адамти чІумати бирар. Илдани чус вайдеш барибси адам мицІирли хІелта. Илдани нушабра балагъ-къадар дакІахъайчи лебилра кабушес гІягІнили саби.

Машина илмадан гъайбиуб.

Машина Астраханъ шагъарлизи аркъули биъни багъеслири. СенкІун шоферли балулри нуша сеналра вокзаллизи чардулхъни. Нушара чІигІялизирад дикили, сецад къиянни биалра илдас гІеларад дашулри.

Нуша авлилра, чІигІялизирад дурадухъи, илди кІелра буцес дирутири, илдазир автоматунни лерти хІедиалри. Иткъира илди нушани ца-цали буцес дигулри. Нушани балулри илди шагъарлизи абаибхІели, автоматунни дигІян-дирни. Илди нуша вокзаллизи дакІайчи нушачи хІерли кабиилри

Нуша, сецад дашес къиянни биалра, чІигІялизирад дашули лералри. Ца-цахІели нушазивад ца ахъси мерличи дураухъи, нушагІев вашуси левал яра ферма, къуш, шагъар чинаб лебал хІерикусири. БерхІи хІерейчи гъамбиуб.

Нушани балулри, чІигІяли бакІибси авлахъ абурхули биъни. Алавчарли хІердизурли, мер-муса ахтардидарили, авлахъличи дурадухъес пикрибарира. Гъанна шагъар чидил шайчиб сабил багъурти нуша сеналра авлакъкад дашулри.

Иларад ца даршал метрилацад гъарахъдикили, гІяшсигъуна мер баргили, ила кадили бамсриахъес пикрибарира. Гъагулти агарси чемъурси заклизбад берхІи буцІарбикІулри.

Нуша аркъуси мер чебиули диахІелра, иш авлахъличирад гІяхІти гунзри

кацлес чебиркни балулри. Иличи че нуша гушдиублири. Нуша бамсри ахъли, дашескадиибхели, нушазивад декларикили, Якъуб гелавяхI дуцлухъун.

ВхъхIагарли Якъуб нушаб гевваиб.

– Якъуб, ихаб хIела се-биалра кали хIебиэс?

– Се калил чебиидая!

Нуша дамсурли диахIелра, гъалакли дашулри. Урга-урга Якъуб гелавяхI ласирхъули сай. Рахли, Якъубла сунени барибси баркъудилизибад гав дурадикили чедаибхели, ахъли иб.

– ХIеръая гъари, нуни итаб се батурлирал. ХIердикIеная, ихдала къуш севан тIугIубирисал!

Нуша геладяхI ласдяхъибхели, нуша дукибси мерличир чIигIя адалкири. Нушани дуги беркIибси мерличидяхI гав гъайдиублири. Багъеслири иш дугилис лебилра чIигIяли кабуцибси мер игни.

– Ге, юлдашуни, нушаб къалабадикес гIягIнибиркур. Их цIа бусягIят къушличи кахIебиур. ЦIа чедаалли, илдани нушала хIянчи биъни бала. Илди нуша даргес ласбулхъан.

– Гъанна илдани нуша севан дургутира?

– Илдала машинти лер, нуша хъурали сарра.

Нуша цIаличирад гъарахъдикIулри. ЦIа биалли къушличибяхI гъайбиублири. БерхIи гелабиркулри. Нушаб держес шиналра цугдиркули ахIенри. Гъунчир цугдикибти чIичIлумаи кадуршули, багълали диахIелра дашулри.

– Наб, дурхIни, дила гушдешла авара агара. Ишдуги иш авлахъличиб дуги беркIес чебиркниличи пикриикIулра.

– Ну беркесиличи пикриикIулра, – викIар Басари.

– КъацIличил шин лерти диалри, вайли хIебири.

– Гъанна хIуни хъунуй дарибти хинкIи диаллира деркес виради.

– Илди селра ахIен, ишбархIи чум чIичIала кадушилра? Ишдуги цIябдешлизив, усухIели чIичIала къацIбикалли се бирида?

– УрухмакIуд, дугели илдара дусути дургар.

Авлахъличиб дуги буркIули лерли, дила Саламли гIяш-гIяшли марайси далай батаиб.

Гъай баркабан вегIла ши,

Биалра шахла вацIа,

Баркабан вегIла хъали,

Биалра шурла гIиникъ...

Ге, гъарил адамлис къиянтази викибхели вегI акIубти мер-мусара, вегIла хъалира, кулпетра гъандиркути сари.

Илала гъайли нушала уркIби кIантIидариб диалра, нуша челябкъалаличи, гIяхIдешличи пикридикIулри.

Ге, нуша илар дуркIути бурхIначи разили ахIенри. Мискин адамти селис разибирутив? Илдас чинаралра агри-гаши дакIудухъи диалли? Ил дуги нушаб дусван бухъанбитIун биалра, урхъула шайчибад шала шикъухъи гъуни чебиан биубхели, дурадухъунра. Якъубла баркъудила гав гъаннара ахъли заки катIунси талван чедиули лералри. Багълали Якъуб набчи ласяхъиб:

– Ну баркъиб анцIбукъличи левIевал пашманиублира.

– Сен пашманиубсирив?

– СенахIенну илдани ясирбуцили илцад язихъдешлизиб чус пайдалис гуж-зулмилиуб бузахъути адамтачи. Илди се биэсара, или пикриикIулра.

– Ге, илди кабушесра асубирар. СенахIенну илди баткаалли, чула бизнес цIахкабирар.

– Нушани ит нушаб хIянчи баргибси адам варгес хIедишара? Илис цакамси буцIарагахъес. Царилти бекIаллира, цIали бигалра, ит нуша даргес дураухъунси шофerra мицIирли кавлан. Нушаб хIянчи баргибсини машина тIашиуси мерличи аркъяхIе. Илав рахли шофер дакIухIелхъанал. Илис танбихI хIебарили ватни лайкъли ахIен.

– Илара хIерирехIе, амма гъала-гъала шагъарлизи адаили къацIли дукайчи, милиги ахъайчи селра барес хIедирехIе. Гъанна дила къяшми бинзин каберхурси машинаван тIашкадизес хIядурли сари.

Гаши хъумкартес, гъуни къантIбарес нуша хабуртази ахъилри.

Гъарахлибад хясала гулумличил нушачибяхI лябкъуси машина чебаили, нуша разидиубра. Машина, нушала мякъла сабаибхIели, тIашаиб. Ил милицияла машина сабли уббухъун. Ил нушани ташхIеахъилихъалли, нуша чедаибхIели сеналра тIашигъниличи ну вирхулри. ТIашаили гIергъи, илала мякъла хъарбаэс нушазивад цалра гъамиэс гIягIнисире. Ила гъамхIедиубли гъардухъехIелри, илди гIергъибирки. Ну илдачи гъамиубра.

– Нушаб Астраханънизи дукъес гIягIнили саби.

Цали жаваб чарбатур:

– Нушаб гъала-гъала ца мерличи дукъес гIягIнисе саби. Илала гIергъи.....

Шоферла мякъла кайибсини имцIабариб.

– Кадиирая, нуша чардухъи Астраханънизи аркъутира. Гъунчир милиг-гушдиубли диадалли шин лерсе мерличе диахъура. ЧардухъунхIели, нушани аркура. Нушала халасе декIар къуллукъ агара, дахъхIи агарли чардулхъехIе. Нушани хIушаб беркесе, милиге ахъахъес шин лугехIе.

Илдала гъайличе дирхаурти нуша машиналиче кадиира. Машина илмандан гъайбиуб. ГIяхIцад гъуни ахъибхIели, нуша аркъул гъуйчибад хъали чебиулри. Ил чебаибмад дила уркIиличе пикри бакIиб. Ишди милиционертала вайсе къас бургар ибсе. Нуша тIап илди хъулраче садаибхIели, машина хъулрала гъала тIашаиб.

– Кадухъеная, хIера иш хъулиб бамсриахъая нуша садаайчи. Нуша чрдухъунхIели, аркъяхIе.

– Астраханъ ишабад чехIебиули биес? – хъарбаиб Басарли.

– Ишабад чебиули ахIен. Дугили хIерикIалли, шагъарла шалми хIера ихшайчир чедиули дирар.

Илдани нушаб кIел буханка къацIлара гIяртизанна шинни дицIибти чумал шишнере гIиб. Гушти нуша илмандан дукес кадиира. Илди дурабухъун. Унзала дурад тIамри дикъулри. ДахъхIи агарли, дурад абикъурсе машнала тIама абердиб. ТIама гъарахъбикиб.

Гушсе кани ряхIятбиубхIели, айзурли унзаличе гъамиубра. Илдани унза дебабарили буилри, абхъес чина вирусив?

– Юлдашуне, милиционерте илдала юлдашуне бургар. Гъанна илди чула хIянче барес дурабухъи биес. Илабад чарбухъунхIели, илдани нуша я илдачи аркура, яра илдани чучил барх илди иша лебку. Илбагъандан нушаб ишарад гъардухъес гIягIнибиркур.

Нуша севан дурадухъес дирехIел къайцIдухъунра. Дурадухъес мер баргес хIедиубра. Илаб игъбарлисван лом балбикиб. Илала кумекличил улкъай убасили, иларад дурадухъунра ва датдихъира.

Беркес къацІра, держес шинра дикибхІелирил яра челябкъуси балагъ-лисрил къяшми кункли дашулри. Нуша рах-рахли гІелабадбикибти лебал ласдяхъили хІеррадикІулри. Рахли нушачибяхІ лябкъуси машина чебаили, дигІяндикира, ил се машина сабил багъес хІердикІули. Милицияла яра нушагІеб башутала машина хІебиъни багъурхІели, машина лябкъуси гъунчи дурадухъунра. Шоферлизи Астраханънизи аркъутира или бурибхІели, илини жаваб чарбатур:

– Ну шагъарлизи аркъуси ахІенра. Къабулдикадалли, ила башуси гъуйчи диахъура, кадиирая.

Илала гъайличи разидиубти нуша илмадан машиналичи кадиира. Машина гъайбиуб. Асфальтличи адаибхІели, кадухъунра.

– ХІера, юлдашуни, ну цархІил шайчивяхІ аркъусира. Астраханъ хІера итабяхІ саби.

Нушала кисназир сецад арц камли диалра, ил адамла баркъудиличи разидиубти, илис арц бедес ну гъамиубра.

– Баркалла, юлдашуни, арц гІягІнили ахІен, – някъра гъакІбарили, гъуни даимбариб.

– Гъанналис уркІи бухІнати адамти лебай саби. Демократияла заманализиб террористутира, рекетёртира, хІера иш нушагъунти балагъ-къадар чедикибти адамтазибад алкІути бургар. ХІебиалри, сен Совет хІукуматла замана илди агартири?

– ХІела террорист яра рекетер ветаэс къас акІубли хІебиалли, ХІяжи?

– АхІен, ну илгъуна ветаэс хІейрус. Дила уркІи бетаурсиличибад чеб-кабурхули, къияндешлизи викибсилис кумекбарес гъуцІли бирар. Террорист, рекетер къяркъси, увяхІси, уркІецІагар виэс гІягІниси сай. Чебаиригу хІуни, сабигъунти адамти урехилизи бушили, биргІябиргили, гаша хІебеб-къахъес камси къацІлира балхули, умхІиван чус бузахъути адамти.

Гъарахълабад лябкъуси автобус нушала мякълаб тІашбизур. Бахъал декІар пасажирти аги Илабти халкъра нушачи хІебирхутиван хІербикІулри. ДацІти мераначи кадиира. Гъалаб илабти адамти нушачи хІебирхули калун биалра, гІур ихтилатунази ахъиб.

Автобус шагъарлизи бухІнабухъун. БахъхІи агарли автостанциялизиб тІашбизур. Нушани хІекъра бедира. Мякълаб балбикибси тукейзирад къацІра лимонадла шинра асили, халкъ камси мерличир дукунра.

Гашира ахъили, вокзаллизи дакІили, нушаб «хІянчи баргибси» адам варгес къяйцІдухъунра.

Нуша илдала къушличир калунси дуги илдала ихтилатлизиб бакъибсирри, хІера ит нуша дархъибси юлдашлис нуша дукибси шоферличил арцра дурхъни.

Сецад вокзалла духІнар къунздикІули хъалли, ил адам чезс дирули ахІенра. ИлхІели илдала машина тІашиуси мерличи ардякъунра. Илар тІашдизурли къараулбарира.

Ца машина тІашаиб ва шофер мякълабси хІяжатханализи гъалакли дуцІухъун.

Дила мякълав тІашкайзурси, илдани барибси баркъудиличи гІясиси Якъуб хапли ветахъиб. Цакамси заманала гІергъи ил дила мякълав вагъарвиуб.

– Якъуб се барри, дила мякълавад ветахъиригу?

– Ца гІягІнидеш лебли вякъунсири.

– Ит нушаб гІягІниси шофер дурахІелхъулигу, се бетаурлира?
– Рахли итала кани секІал изули биэс?
– Даширая аркъяхІе, белики, илини нушазивад урухІули илаб дуги беркІес пикрибарили виэс, – пишяхъили, Якъуб набчи хІеризур.
Нуша чи-биалра алавчарли хІердизурли, мяхІкамли хІяжатханала мякъларад шалгІе дулхъухІели, ну ила хІеризурра: илав сунела гІягІнидеш ихъули кайибси чейулири.
– ГІур нушагъунти ихъуна хІяйзи хІебикахъес хІулруми дацІдирехІе или, юлдашуна авалра хІула дисбачил гІямраддарили дацІкадариб. Илала гІергъи вокзаллизи чардухъунра. Илар билетунира касили, цархІил мерличичи дукъес далдизурра. Нушала поезд бакІес гІяхІцад замана лебалри.
ГІурра нушаб «хІянчи баргибсилличирад» уркІби чердурхули ахІенри. Ил варгес къяйцІдухъунра. Нушабра хабарагарли, ил вокзаллизив дакІувиуб. Багъеслири, ил сагали ялчни баргес къяйцІикІули виъни.
Ил хІебиахъес или, нушани авалра шайчивад алавирули чедаибхІели, уркІухъунсиван хІеризур.
– ЛехІ! ХІушаб нуни чебаахъибси хІянчи вайбизуру? Яра дила юлдашунас хІуша вайдизуррав?
– ХІела юлдашунас нуша вайхІедизурра. Илдани чучи хІу кавкахъес дархъибтира. Нушала машина хІерли саби. Илдани буриб, хІу арц касесра вакІес гІягІнисире или. Гъанна хІянчизартас кІел базла алапа лугула или.
– Бархъа саби. КІел баз арц касили ахІенра. Гъанна се бетаурлил балула. Илдазирад наб арц хІедиркни. Илдани хІуша дяхІдарнилис мицІирли лебли биалли, ну кавшес асубирар.
– КахІершури илдани. ХІед дахъал арц луга. Премия булан луга.
Сели дугъули диахІелра, ил нушачи вирхарули ахІенри. Нушала пикрири халкъ агарси мерличичи арукес. ГІурра илини аргъиб виэс сай хІелтни, ил нушачил хІейгули вакІиб.
Нуша иличил халкъ агарси мерличичи кадаэс къалабали дашулири. КІили ил гІяхІси юлдашван училри. Шагъарла дубла кадаили алавчарли хІердизурра, нуша ил танбихІлаварес дехІдихъес хІядуриубра. Нушани бирусилличичи шакикибси ил бусягІят тиладиикІес вехІихъиб.
– Нуни детаурти гъар секІал далула. ХІуша илдала шикъличичи шакдикили гъардухъес бикибси саби. Эгер савлилис калунти диадалри, хІуша гІур чиналра дукъес дирути ахІенри. Илдани хІуша царилгачи адухъайчи документуни чузи дуцибти диалри, хІуша илар кавлутири. Илабси беркалара адамтира чебаибхІели, хІуша шакдикили гъардухъес бикиб. Ге нунира вайси барилра. Нуни хІуша Дагъиста адамти диъни багъурси виасри, хІушала мякъла хІякъяси. Их мерличивад цалра мицІирли чарухъунси ахІен. Амма хІуша чардухъирая. Илдас хІушани чеббирцІнира багъеслири. Нуни хІушани барибси багъурра. Лебилра нушала хІянчила мер-муса цІали дигублири. Ялчни цабехІ гъаббухъи саби, цабехІра нушала руководителли кабушили сай. Лерилра лерти арцра касили сайра ветахъили сай. ИшбархІи, набчи арцличил шофер лявкъусире. Нуша иличил ардякъи царил мерличиб хІянчи акІахъес гІягІнисире. Набчил юлдашдиадалли илар хІушаб арц дирар.
– Ил хІела пикри вайси ахІен. Амма нушани хІушаниван адам кавшес хІедирехІе. Илбагъандан хІу викІусира нушани барес хІедирехІе. Шофер хІечи вакІес хІейрар Ил машина бячи ремонтбирули архили сай. ХІу иличи

укъяхъес мицѝрли валтари. Амма гъалабгъуна хІянчи барес хІушала бет-хІерар. ХІуша цархІилтас дузес бичани детарутирая. Мурталра ца хІянчили виркъусилис биртІули бирар. Илбагъандан хІякимдеш ахъдикІули диалра, хІела хІянчи гІяшдешличи ардашуги сари. ХІушанира чебаэс гІягІнибиркур хІуни царилти адамтази чебаахъибси хІянчила къияндеш

ХІера ил жагъаннаб хІушани чебаадалли, хІушара хІушани барибси баркъудиличи пашмандиэсра асубирар биаллира, гІур гъаларла гІямруличи чардиэс дирути ахІенра. Илди къияндешуназир деркІайчи кавлутира.

– Тиладибирулра ну ватни. ГІур илгъуна секІал хІебирис.

– ХІу валтулри. Нушани чІянкІли хІянчила разряд камбарили хІу хІянчила хІял-хІякъикъат дагъахъес бичличи чаралтулри. Якъуб, нуша хІянчила дурадухъес замана биули саби, илизи багъахъа се барес гІягнисил.

Якъуб гъала дураухъун. ЧІумали тІамадариб.

– Раздевайся!

Багълали биалра сагали бич ветаэс хъулухъунси, гъалав бичани барес ялчни бургусини палтар чердатур.

– Илала кисни умца, гъар секІал каса, Якъуб.

Иличибад турсикІ булан чеббатахъурли, сунела гъала кадихъили, ца удихъиб. Ил цІализи паспорт бархли лайбакІиб.

– Гъанна хІуни багъи хІу бич виъни!

– Гъамии, господин. Ихди хІела палтарла цІали хІу ванаирури.

– ЦІа бишунхІели, висули чІянкІули журугиубли галгалиу кайибси илра ватурли, нуша ардукъес далкъаурра. Гъанна, господин, хІед бархли гІяхІидираб или, нуша вокзаллизи чардухъунра. ИлхІели нушала поезд бакІес замана баилри. Поездличи кадиэс хІядурли тІашти нушара датурли, хапли Якъуб нушазивад декІарикили камси заманала ухІнав дицІибти пакетуначил чарухъун.

– Юлдашуну, нушаб дахъхІи халкъван дукес бикхІебикиб. Поездличи кадиибхІели, дукехІе. Мая дуца, наб декІли сари.

– ХІуни се барилрив? ХІянчи баргайчи арц хІедиъни хІебалулрив?

– УрухмакІудая, арц диур, гІурра лерал.

– ХІед арц чинарад дикиба?

– Ит шоферли, хІера ит нушани ватурси юлдашлис, нуша даргнилис лерхуги арц, хІуша сеналра ит варгайчи тІашхІедилзада или набчи хъардарили гИбтири. Нуни илизирад арц сайсухІели, сунела кисализиртира касахъес хъарбариб. Илала кисмазиртира касес чебуркъиб. Илди арц дила детаур.

Илис урги ит хІяжатханализи гидгурачи жибхІни садитІес гІяргІяван кайили калунси.

– Набчиб се гІяйиб леба? Чус илкъяйда бигахъули бииши. Саби гІяйибла бегІти ахІену гъатІи? Гъанна нушачи поезд хІядурли саби, укес нура гъалаклира. Адухъеная поездличи.

Нуша поездличи адухъи нушала мусначи кадиира. Укес гъалакси Якъубли столличи сунени асибси беркала гъаргбариб.

Пикрибаралли, улкала бухІнаб террористунира, террортира алкІахъуги агри-гашили дуили сари. Гъарил мискин адамлис хІянчира лебли, кулпетра лайкъси даражаличиб хІербирули биалли, чисалра я дургъби я душмандеш дигхІейгахъу. Дявти адилкъуги давлачебгани сари. Илдас халкъ чус къазакъуни барес дигули саби.

Поэзия

Имин
МЯХИЯММАДОВ



УСАН РУРСИЛА ГЪУНАР

*Социалист Бузерила Игит Казиева Хамислис ва ил акIубси
хъалибаргIис сунела ученикунала шайзибад*

Халкъла хIясибли



1.

Азайлан издагъуна
Жагал рурси раркънилис
ХIу раркъиб хIела нешлис,
Азир мача каргъурси
Жавгъар духурибала
СубхIян хъябличи кахъес,
Ца ахъри лебли дигиб!

Духули арикъурли,
Адабличил раркънилис
ХIела устаз дудешлис,
Азирла дурзам чебли,
Дуб дуцили дубура
Савгъатлис гъалабуцес
Ахъри кIелцад цIакъ дигиб!

АхIерли хIеррарнилис
ХIела авалра узис,
Арцла улыбхъа черли,
Мургъила ургъуртачил
Ца-ца тIай пешкешдарес!
Жамавхацад къарабагъ
Урчала илхъи дигиб!

КарцIли хъябруцбашути
ХIела гIязиз рузбала
КIи-кIел някъла вецI-вецI тIул,
Къаш якъутла, мургъила
ТIулукма кIапIдуцахъес
Пачалихъла хазнала
Ну хазначили дигиб.

Хулбала ванаси хер...
Нешлаван лявла тIама...
Класслизиб арцурси
Дуклумар кIазла кIана...

Михърличиб зубари
Гъарилла хер алтIуси,
Зубрачибад шалдаван
ЛямцIбикIули рурхIуси.

Аргъайзи минабиуб
Биризла кабиз хIела,

2.

Дарга машгъурбарибси
Учительница дила...

ГIямрулис гьалмагъдалли
Шинкья-къаламла ярагъ,
Шила дурхIнас алкунри
Багъудлумала чирагъ.

Лебта хIечи бихъибси
Марбирули игъдибар,
Барри, дубурлан рурси,
ХIуни чебяхIси гьунар.

ХIябиб
КЪУРЪАНОВ



ГЪАЛАБ ВА ГЪАННА

Дурдибти палтарра,
Гашала гягIра,
ГIябала удибад
Башуси дягIра...

Балагълари дусми
Дявтас гIергъити,
Душман вячIаллира
Гъими хIейхъути.

Садии хIеб, булгъи
Бузес ургуба
Гъагъбулхъи дяхIлизи
Ванаси гъава.

Лерил уркалунти
ХIянчи бекIдарес,
Гъаза бири халкъли
Дявти хъумартес.

Къяшми агартасра
Башес дигахъи,
Някъби агартасра
Бузес дигахъи.

ДекIархIедарили
Дуги ва хIери,
ГъалабяхI башахъи
Гъабкъя бузери.

Лерри леблисалра
Даари хIянчи,
Бузра бузи берхIи
ГIелабикайчи.

Хъуми далцес бахъал
Хъубзури бири.
Гъарилли кабирхъи
Халал бузери.

Саби дявталацад
АтхЕбиркалра,
Лебри бузерила
Игитунира.

Гъанна хъубзарличи
ХЕрли саб ванза.
Тяп излума чархван
Бирџули занзба.

Лайдакџили сари
Хъура хъубзарра,
Лига-къякъяван сар
Миршра дуразра.

Хъумуртув хабарла
Хала букџуни,
Гъявначир дяхъибти
Хала къушани?

Дубурла бяхџличир
Мазала мерлар.
Чедиути къаркъа
Сари гъар мерлар.

Ганзиван белшунси
Усала шира
Даг чебаибсили
Гъанна хЕбала.

ХЕризурли адам
Пикриухъалли,
Тяп буунсиличи
Мешули саби.

Гъанна Кремильла
Кџалгџяра балли

Ит гъалабла ахЕен,
Цархџил саб марли.

Коммунизм лушулри
Ит манзил илаб.
Гъанна – белшунсира
Гъятџули саб.

Сепайда, коммунизм
Белшес бетхЕур.
Устни хЕбаргибал,
Бахъ гъархЕбизур.

Гџурра диуб дахъал
ГъархЕбизуни –
Балирав шаласи
Челябкъла хџякъни?

Лугули биалра
Илцадра камти,
Совет хџукуматла
Арц дири гџяхџти.

Илдас се-биалра
Асес вирулри.
Кепеклисра балли
Лугуси бири.

Гъанна се исидал
Аса къурушлис!
Алапа хЕбиур
Хџинтџен бялихълис...

ХЕбагъурра дихЕес
Итдицад гџяхџти,
Дихџули дуулра
Лерилра вайти.



Фольклор

ДАРГАЛА БУРАЛАБИ

Дурашан рурсиличи хъайчикайирив – гяйниб гили-къабталичилси
урчи биахъа.
Хленкълизи бякъунсигъуна хяйван хлебирар.
Гъайли гъай бургу, душмандешли – душмандеш.
Даршудеш белшес дусми гягнитти сари, душмандеш адикъес хлули
липла манзилра баибси саби.
Вегличичи къиянси анцѣбукъ чебуркъалли, урхила децличила хлергъу.
Чи гъарахъихли хлериклапра, илини дунъя гяхил чебиу.
Гямалагарлис – набтла ца, гашас – сусупла мучари.
Аллагъла – бурхли дахъал, хабчабла – къуцѣри дахъал.
Хялизи урухлини хлебагъахъалли, ил чебулхъуси ахлен.
Дурхлини лебси мискин хлейрар.
Аклубти Аллагъ валутили бетааб.
Гяхлял хядурли хъалли, хъали хядурли хлебирар.
Азгъиндешли хъу хледухъахъу.
Алхям бухънабиуси ахлен.
Мекъличичи укхлевкъядра асубирар, беклаличичи укъес чебси саби.
Дуралли, дунъя бирцѣур: хледуралли, варг вирцѣур.
Гямрула умцла илдала духъяндешлизиб ахлен, илди
пайдаладарнилизиб саби.
Урехила барха вецѣну клира сяхла бирар.
Гямру ца мерлар дуути ахлен.
Ца тлярхъила вацни цагъунти дирар.
Хялалси бузериличивли давлачевиз вирус ахлен.
Бехъубси тлашбатесичиб, лебси мяхкамбарес гъамадли бирар.
Жявли айзурсира жявли хъайчикайибсира пашманхлейрар.
Гъакабихъибси букан, чекабихъибси – бихан.
Лебси секлал беткахъахъес гъамадси саби, бетакъибси баргесичиб.
Къиркъирла мас сахаватсили бука.
Гяхити уршба дудешла хъалица сагадиру.

Шяхи МЯХИЯММАДСЯГИДОВ



МЯХІЯММАД - РАСУЛ РАСУЛОВ



Хабарагарли шалгевухъун Дагъиста халкъла писатель МяхІяммад-Расул Расулович Расулов.

Сулейман Стальскийла ва ГІямарла Батирайла премиябала лауреат, Дагъиста культурала урибси хІянчизар, СССР-ла печатьла отличник, филологияла Гилмуртала кандидат, МяхІяммад-Расул акІубси сай Дахадаевла районна ГІярбукІла шилизив 1936 ибил дуслизив.

С. Стальскийла училилси Дагъиста педагогический институт таманбарилли гІергъи, ил сунела шилизив учительли узули калуи. ДурхІнала хІял-тІабигІят ункъли дагъурси мугІяллимли 1962 ибил дуслизиб школала бучІантачила «Чанкур» бикІуси жуз дураиб.

Илала гІергъи МяхІяммад-Расулли, лерилра гІямру литературалис хасдариб. М.

Горькийла училилси Литературала институтлизирти чебяхІси даражала курсани делчІун. Ил Дагъиста жузала издательстволизив редакторли, директорли, илкъяйда КПСС-ла Дагъиста обкомлизив узули калуи. МяхІяммад-Расул дурхІнала «Лачин» журналла бекІ редакторлира калунсирли.

МяхІяммад-Расул дахъал жузала автор сай: «Мекълис гІергъи», «Бириз пухІ-бикІухІели», «Агъ, дила дунгъя», «ГІямру хІерли хІедуар», «Дубурла мирикІ вава», «БекІбяхъ», «Щудара мукъара», «УрхІла мурул», «Масандил», «Нешла дев», «Пушкинра ХІяйдарла хала дудешра», «Диванчиби чихъали» ва цархІилти. Илала гІяхІ-цад жузи урус мезлира дурадухъун, илдала лугІилизир сунени урус мезли делчІунтира.

Писательли ахъдурицули сари дахъал мягІиничерти масъулти: дудешунала ва дурхІнала – наслуби ургабси – бархбас, илди дайдирхъути зиддешуни, хала бегІтала ва чеабиуси наслуба къисматуни ва илдала къиматуни, пушала замана ва адамла хІяя, замана ва жагъилти, илдала рухІла давла ва цархІилти. МяхІяммад-Расул сунела игитла рухІла назикти рангани ва илди даредикІни якъинни ва дурусли учІайс гъаладихъес бажардикибси пагъмучевси уста сай.

Даргала театрли МяхІяммад-Расулла пьесаби хІясибли чумал спектакль кадихъиб. «Гулжанат», «Чи сая гІяйибла вегІ?», «Агъ, дила дунгъя» ва цархІилти. ГІялим сайлин илини «Гъайла устни» бикІуси жузлизир ГІямарла Батирайла, Сукъур Къурба ва Рабадан Нуровла гІямрула гъундури ва творчествобала хасдешуни чедаахъиб.

Ил СССР-ла писательтала Союзла ва Дагъиста писательтала Союзла Правлениела член сайри. «Дагъиста гъаларти къуллукъуни багъандан» орденничил шабагъатлаварибси сай.

МяхІяммад-Расулла хъалибарглизи, узи-уршилизи, шантази халаси нашман-деш балахъудра. Пагъмучевси писатель ва пергер ихтилатчи МяхІяммад-Расул Расулов пушала уркІбазив даимлис кавлан.

*Дагъистан Республикала писательтала Союз,
«Гъалмагъдеш» ва «Лачин» журналти*



Янила някъиш